

Et present liure appartient a moy  
 Josias macquereauz med & chirurgien  
 a Saloy ardeur le 15. Decembre 1586.

inj8.

Macquereauz

Supplicio laus tuta semel -  
 Plustot mourir que peuvr sa bonte ebrante

IO M

mea  
Spes Deus

Quicquid agas sapienter agas & respice finem

3305

31180

*N. Fosiad. mactureque. Spizurgidy a ofalon*  
*Ita sit amya*

# HARMONIE

## DES CORPS CELESTES

### ET HUMAINS.

Faict & composee en vnze dialogues  
traictans des choses concernan-  
tes la Medecine & Astro-  
nomie: Par Ant.  
Mizauld.

Nouvellement & fort exactement traduite.  
de Latin en François.



LYON,  
Par Benoit Rigaud.

M 80.

AVEC PERMISSION  
31180

Specimen Deus,

*admirabile*

*Adp. a ofalon orig. de en bruis de* *31180*

L'Homme, & membres du corps,  
L'un à l'autre attelez,  
Mizauld egale aux cieux, &  
brandons estelez.

I. D. M.

supplicio laus tota semel.

*Jeustot mourir q's p'cedre sa b'ne v'ne*

Spes mea Deus.

# A TRESILLVSTRE<sup>2</sup>

SEIGNEVR ET REVERENDissime, Monseigneur Germain Valant Gellis, conseiller du Roy en sa cour de Parlement à Paris.



ONSEIGNEVR, comme on uoit aduenir que ceux qui receuants les premiers rudiments & principes de nature, ont receu

quant & quant une certaine inclinatio & aptitude à l'estude des bonnes lettres: apres que leur aage, usage, obseruation, estude, diligence, & leurs maistres ont fait cuir & meurir en eux la Philosophie & cognoissance des langues, ut animum ad aliquod studium adiungant, choisissent & se proposent une uacation par laquelle ils puissent à l'aduenir profiter non seulement à eux, mais aussi au public pareillement, postquam excessi x c. bonis, entre tous arts & disciplines, m'a plus agréé la medecine. C'est un art (pourra dire quelqu'un) qui ne sert qu'au corps, & ne s'employe qu'à la guairison

des maladies & accidents qui luy suruiennent. l'adiouste, qu'elle nous introduit bien plus auant, & nous amene, entre autres effects, à la contemplation de l'homme, duquel le singulier artifice & ouurage nous donne à cognoistre l'incroyable puissance de nostre Dieu immortel. Et par ce moyen pouuons au corps humain contempler l'inenarrable beuté des choses constituées & composées par ceste diuine prouidence, à fin de pouuoir plus aisement entendre de combien plus qu'aux autres animaux à esté proueu par ce Dieu souverain au bien de l'homme, en fabriquant un ouurage si parfait & excellent. Au moyen dequoy i'ose prendre la hardiesse de uous dedier le present traité, traduit de son Latin en nostre langue maternelle & naturelle, à fin que ceux qui sont ignorans de la lāgue Latine, puissent estre faictz participants du plaisir & utilité qu'on peut recueillir d'iceluy: auquel est faicte comparaison du Ciel, & ses parties, avec le corps de l'homme, & ses parties, & de l'harmonie & conuenāce qu'on uoit de l'un à l'autre. Et nonobstant qu'il semble n'auoir pas grande conuenan-

ce d'une chose parfaicte, accomplie & diuine,  
 avec une imparfaicte, terrienne & humaine: si  
 est ce que l'un est si ingenieusement egal à l'au-  
 tre, & si dextrement mistionné, que tout ce qui  
 y est contenu ne peut que donner un singulier  
 plaisir & delectation, & quant & quant ap-  
 porter prouffit au bien affectionné lecteur. Car  
 comme depuis la premiere fondation du monde  
 iusques à nostre aage, ne s'est trouué aucun (que  
 ie sçache) Hippocrate, ny Galien, ny Ptolemee,  
 qui ait entrepris un si excellent & notable trai-  
 té: aussi ay ie bien opinion, & me mes m'assu-  
 re qu'il n'y aura personne, de quelque estat, qua-  
 lité & sexe qu'il soit, qui ayant seulement ietté  
 sa uëie sur l'intitulation du present Dialogue,  
 ne soit espris d'une incroyable affection & desir:  
 de sçauoir quelle conuenance & correspondan-  
 ce peut auoir du Soleil & des Cieux avec l'ame  
 raisonnable, & le corps de l'homme: des rayons  
 & esprits du Soleil, avec les esprits du corps  
 humain: des rayons & inspiration de la Lune,  
 avec l'esprit animal: de la faculté & uertu des  
 Planetes, avec les facultez du corps de l'homme:

de la chaleur naturelle du Soleil, avec la chaleur naturelle du corps du Sol il, avec le corps : de la nature des estoilles du Ciel, avec les humeurs du corps : de plusieurs & diuerses estoilles avec plusieurs & diuerses parties du corps : du cours du Soleil & de la Lune, avec le cours de la vie humaine : des parties du Ciel faictes & formees en mod, avec les parties du corps de mesme forme, & les yeux. Toutes lesquelles choses sont pour monstrier qu'il y a une certaine concordance du corps de l'homme avec les cieux, desquels cest esprit formateur & gouverneur dudit corps, avec la medecine, par le moyen de laquelle il se peut maintenir & entretenir en bonne sante, est descendu d'en haut, & venu en terre. Ce qui est si exactement & familièrement manifesté en ce discours, que nous ne pouons nier que le Ciel, le Soleil, la Lune, & toutes les estoilles, la terre, & spccialement l'homme, ne soit merueilleusement tenu & reueuable à l'Auteur d'iceux, pour les auoir reconciliez ensemble & conioinct par mutuelle alliance & perdurable. Et par ce que ie suis tres bien informé de la bone affection

Et uolonté que de uostre grace uous portez à tous estudiantz, ie me suis enhardy de le uous consacrer, à celle fin que sous uostre protection il puisse trouuer grace & faueur enuers un chascun. Mais à fin que par trop long propos ie ne uous distraye de uos trop meilleures occupations, & Quum tot sustucas ac tanta negotia regis, Consilio, legum uetus rigidusque satelles, Gallica regna regas, in comoda publica pecces. Si longo sermone morietur tempora, Gellii: Je supplieray seulement uostre reuerence de le prendre en bonne part, τῇ ἐνδοξῇ καὶ τῇ διδασκαλίᾳ, & τῇ χάριτι καὶ διδασκαλίᾳ τῶν μαθητῶν καὶ μαθητριῶν. Vous assurant que si uous l'approuuez, ie ne seray compte de ceux qui le uoudront reprouer: n'ayant desir ny affection qui me soit plus recomandee, que, qu'il plaise à Dieu me fauoriser tant qu'il me donne le moyen de uous faire tres humble seruice d'aussi bon cœur,

Monseigneur, que ie le supplie uous maintenir en tout heur & prosperité.

Vostre tres-humble seruiteur,  
Iean de Montlyart.

A A N T. M I Z A V L D,


DOCTE ET INGENIEUX

reconciliateur des cieux &  
des corps humains,

S O N N E T.

**L**A terre & habitants de sa machine ronde,  
Ceste haute largeur des cieux, qui tournoyants  
Portent pour esclairer tant d'astres flamboyants,  
De la face de Dieu miroirs, planchers du monde;  
Pour auoir d'une adresse à nulle autre seconde  
Equiparé aux cieux & astres ornements  
L'hōme, & de tout son corps les réglés mouuements,  
Doit de courōne orner tō front clair, serein, munde,  
O merueilleux ouurier, lequel d'un petit corps,  
Egale au firmament grands & petits ressorts!  
Ou es tu Galien? ou es tu Hippocrate?  
Que nature par vous n'ait transmis aux humains,  
En la diuersité des escripts de vos mains,  
Ce liure: en vostre endroit elle fut trop ingrate,

I. D. M.



SOMMAIRE D V  
PRESENT TRAICTE',  
& de l'harmonie qui y  
est proposee.

*Proposition de tout le subiect,*



L est notoire que le corps  
de l'homme ressemble au-  
cunement aux Cieux, & a  
vne merueilleuse harmo-  
nie, conuenance & correspondance  
auecques eux.

*Aphorismes contenus aux discours d'Æscu-  
lape & Vranie, se respondants  
l'un à l'autre.*

Le premier dialogue est comme vne  
preparation & entree pour venir à la  
presente harmonie & discours d'Æscu-  
lape & Vranie.

## S O M M A I R E

Au second est traité de la conuenance qu'il y a  
entre le Soleil & les Cieux avec l'ame rai-  
sonnable & le corps humain.

## APHORISMES.

### V R A N I E.

**D** I E V est auteur & createur du  
Soleil & de tout le Ciel, &  
mesmes des parties d'iceluy.

1 { **Æ s c v l.** Dieu est auteur & cre-  
ateur de l'ame raisonnable, & de  
tout le corps, & mesmes des parties  
d'iceluy.

2 { **V R A N.** Ce qui regit, gouuerne  
& donne mouuement au Soleil &  
aux cieux, il est immortel.

2 { **Æ s c v l.** Ce qui regit, gouuerne  
& donne mouuement à l'ame rai-  
sonnable, & au corps humain, il est  
immortel.

3 { **V R A N.** Les parties des cieux, ou  
estoilles, ont deux mouuemens.

3 { **Æ s c.** Les parties des corps hu-  
mains, ont deux mouuemens.

V R A N. Le Soleil estant au ciel par vn viuifiant fouspiral, attrempe & resiouit toutes choses basses & terriennes qui luy sont commises.

4 { Æ s c v. L'ame raisonnable, & qui est au corps, par vn viuifiant fouspiral, attrempe & resiouit toutes choses basses & corporelles qui luy sont commises.

V R A N. Le mouuemēt du Soleil qui est au ciel est constant, & ne se lasse iamais.

5 { Æ s c. Le mouuement de l'ame raisonnable, & qui est au corps, est constant, & ne se lasse iamais.

V R A N. Le Soleil, apres Dieu, n'a besoin de personne pour exercer & faire sentir au monde ses forces.

6 { Æ s c v l. L'ame raisonnable, apres Dieu, n'a besoin d'aucun pour exercer & faire sentir au corps ses forces.

Au dialogue troisieme est traicté de l'accointance & union des rayons du Soleil & de ses esprits avec les esprits du corps humain.

## APHORISMES.

**V R A N.** Les esprits & rayons du Soleil sont essences bien menues & delices, & du tout celestes.

**Æ s c.** Les esprits du corps humain sont essences bien menues & delices, & du tout celestes.

**V R A N.** La lueur & resplendisseur de l'esprit du Soleil, s'accommode en plusieurs sortes aux biens de la terre, & besongne en eux en beaucoup de façons.

**Æ s c v l.** La lueur & resplendisseur de l'esprit qui donne vie s'accommode en plusieurs sortes aux parties du corps, & besongne en elles en beaucoup de façons.

3 { V R A N. La resplendisseur des rayons du Soleil ne peut du tout estre enfermee en vn lieu.

3 { Æ s c v l. La resplendisseur de l'esprit animal ne peut estre du tout cachée en vn lieu.

4 { V R A N. Le souspiral du Soleil par son efficace & presence fait de merueilleuses choses à l'endroit des biens de la terre.

4 { Æ s c v. Le souspiral qui donne vie par son efficace & presence fait de merueilleuses choses à l'endroit des corps humains.

5 { V R A N. Les esprits du Soleil tombants sur la terre, renforçissent de beaucoup, alimentēt & resiouissent toutes les parties d'icelle.

5 { Æ s c v l. Les esprits humains tombants & se distribuants par le corps, renforçissent de beaucoup, alimentent & resiouissent les parties d'iceluy.

## S O M M A I R E

**V R A N.** Les esprits & rayons du Soleil ne contregnēt pas tousiours la terre à faire sa besongne.

**Æ s c.** Les esprits du corps ne cōtregnēt pas tousiours les instrumēs humains à faire leurs besongnes.

**V R A N.** Par le benefice du Soleil nous voyons le Soleil mesmes.

**Æ s c.** Par le benefice de l'esprit animal nous voyons ledict esprit.

**V R A N.** La resplendisseur du Soleil peut estre empeschée de venir ça bas.

**Æ s c.** La resplendisseur de l'esprit animal peut estre empeschée de se distribuer par le corps.

**V R A N.** Le Soleil qui est au ciel est merueilleusement soubdain, hastif & legier.

**Æ s c.** L'esprit animal & entendement raisonnable, & qui est au corps, est merueilleusement soubdain, hastif & legier.

V R A N. L'influxion des corps  
celestes est grandement necessai-  
re aux choses terriennes.

Æ s c. L'influxion des esprits  
humains est grandemēt necessaire  
aux choses corporelles.

V R A N. Le don de la lumiere  
du Soleil est d'vn certain lieu es-  
pars par tout le monde.

Æ s c. Le dô de l'esprit animal  
est d'vn certain lieu espars par  
tout le corps.

V R A N. Les rayons & esprits  
du Soleil se leuent en trois sortes.

Æ s c. Les esprits des corps hu-  
mains se leuent en trois sortes.

Au quatriefme Dialogue est faicte compa-  
raison des rayons & sôusspiral de  
la Lune avec l'esprit

animal.

## APHORISMES.

1 { **V**RAN. Le corps de la Lune est inutile sans les rayons du Soleil.  
**Æ**s c. Le corps humain est inutile sans l'esprit animal, lueur & resplendisseur d'iceluy.

2 { **V**RAN. La Lune ayant de pur don receu du Soleil la lumiere que elle a, l'espand aussi de pur don çà bas.

**Æ**s c. L'esprit animal ayant de pur don receu du vital sa lumiere, la renuoye aussi de pur don en bas.

3 { **V**RAN. Les rayons de la Lune ne peuvent auoir vigueur ny demeurer en estat sans ceux du Soleil.  
**Æ**s c. L'esprit animal ne peut auoir vigueur ny demeurer en estre sans le vital.

4 { **V**RAN. Les rayons de la Lune entremeslez parmy beaucoup de nuées nous contrefont & representent plusieurs choses.

**Æscvl.** L'infusion de l'esprit animal entremeslée parmy beaucoup de fumées du corps, nous contrefait & represente plusieurs choses.

**VRAN.** Les rayons de la Lune sont redeuables au Soleil & d'eux & de leur accroissement.

**Æsc.** L'esprit animal est redeuable au vital & de soy & de ses accroissements.

**VRAN.** Les rayons & esprits de la Lune dependent du Soleil.

**Æsc.** L'esprit animal avec son infusion depend du vital.

**VRAN.** Quand les rayons de la Lune croissent, les mouuements des eaux croissent.

**Æscv.** Quand l'esprit animal croist, le mouuement du corps & des esprits croist.

## S O M M A I R E

Au cinquième Dialogue est faite comparaison de la faculté des rayons des Planetes avec les facultez du corps humain.

### APHORISMES.

**V R A N.** L'action & presence des sept planetes qui gouvernent le monde, est grandement necessaire aux biens de la terre.

**Æ s c.** L'action & presence des facultez qui gouvernēt la vie, avec celles qui font estat de chambrieres en leur endroit, sont grandement necessaires aux parties du corps.

**V R A N.** Il y a quatre planetes entre toutes qui sont comme chambrieres, & aident à la naturelle faculté du Soleil.

**Æ s c v l.** Il y a quatre chambrieres qui seruent à la naturelle faculté des corps humains.

V R A N. Les Planetes (comme aussi les autres estoilles) s'entreaident & s'attrempent aucunement l'une l'autre.

Æ s c. Les facultez du corps humain (comme aussi les autres choses qui en dependent) s'entreaident & s'attrempent aucunement l'une l'autre.

V R A N. On peut bien empêcher la Lune & Jupiter, sans endommager le Soleil.

Æ s c. La naturelle & animale faculté se peuvent endormir, sans endommager la vitale.

V R A N. Le Soleil a de soy vne force & lumiere naturelle: ce que n'a pas la Lune.

Æ s c. Les naturels instruments du corps ont d'eux mesmes vne force & vertu naturelle: ce que n'ont pas les instruments animaux.

## S O M M A I R E

**V R A N.** La nature de Iupiter qui est au Ciel faiſt beaucoup de biens aux choſes de la terre.

**Æ s c.** La faculté naturelle qui eſt en l'homme faiſt beaucoup de biens aux choſes corporelles.

**V R A.** Les Planetes s'accordent merueilleuſement bien és natures & lieux diſcordans, pour miſtionner la communauté des choſes qui ſont çà bas.

**Æ s c.** Les facultez du corps humain s'accordent merueilleuſemēt bien és natures & lieux diſcordāts, pour miſtionner la communauté des choſes corporelles.

**V R A.** Chaque planete du Ciel eſt toujours accompagnee de trois choſes q n'en peuuent eſtre ſeparées.

**Æ s c.** Chaque instrument du corps humain eſt toujours accompagné de trois choſes qui n'en peuvent eſtre ſeparées.

V R A N. Mars & Saturne peuuēt bien troubler l'harmonie du Soleil & de la Lune.

9 { Æ s c. Vne humeur cholerique, & melancholie, peuuent bien troubler & corrompre l'harmonie de la vitale & naturelle faculté.

*Au sixième Dialogue est touché de la comparaison & cōuenance de la chaleur naturelle du Soleil avec la chaleur naturelle des corps humains.*

### APHORISMES.

V R A N. Des rayōs du Soleil, qui sont tousiours chauds, vient & depend vne merueilleuse lumiere, & esprit de grande efficace.

1 { Æ s c. Du sang, lequel est tousiours chaud, & de la chaleur naturelle, vient & depend vn esprit de grande efficace.

## S O M M A I R E.

1 { V R A. La chaleur du Soleil sans mouvement ne sert de gueres aux choses terriennes.

2 { Æ s c. La chaleur naturelle sans mouvement & esprit, ne sert de gueres aux choses corporelles.

3 { V R A. La chaleur du Soleil, avec son esprit, entretient la terre, & luy donne force.

4 { Æ s c. La chaleur naturelle, avec son esprit, entretient le corps, & luy donne force.

5 { V R A. La chaleur du Soleil, avec son esprit, maintient & conferme l'alliance qu'a le ciel avec la terre.

6 { Æ s c v l. La chaleur naturelle, avec son esprit, maintiét & conferme l'alliance de l'ame & du corps.

7 { V R A. Les vapeurs esleuees en l'air par la force du Soleil, espendét en bas l'humidité.

8 { Æ s c v l. Les vapeurs sont ennoyees au cerueau par la force de la cha

chaleur naturelle, lesquelles espan-  
dent en bas des humiditez & ca-  
tarrhes.

6 { V R A. Le Soleil passe & entre  
dans toutes les parties de la terre,  
soit qu'elles soyent creules & cauees  
ou massives, &c.

Æ s c. La chaleur naturelle pas-  
se & entre dans toutes les parties  
du corps.

7 { V R A. La chaleur du Soleil en  
peu de iours fait beaucoup de beson-  
gne à l'édroit des choses de la terre.

Æ s c. La chaleur naturelle des  
corps en peu d'heures fait beau-  
coup de besongne à l'endroit des  
choses du corps.

8 { V R A. Là où on a faute de la cha-  
leur du Soleil, toutes choses lan-  
guissent, & n'ont point de force.

Æ s c. Là où on a faute de chaleur  
naturelle, toutes choses languissent  
& n'ont point de force.

**V R A N.** Le Soleil passant par les quatre regions du Zodiaque, dispose & change les choses de la terre en diuerses sortes.

**Æ s c.** La chaleur naturelle s'avançant par les quatre aages de la vie, dispose & change les choses corporelles en diuerses sortes.

**V R A N.** La chaleur du Soleil enuoye aux biens de la terre ce qui leur est expedient.

**Æ s c.** La chaleur naturelle donne aux choses du corps humain ce qui leur est expedient.

**V R A N.** La chaleur du Soleil entretiēt & nourrit toutes choses.

**Æ s c.** La chaleur naturelle entretient & nourrit toutes choses.

**V R A N.** Les parties du monde qui sont eslongnees de la chaleur du Soleil, ont bien peu de chaleur.

**Æ s c.** Les parties du corps qui sont

1 } sont eslongnees de la source de la  
chaleur naturelle, n'ont gueres  
de chaleur.

V R A N. La chaleur du Soleil  
n'est pas pareille ny également  
ardente par tout.

13 } Æ s c. La chaleur naturelle n'est  
pas par tout le corps également  
ardente.

V R A. La chaleur du Soleil est  
aucunesfois bruslante & intole-  
rable.

14 } Æ s c. La chaleur naturelle est  
aucunesfois bruslante & intole-  
rable.

V R A. Les actions & ouvrages  
de la chaleur du Soleil sont diuers  
& differents.

15 } Æ s c. Les actions & ouvrages  
de la chaleur naturelle sont diuers  
& differents.

V R A. L'efficace & operation  
de la chaleur du Soleil est de di-

16 } uerses sortes.

Æ s c. L'efficace & operation de la chaleur naturelle, est de diuerses sortes.

V R A N. La force de la chaleur du Soleil est merueilleuse, & penetrer iusques au plus profondes cauitez de la terre & de l'eau.

17 } Æ s c. La force de la chaleur naturelle, avec son esprit, penetrer iusques au dedans de la chair & des os.

V R A N. La chaleur & resplendeur du Soleil par sa presence alimente & attrempe la terre.

18 } Æ s c. La chaleur naturelle, avec son esprit, alimēte & attrempe le corps.

V R A. La chaleur du Soleil se resioit de la tiedeur de Iupiter, qui est bien attrempee.

19 } Æ s c. La chaleur naturelle des corps se resioit d'vn sang bien attrempe.

V R A.

V R A. La chaleur & esprit du Soleil prepare & excite toutes les facultez de la terre à faire leur besongne.

20 { A s c. La chaleur naturelle des corps, avec son esprit, prepare & excite toutes les parties & facultez du corps, à faire leur besongne.

*Au septième Dialogue est traité de la conuenance du Soleil avec le cœur de l'homme.*

## APHORISMES.

V R A N. Le Soleil par son mouuement & vitale inspiration remplit toutes choses de sa clairté.

1 { A s c. Le cœur de l'homme par son mouuement & esprit vital, remplit de vie toutes les parties du corps.

Le

## S O M M A I R E

**V R A N.** Le monde ne se peut passer du mouuement & esprit du Soleil.

**Æ s c.** Le corps ne se peut passer du mouuement du cœur, ny de son esprit vital.

**V R A.** Le Soleil est la source de la chaleur salutaire & vitale.

**Æ s c.** Le cœur est la source de la chaleur vitale.

**V R A N.** L'action & presence de la chaleur du Soleil est beaucoup prouffitable aux biens de la terre: & son absence, nuyfible.

**Æ s c.** L'action du cœur, & la presence de l'esprit, duquel procede la chaleur, est beaucoup prouffitable aux parties du corps: & l'absence, nuyfible.

**V R A.** Le Soleil peut estre embrouillé ou destourbé par l'indispositio & trauaux des autres estoilles.

**Æ s c.** Le cœur de l'homme peut estre

estre embrouillé ou destourbé par l'indisposition & trauaux des autres visceres.

6 { V R A N. Le Soleil a au Ciel vne place qui luy est cōuenable & deü.

Æ s c. Le cœur a au corps vne place qui luy est cōuenable & deüe.

7 { V R A. Le Soleil se sert de l'ayde & soulagement des autres estoilles pour attremper & missionner toute la communauté des choses terriennes.

Æ s c. Le cœur de l'homme se sert de l'ayde & soulagement des autres entrailles pour attremper & missionner toute la communauté des parties du corps.

8 { V R A N. La Lune amodere l'ardeur du Soleil.

Æ s c. Le cerueau amodere l'ardeur du cœur.

9 { V R A. Le Soleil ne discontinue iamais son mouuement.

**L**Æ s c. Le cœur ne discontinue  
jamais son mouvement.

**10** { V R A. Le Soleil est au milieu  
des planetes.

{ Æ s c. Le cœur est au milieu du  
thorace.

**11** { V R A. Nul ne peut arrester le  
mouuemēt du soleil & des planet.

{ Æ s c. Nul ne peut arrester le  
mouuement du cœur, ny poulx  
des arteres.

**12** { V R A. Les defauts, ou eclipses,  
du Soleil portent grand domma-  
ge aux biens de la terre.

{ Æ s c. Les defaillāces & esmo-  
tions du cœur portent grād dom-  
mage aux parties du corps.

**13** { V R A. L'vniuersité des parties  
de la terre a besoin du mouuemēt  
du soleil & du poulx des planetes.

{ Æ s c. L'vniuersité des parties  
du corps a besoin du mouuement  
du cœur & poulx des arteres.

V R A.

- 14 { V R A. Le Soleil a deux mouue-  
ments & cercles au ciel.  
Æ s c. Le cœur a deux mouue-  
ments au corps, & autant de peti-  
tes layettes..

Au huitième Dialogue est conferee la na-  
ture des estoilles du Ciel avec les hu-  
meurs qui sont au corps  
de l'homme.

### APHORISMES.

1 { V R A N. L'intemperance (ou in-  
disposition) de Saturne s'ad-  
doucit par le moyen de Jupiter qui  
est bien temperé.

Æ s c. L'intemperance (ou indi-  
sposition) du suc melancholique  
s'adoucit par le moyen du sang  
bien temperé.

2 { V R A. Venus amodere la malice  
de Mars.

Æ s c. Vn phlegme doux amodere  
la malice de l'humeur cholerique.

V R A.

**V R A.** Le mouuement des planetes est variable & de plusieurs sortes.

**Æ s c.** Le mouuement des humeurs du corps est variable & de plusieurs sortes.

**V R A.** La chaleur du Soleil de sa propre inspiration donne vie aux choses terriennes.

**Æ s c.** La vapeur du sang par son inspiration donne vie aux parties du corps.

**V R A.** Il y a quatre planetes au Ciel qui ont beaucoup de pouuoir pour temperer & maintenir l'harmonie des choses terriennes.

**Æ s c.** Les quatre humeurs qui sont aux corps ont beaucoup de pouuoir pour téperer & maintenir le meſnage des parties du corps.

**V R A.** Entre les planetes il y en a deux qui portent bonne amitié & affection aux biens de la terre.

**Æ s c.** Entre les humeurs il y en a deux

a deux qui portent bonne amitié & affection aux choses corporelles.

VRAN. La nature de l'estoille de Mars est fort ardente, & d'agereuse.

ÆSCVL. La nature de la bile faulue est fort bouillante, & d'agereuse.

VRAN. Les rayons des planetes depeignent plusieurs couleurs en vne nuée.

ÆSCVL. Les humeurs du corps depeignent plusieurs couleurs sur la peau.

VRAN. Les planetes du ciel ont chacune certaines couleurs qui leur sont particulieres.

ÆSCVL. Les humeurs du corps ont chacune certaines couleurs qui leur sont particulieres.

*Au neuſiême Dialogue diuerſes eſtoilles ſont comparées avec les diuerſes parties du corps de l'homme.*

## APHORISMES.

**V R A N.** Il y a deux lumieres aux cieux, qui par leurs rayons & mouvement illuminent & excitent la terre.

**Æ s c.** Il y a deux lumieres, ou yeux au corps, qui par leurs rayons & mouvement illuminent & excitent la terre.

**V R A N.** Les estoilles du ciel sont faiçtes en figure ronde.

**Æ s c v l.** Les parties du corps de l'homme sont faiçtes en figure ronde.

**V R A N.** Il y a quatre principales parties des cieux, ou estoilles, desquelles la nature est merueilleuse.

**Æ s c.** Il y a quatre principales parties des corps, desquelles la nature est merueilleuse.

**V R A N.** Les parties des cieux, ou les estoilles, sont d'une nature & température diuerse l'une de l'autre.

**Æ s c.** Les parties des corps des hommes

hommes sont d'une nature & temperature diuerse l'une de l'autre.

**V R A N.** Toutes les estoilles du ciel avec leurs rayons & esprits s'employent à defendre, maintenir & garantir l'vniuersité des biens de la terre.

**E s c.** Toutes les parcelles des corps humains, les esprits aussi & facultez, s'employent à defendre, maintenir & garantir l'vniuersité des choses corporelles.

**V R A N.** Les estoilles du ciel ne peuvent estre sans mouuement & esprit.

**E s c v l.** Les parties des corps des hommes ne peuvent estre sans quelque mouuement & esprit.

**V R A N.** Les parties du Zodiaque sont de diuerses qualitez.

**E s c v.** Les parties du corps de l'homme sont de diuerses qualitez.

**V R A N.** Entre les estoilles du ciel les vnes sont simples, les autres

composees.

**8** } **Æ s c.** Entre les parties du corps de l'homme: les vnes sont simples, les autres composees.

**9** } **V R A N.** Toutes les parties, ou estoilles du ciel obeissent au mouuement & commandement d'vn.

**Æ s c v l.** Toutes les parties du corps obeissent au mouuement & commandement d'vn.

**10** } **V R A N.** Les estoilles du ciel ne se correspōdent pas en tout & par tout, & ne font pas de mesmes œures ni semblables l'vne à l'autre.

**Æ s c.** Les parties du corps ne se correspondent pas en tout & par tout, & ne font pas de mesmes œures ni semblables l'vne à l'autre.

**11** } **V R A N.** Le Soleil s'approchât. ou se reculât de la terre, besongne en beaucoup de sortes à l'endroit des parties d'icelle.

**Æ s c.**

**Æ s c.** Le cœur besongne en beaucoup de sortes à l'endroit des parties dont il est pres, & de celles dont il est loing.

**V R A.** Les qualitez des estoilles, tant des simples que des composees, sont diuerses.

**Æ s c.** Les qualitez des parties du corps, tant des simples que des composees, sont diuerses.

**V R.** Les parties de la terre sont renforcies, alimentees & maintenues par trois choses q̄ s̄nt au ciel.

**Æ s c.** Les parties des corps sont renforcies, alimentees & maintenues par trois choses qui sont au corps.

**V R A.** Le Soleil & les planetes se seruent des signes du ciel.

**Æ s c.** Le cœur & les entrailles se seruent des parcelles du corps.

**V R A N.** Les choses de la terre sont maintenues en leur estat par

15 } le meſlange des effets de chaque  
planete.

Æ s c. Les parcelles du corps  
ſont maintenues en leur eſtat par  
le meſlage des effets des viſceres.

16 } V R A N. Les feux celeſtes ſe ſer-  
uent des elemens.

Æ s c v l. Les entendemens hu-  
mains ſe ſeruent des eſprits.

17 } V R A N. Il y a vn merueilleux  
accord & conſentement entre les  
parties du ciel (nonobſtât qu'elles  
ſoyent diuerſes ) pour la deſenſe  
& tutiõ des biens de la terre.

Æ s c v l. Il y a vn merueilleux  
accord & conſentement entre les  
parties du corps (nonobſtât qu'el-  
les ſoyent diuerſes) pour la deſenſe  
& tutiõ des choſes corporelles,

V R A N. Les biens de la terre  
ſont ſur tout entretenus & main-  
tenus en leur eſtat par le moyẽ des  
deux plus grandes eſtoilles du ciel.

Æ s c.

18 { **Æ s c.** Les parties du corps sont sur tout entretenues & maintenues en leur estat par le moyé des deux plus grandes veües.

19 { **V R A N.** Les parties ou estoilles du ciel sont fort differentes de l'une à l'autre.

19 { **Æ s c.** Les parties du corps humain sont fort differentes de l'une à l'autre.

20 { **V R A.** Les parties ou estoilles du ciel ne se despouillent pas du tout de leur propre temperature & nature.

20 { **Æ s c v l.** Les parties du corps ne se despouillent pas du tout de leur propre nature.

21 { **V R A.** Il y a vn mutuel accord & consentement merueilleux entre les estoilles du ciel, qui sont en grand nombre : & s'attrempent l'une l'autre.

**Æ s c,** Il y a vn mutuel accord

& consentement merueilleux entre les parties du corps, qui sont en grand nombre : & s'attrempēt l'une l'autre.

**V R A.** Il y a vn commencement & fin au Zodiaque.

**Æ s c.** Il y a vn commencement & fin au corps de l'homme.

**V R A N.** Les parties du Zodiaque sont diuerſement distribuees sous diuerſes qualitez.

**Æ s c.** Les parties du corps de l'homme sont diuerſement distribuees sous diuers temperaments.

**V R A.** Les parties ou estoilles du ciel depeignent en haut quasi toutes les figures de geometrie.

**Æ s c.** Les parcelles des corps humains depeignent diuerſement quasi toutes les figures de geometrie, tant interieurement qu'exterieurement.

V R A N. Les rayons, esprits, actions & temperamens des parties du ciel, ou des estoilles, sont fort differents entr'eux.

25 } Æ s c. Les esprits, actions & temperamêts des parties du corps de l'homme sont fort differents entr'eux.

26 } V R A. Il y a certaines estoilles au ciel qui ont leur propre & particulier logis.

Æ s c v l. Il y a certaines parties au corps de l'homme qui ont leur propre & particulier logis.

*Au dixième Dialogue le cours du Soleil & de la Lune est conferé avec celuy de la vie humaine.*

## APHORISMES.

V R A N. Le voyage que le Soleil & la Lune font par le Zodia-

## S O M M A I R E

1 } que est cause que les quatre saisons de l'année sont différentes en leur temperament.

2 } *Æ s c.* Le voyage & cours que l'homme fait en ce monde est cause que les quatre aages d'iceluy sont differans en leur temperament.

2 } *V R A N.* Le corps de la Lune se change par quartiers.

2 } *Æ s c v l.* Le corps de l'homme se change par certains aages.

*A l'unzième Dialogue est traité de la conference des corps celestes faicts en forme ronds, avec les parties du corps formées en rond, & les yeux.*

## A P H O R I S M E S.

1 } *V R A N.* Les sphères des sept planetes ont sept corps ronds reluyfants.

1 } *Æ s c.* Les sept tuniques des cercles, ou yeux, de l'homme, ont sept petits cernes, ou rôdeurs, reluyfants.

*V R A,*

VRAN. Les cernes & globes  
estoillez des sept planetes, sont en-  
clos dans vn certain cercle dernier  
de tous.

Æ s c. Les sept tuniques, & au-  
tant de cercles des cernes ou globes  
de l'homme, sont enclôs dans vn  
certain cercle dernier de tous.

VRAN. Les cernes estoillez du  
ciel ont deux mouuemés que le sens  
peut manifestement appercevoir.

Æ s c. Les cernes des corps des  
hommes ont deux mouueméts que  
le sens peut manifestement apper-  
cevoir.

VRAN. Les cernes des cieux se  
meuent sur vn mesme esieu.

Æ s c. Les cernes des corps se  
meuent sur vn mesme esieu.

VRAN. Le ciel passera, & aura  
fin.

Æ s c v l. Le corps passera, &  
aura fin.

CON


## CONCLUSION.

**L**E corps de l'homme recognoist  
d'auoir vne merueilleuse harmonie  
avec les cieux & leurs appartenances:  
desquels cest esprit formateur & gou-  
uerneur d'iceluy, avec la medecine, par  
le moyen de laquelle il se peut fort bien  
maintenir en bonne santé, est venu d'en  
haut, & descendu en terre.

Tous ces nombres correspondent à  
ceux que tu verras marquez en la mar-  
ge de chaque Dialogue, ou tu trou-  
ueras ample & entiere ex-  
plication des susdits  
Aphorismes.

\*\*\*

HAR



HARMONIE DES  
CORPS CELESTES ET  
humains, faicte & composee  
en vnze dialogues, traictants  
des choses concernantes la  
Medecine & Astronomie: Par  
Antoine Mizauld.

*Premier dialogue, qui est une preparation &  
entree pour uenir à la presente harmonie.*

Ceux qui deuisent ensemble, sont  
Æsculape & Vranie.

ÆSCVLAP.E.



VE veut dire, Vranie, que tu  
marches si roide & si viste,  
& que tu lues de telle façon,  
& es quasi hors d'haleine?

V.R.A.N. Tu sois le tresbien trouué,  
Æsculape: car ie t'allois chercher.

Æsc.

ESCVL. Voy ! il faut bien qu'il y ait quelque chose de bien grande importance : car tu n'as pas accoustumé de laisser tes Cieux pour petite & legere occasion. Et pourtant déclare moy, ie te prie, en peu de parolles, que c'est qui t'est suruenu de nouveau.

VRA N. Ie te le diray brièvement, & clairement. Ce grand dieu Mercure, qui est ton oncle, a aujourdhuy fait assembler tous les dieux celestes : par deuant lesquels il a de bonne grace (comme il fait ordinairement en tout ce dont il traicte) exposé que apres mädement receu par eux, il s'est mis en debuoir de faire vne course par les trois parties du monde, & a trouué quasi toutes choses appartenantes aux humains, extrêmement & miserablement affligées, troublées, toutmêtees & vexées : & que tout le microcosme (c'est à dire, petit monde) est mis en proye & exposé à la merci du fer & du feu, abandonné à estre pillé & desrobé,

desrobé, rempli de toutes tromperies, & de maux inenarrables; & que mesmes il est en danger que dans peu de temps & la famine & la peste ne l'espuisse & engloutisse entierement, si le macrocosme *(macrocosm)* (c'est à dire, grand monde, ou, le ciel) ne fait de bõne heure reluire & resplendir les rayons de sa face sur luy.

**Æ s c.** Certainement, tu me contes de merueilleuses, ou pour mieux dire, de pitoyables & deplorables nouvelles, Vranie; de laquelle ie desire & attéd de sçauoir ce qui pour ce regard a esté decreté en ceste diuine assemblée.

**V R A N.** Adonc Iupiter tout bon & tout puissant,

*Qui est des dieux & humains la puissance,*  
 & ton ayeul, se tournant deuers tous les reings des dieux, Dites moy (dit-il) ô dieux, au nom de vos maiestés mesmes dites moy (di-ie) d'ou vient que l'estat & condition des hõmes est auourdhu y si turbulent, & ne se peut cõtenir en re-

pos? Dites moy quelle si grieveue maladie a saisi les hommes, qu'ils ne peuuent estre maistres d'eux mesmes. La dessus l'un d'entr'eux a respondu sur le champ que ceste maladie procedoit de leur teste, & que par ce que leur phantasie estoit deprauee & corrompue, ils resuoient & radottoient: & que pour cest cause ils raisonneient & entendoient fort mal, & que les sens & mouuemens dependens de la teste se destournoient de raison. Vn autre a opiné que ce mal ne venoit pas seulement de la teste, mais que les cœurs aussi s'en resentoient, auquelz est la pepiniere des courroux, discords, dissensions ambitios & fureurs. Vn autre a dict que tout le mal estoit au foye, auquel est le lieu & demeure des cōuoitises & appetits. D'autres tout au cōtraire ont asseuré que tout le corps estoit grieveuement malade. Iupiter ayāt attentifuelement ouy tous les aduis & opinions d'un chacun, il luy a semblé bon,

Æsculape, que tu descêdes en toute diligence iusques en bas au monde: & que par le moyen & aide de ton art (assauoir de Medecine) tu recherches là par le menu quelle maladie c'est qui esmeut & induit auourd'hui les hommes à estre ainsi forcenez: & sur tout en quelles parties c'est que le microcosme a mal. Or parce que ledict Iupiter croit fermement, & tiët pour asseuré que ceste patite partie de feu celeste (ou pluspost ce petit rayon venât des cieux, & ceste inspiration de vent par laquelle il embellit & renforcit tous les iours les hommes naissans & vi-uans) se couure & se noye dans vne mer de vices, languit, se rebousche & eslourdit: & que de là il aduient que ni le cœur ni la reste ne retiennent leur premiere forme, & que les actions de tout le corps laissant leurs premiets & accoustumez vsa-

ges, degenerent & en prennent de tout contraires, il luy apleu que ie te fisse compagnie en ceste recherche, à fin que ie prenne bien garde à toutes ces choses cy: & m'a commandé que pour cest effect ie te vinssse trouver hastiuemēt. Et pourtant, *Æsculape*, quand il te plaira nous nous acquitterons de la charge qui nous est enioinēte, & nous mettrons bien en point en chemin.

*Æscul.* Certainement ie voy bien que les dieux me baillent vne charge bien fascheuse & malaisēte & crain que ie ne la puisse manier assez en mon hōneur & selon mon deuoir, tant pour beaucoup de raisons, que parce que specialement les hommes d'aujourdhuy se reculent & desuoient de beaucoup de la maniere de viure qu'ont tenu ceux de mon tēps, & de leurs meurs & complexions. Ie laisse passer les  
autres

autres raisons, qui sont certes probables & en grand nombre: d'ou vient que ie crain fort que l'aide & support que ie puis auoir de mon art, soit bien petit.

V R A N. Aye bon courage, *Æsculape*: toutes choses sont en la puissance des enfans des dieux. Or sus doncques, commençons nostre voyage à la bonne heure: lequel par ce qu'il est long & malaisé, à fin qu'il ne nous ennuye point, nous ferons quelques discours (si tu le trouue bon.) de quelque chose graue & d'importance.

*Æs c.* Tu peux par pleine autorité & puissance me demander & obtenir de moy tout ce qu'il te plaira, pourueu que cela soit de mon art, c'est à dire, de la faculté & artifice de medecine, & qu'il recognoisse la formation & opifice des corps humains.

Gal. lib. 1.  
de l'usage  
des parties  
du corps  
humain.

V R A N. Puis qu'ainsi te plaist,  
Æsculape, j'ouvriray l'huis à nostre  
present discours par ceste diuine  
sentence & autorité de ton Galien:  
Ne t'esbahy point (dit-il) de ce que  
le Soleil est beau, & la Lune belle,  
ni de ce que toute la compagnie &  
multitude des astres est arrangee &  
mise en ordre avec vn grád artifice:  
& ne t'estonne point de leur gran-  
deur, ni de la beauté de leur resplen-  
disseur, ni de leur perpetuel mouue-  
ment, ni des reings de leurs circui-  
tions: de maniere & façon que si tu  
fais comparaison de ces choses bas-  
ses & terriennes (entre lesquelles  
est le corps de l'homme) avec celles  
là, elles ne tesembleront, par ma-  
niere de dire, rien au prix d'icelles,  
& trouueras qu'il n'y a en elles au-  
cun ornement ni beauté. Car tu  
trouueras bien que la sagesse, vertu  
& prouidence du createur reluit  
aussi

aussiça bas:& (ce qu'il adioust vn peu apres) que l'art & industrie de l'ouurier est egale en l'vn & en l'autre. Voyla ce que dit Galien, le chef & guydon de tous les medecins, quād i'en auray excepté ~~un~~ voylin Hippocrate. Or ne peux-ie cōprendre que c'est qu'il veult dir: par ceste sentence: sinon que par aduanture il vueille dire que le corps de l'homme monstre d'auoir quelque semblance & conuenance avec les cieux, & qu'il a la contemplation aussi bien que le ciel, à cause du grand accord, alliance & harmonie qu'il recongnoist auoir avec luy, & l'a de fa & , & la porte. Car ces anciens personnages (comme là mesmes escript Galien) qui ont eu bonne cognoissance de nature, dient que l'homme est comme vn petit monde. Et parce que ie n'ay point encores ouy tenir vn tel propos, &

La celeſte  
genealo-  
gie d'Æ-  
ſculapius.

ne m'a point encores eſclaircy,  
& n'en ay point encores de cognoiſ-  
ſance, ie te prie, ô diuin *Æſculape*,  
au nom d'*Apollo* ton pere qui n'eſt  
point tondu, & n'a point de barbe,  
pere & auteur de medecine: & au  
nom de *Iupiter* ton ayeul, & de *Sa-  
turne* ton biſayeul: au nom de la  
*Lune* ta tante, de *Mercur* & *Mars*  
tes oncles, & de *Venus* ta tante grâd:  
en ſomme au nom de toutes les ren-  
gees des Planetes de ta race, & de  
ceux qui ſont au ciel en la huitief-  
me ſphere, qui te ſont parens, & de  
beaucoup de dieux qui te ſont alliés,  
& de pluſieurs grands perſonnages  
de vertu plus qu'humaine, que tu  
daignes bien prendre la peine de  
m'en donner l'intelligence par le  
moyen de quelques petits diſcours.  
Et pour plus commode execution  
de ce, ie t'allegueray par cy apres &  
propoſeray ſupplement, nuëment &  
ſans

sans farder aucunement mon langage, toutes & chacunes les choses qui seront & apparaitront à vn chacun en mes cieus, & en leurs appartenances, qui sont certes & sans doute aucune divines. Et toy de ton costé (s'il ne t'est fascheux) tu m'opposeras tout ce qu'on trouue aux corps humains (dequels tu scais sur l'ongle toutes les parties) de semblable à ceux là : à fin que par le moyen de la similitude mesme, affinité & harmonie qui peut estre entre les vns & les autres, nous contractions mariage, & faisons alliance ensemble: c'est à dire, à fin de marier aujourdhuy avec grande solennité & compagnie de gens, le ciel, auquel ie suis baillee pour nourrice, avec le corps humain, lequel tu as charge de panser & guairir, scauoir faisans publiquement & generalement à tous l'indicible similitude (laquelle

seule est par tout la mere d'amitié)  
 & l'harmonie qui iusques à present  
 n'a esté ouye, & que l'un a & recon-  
 gnoist auoir avec l'autre. Ce qui  
 pour vray sera aisé à faire (car y a il  
 chose que les dieux ne puissent?) si  
 nous qui sommes immortelz ou-  
 urons & faisons voir à l'œil aux  
 hommes mortelz, les parties plus  
 interieures de l'un & de l'autre, à  
 sçauoir du ciel & de l'homme: par-  
 lans par tout le plus brieuement &  
 intelligiblement qu'il nous sera pos-  
 sible, & fuyans ces façons de parler  
 ambagieuses, pleines d'obscurité &  
 bardees, par lesquelles quelques  
 vntaschêt d'allecher & amadoucr  
 les oreilles des hommes: & qui font  
 autant de fois de verité, & plus dan-  
 gereux qu'un chien & serpent.

Æ s c. Certainement tu es bien  
 songneuse, Vranie, gouvernante  
 des celestes, de me charger d'une  
 beson

besongne bien haute & malaisée à exploicter, & de laquelle personne (que ie sache) n'a encotes fait essay: toutesfois elle merite bien d'estre entendue, regardée & cōgneue, tāt pour beaucoup de raisons, que à fin que l'homme qui est vrayement ouranophyteute (c'est à dire, nay & enuoyé du ciel) recongnoisse son createur, & que l'ayant recōgneu, il pourluyue à l'aimer & luy porter honneur & reuerence. Pour l'vsage & commodité duquel (comme en font foy les vers des Sybilles.

*Il forma le Soleil, la Lune morfondante,  
Les astres, ciel, la terre, & la pleine on-  
doyante.)*

D'aduantage, à fin que ledict homme mortel & humain, ayant par le moyen de ceux qui sont immortels congneu la maiesté de son corps, ne le mesprise plus dorésenauant: mais qu'il cōfesse qu'on peut en luy con-

templer vn grand miracle de nature, & grandement honorable, comme mon Trismegiste Mercure, qui a vescu en mesme temps que moy, m'a iadis domestiquemēt enseigné. Et qui plus est, à fin que tous hommes d'un commun accord & consentement confessent que en tous on trouue toutes choses: à scauoir qu'es choses les plus basses on trouue les plus hautes, & es plus hautes, les plus basses: ou bien, si tu aimes mieux, qu'au ciel on trouue de choses terriēnes, mais en façon celeste: & en la terre, de celestes, mais en façon terrienne, comme il y a dans Procle Platonicien. Quand ie di ces choses, Vranie, ie veux bien que tu saches sur tout, qu'en tout ce nostre present discours, ie ne peux traicter des choses appartenantes aux corps humains, ou plustost des corps mesmes, autrement que selon l'homme  
c'est

C'est à dire corruptiblement : d'autāt que le corps (i'exclus & mets hors l'ame ) est subiect à corruption. Quant à toy, tu peux parler de tes dieux tout autrement, à scauoir en façon celeste, & eslongnee de toute corruption, comme il a semblé aux Peripateticien. Et pourtāt si ie fay comparaison de mes choses humaines avec les tiēnes qui sont diuines, & des composees avec les simples, des mortelles avec les immortelles, des passīues avec les actīues, des imparfaictes avec les parfaictes, &, pour dire en vn mot, des petites avec les grandes, des basses avec les hautes, tu le prendras en patience. En quoy si ie fay par cy apres quelq̃ faute, ou plustost, parce que i'en feray beaucoup (si toutesfois les dieux peuuent faillir) tu me pardonneras d'aussi bon cœur que ie m'accorderay & consentiray à executer ce dōt  
tu

tu m'as si songneusement & instamment requis au nom de ma celeste genealogie.

V R A N. Tu ne me demandes que choses iustes & raisonnables, *Æsculape* : & pour ceste cause ie te pardonne des maintenant de bien bon cœur. Or sus donques, ouure moy la porte de tout nostre discours par les premiers commencements de la generation humaine. Et quand tu auras acheué cela, ie te proposeray choses plus serieuses & de plus grande importâce, auxquelles selon ta bonté tu ne refuseras pas de respondre.

Æ s c v l. L'opinion des anciens, *Vranie*, laquelle iusques à present a esté receue, approuuee & cōfermee entre mes medecins & philolophes, lesquels ont songneusement recherché le bastiment & formation du corps de l'homme, & la premiere disposi

disposition des parties d'iceloy tant au dedans qu'en dehors, est, qu'il y a vn certain esprit ouurier de ceste diuine & celeste origine: lequel est entierement celeste, & fort semblable à vn astre: lequel avec ses facultez maternelles, qui sont en son endroit office de chambrières, alimente & donne forme aux cōmenemens & principes de la generation humaine: & ceste semence à l'vne & l'autre force & vertu d'engendrer, avec le sang de la femme, qui est mis & colloqué en vne châbrette à ce destinee, & surpassant tout miracle (c'est ce qu'on appelle l'amatri ou matrice) & ayant vn chemin auquel tous les yeux de tous hommes, horsmis ceux des dieux, ne voyent goutte: lequel aussi comme soufflant par tout & f. conu. les membres, les forme & figure tous l'vn apres l'autre, & les aduance

L'esprit ouurier & formateur des corps, est celeste.

& dispose petit à petit comme chacun en sa tribu, & les fait & cree par vne indicible harmonie, selon la iuste proportion d'un corps vivant. Et a, comme l'on dit, tant d'efficace & operation que tandis que les membres du corps s'assemblent & se joignent l'un à l'autre, lors qu'il est encores tendret, & par maniere de dire, en son premier commencement d'apprentissage, ou qu'il apprend encores les premiers principes & rudimens de nature, il luy imprime au dedans, entant que faire ce peut, vne viue image & ressemblance des cieux, d'ou il reçoit toute la force & vigueur qu'il a avec son origine & commencement: & laisse en ces mesmes esprits certaines lueurs & aiguillons comme de feu venans du ciel, lesquels par la benignité de la nature se sont monstrez assez traitables & prompts à obair au command.

mandemēt de leur createur : ne plus ne moins que si par vne inexplicable façon il bastissoit en eux vn logis auquel ils se peussent familiaremēt retirer, comme parens & alliez. Et en ceste sorte apres que le temps de toute la formation est escheu & expiré, il fait sortir hors des cachettes de la mere, & met en lumiere icelle petite semblance, brayāt en enfant, en laquelle, comme en vne peinture, on peut cōtempler vn pourtrait du theatre celeste. Et c'est qu'il faut que ie te donne à entendre sur ce poinct, Vranie, à fin que ie satisface à ta demāde, chose certes qu'on doit plustost souhaitter que mettre en execution. Toutesfois y a il chose qui soit refusee aux dieux? y a il chose impossible à ceux qui n'ont qu'un pot & vn feu avec les dieux? ou bien y a il chose que celuy à qui tout le ciel fauorise, & luy baile des ayeulz  
qui

qui ont le gouuernement & manie-  
 ment de toutes choses, ne puisse e-  
 sperer? Puis donques que la presen-  
 te matiere est fort propre & conue-  
 nable pour nous y faire hazarder  
 & engager nos forces, & par laquel-  
 le nous pouuons fort proprement  
 admirer, publier & auoir en reue-  
 rence la bonté, sagesse, & vertu de  
 Dieu tout bon & tout puissant par  
 dessus tous dieux: i'entreray volon-  
 tiers en propos avec toy touchant  
 icelle, quand bon te semblera, &  
 tascheray de respondre constam-  
 ment aux positions & allegations  
 que tu me feras selon le temps.

V R A N. C'est tresbien dict, Escu-  
 lape. Et pour vray ce que tu m'as  
 allegué touchant les fondemens &  
 formation du corps humain, ne  
 plaist merueilleusement. En quoy ie  
 recôgnoy la grande prouidence de  
 Dieu & de nature. Car quant à ce  
 qu'il

qu'il daigne bien trāsmettre du ciel cest esprit formateur du corps, & ne veut pas qu'il y ait rien qui n'ait ses benefices & actions particulieres, c'est vn singulier exemple & patron de la tresparfaicte bonté: & d'auoir trouué ce dont les corps seroyent embellis, c'est vne declaration de la sagesse: & d'auoir faict en eux ce qu'il a voulu, c'est (comme dict ton Galien) vn miroir auquel nous pouuons contempler son inuincible & insuperable vertu.

**Æ s c v l.** Et pour ce regard aussi, Vranie, il faut continuellement & sans cesse chanter les louanges de ce grand ouurier, & faut maintenant avec tout soin & diligence ouuir & applanir à tous hommes le chemin de tant & si grands miracles qu'on voit tant au corps celeste que humain. Et pourtant, sans faire plus long prologue, & laissant tous ces

longs propos: si tu as quelque chose à me proposer, commence à la bonne heure.

Dialogue deuxiesme, De la conuenance  
qu'il y a entre le Soleil & les cieux,  
avec l'ame qui use de raison,  
& le corps humain.

VRANIE.

**I**E commenceray, Æsculape, par le  
Soleil, ou bien, si tu aimes mieux,  
par Apollo ton tresillustre pere, &  
par les autres planetes tes ayeuls, &  
par les autres corps celestes qui te  
sont parens & alliez: ou plustost,  
pour dire en vn mot, par tous les  
cieux. Et ne feras pas (comme i'esti-  
me) dieu sans rien tenir de dieu, que  
tu ne confesses bien franchement &  
volontairement avec moy que no-  
stre Dieu immortel soit createur d'i-  
ceux: quand bien Moÿse & toute l'A-  
cademien n'en tesmoguoÿent point.

Dieu est  
auteur &  
createur  
du Soleil  
& de tout  
le ciel, &  
mesmes  
des parties  
d'iceluy.

Y a il quelqu'autre qui les ait formés  
& façonnés? qui est celuy qui a pour-  
trait en eux ceste si excellente be-  
auté dont ils sont ornés? qui a faiât  
comme au tournoir les corps sphe-  
riques? qui a si au vif & naïvement  
faiât leurs rayons? qui les a adiancés  
avec si grande varieté & difference?  
qui les a doués d'une si grande divi-  
nité? qui a entouré d'aix & couvert  
ce bas monde? qui leur a donné fon-  
dement & situation en haut? qui a  
ordonné qu'ils auroyēt mouuement?  
qui leur a donné lumiere? qui les a  
illustrés & embellis de tant de ver-  
tus & facultés? qui les a figurés &  
façonnés avec vn si beau spectacle?  
qui a inspirés dans eux vn occulte  
& secret esprit? qui a borné & limité  
à vn chacun d'eux le mouuement  
qu'ils deuroyent auoir? qui les a ac-  
commodés de tant d'autres choses  
que ton Mercure a de sa bouche en-

tièrement diuine proferees? Garde bien, ô Esculape, garde bien de mettre iamais l'ouurier sans son ouurage. Dieu doncques est auteur, gouueneur & createur de toutes ces choses.

**Æscv l.** Certainement ie serois du tout impie, Vranie, & originaire des Cyclopes, (tant s'en faut que ie me puisse dire descendu des dieux) si ie ne condescendois entierement & m'accordois avec toy en tout & par tout à ce q̄ tu viens de dire. Mais aussi tu serois beaucoup plus meschante, si tu ne confessois pareillement avec moy, que cemelme Dieu tout bon & tout puissant est auteur, gouuerneur & createur de l'ame raisonnable, & du corps, lesquelles deux choses font & accomplissent l'homme. Dont ie te certifie en ceste sorte (acceptant toutesfoi

proouant les tesmeignas

Dieu est  
auteur &  
createur  
de l'ame  
raisonna-  
ble, & du  
corps, &  
meismes  
des parties  
d'iceluy.

tres) par l'autorité de mondict Mercure, qui a esté de mon temps, & m'a iadis esté vn admirable truchement pour me donner l'intelligéce des diuins mysteres: & qui n'a pas vescu trop long temps apres Moysé. L'entendement (dit il) pere de tous, la vie & lumiere, a créé & formé l'homme à son image & semblance: & s'est resiouy de son bien, comme de celui de son fils: car il estoit beau, & estoit semblable à son pere. Or Ius donc, Vranie, di moy, ie te prie, la dessus ce que tu en penses, & fay comparaiſon de la formation du corps humain avec tes cieux: certainement tu trouueras en tous deux vn art quasi semblable, & vne par tout egale, sagesse & bonté de Dieu toutpuissant auteur & ouurier d'iceux. Et pourtant faiſt que l'ouuta-ge du corps humain te serue d'aduer- tisſement, & appren( comme eſcript

# HARMONIE DES CORPS

mondit Mercure ) qui est createur  
d'une si belle image & semblance?  
qui a pourtraict les yeux? qui a fait  
comme au tournoir les narines &  
oreilles? qui a fait ouverture aux  
leures de la bouche? qui a estendu  
les nerfs? qui a lié les muscles avec  
les tendons? qui a arrousé les vaines?  
qui a fait reioindre & consolider  
les os? qui a vestu de toutes parts la  
chair d'une epiderme, c'est à dire,  
d'une petite peau, ou cuir delié? qui  
a mis le paration entre les doigts &  
joinctures? qui a mis aux pieds le  
moyen & pouuoir de marcher, & le  
soustien & appuy de tout le corps?  
qui a baillé aux mains de pouuoir  
prendre & empoigner? qui a situé  
la veüe aux yeux? l'ouye aux oreil-  
les? le goust en la langue? le flairé-  
ment & sentiment aux narines? qui  
a fait que le cerueau puisse imagi-  
ner & comprendre les choses, & par  
quel

quelques causes cogneuës paruenir à la cognoissance d'autres incogneuës, & en auoir souuenâce? qui a donné au ventricule moyē de cuire la viande? au foye de transmuier en substance de sãg le chyle attiré de l'estomach? au cœur vne force & faculté vitale? au poulmon, d'inspirer & expirer? Qui a trouué les pores du corps, & ouuert les trous d'iceux? qui a baillé aux arteres l'attraction & conseruation de l'air, pour conseruer la temperature de la chaleur naturelle (que l'on appelle esprit vital) en chacune partie du corps? qui a formé le cœur gros par en haut, & peu à peu descendant en poincte? qui a tissü & conioinct les fibres du foye? (c'est à dire, certaines petites & menues veines qui se trouuent aux tuniques & mébranes des veines, en façon de filetz d'arignee) qui a resserré & estraint la ratte? qui a taillé & graué

les tuyaux des poulmons? qui a donné au vèrricule vn si grand vaisseau pour contenir tant de choses? &, pour faire court, qui a donné à chaque partie du corps son action? Qui est ce qui les a toutes formées & façonnées? quelle mère, quel père ont elles? n'est ce pas Dieu seul tout puissant & intuisible, qui a tout fait & selon son bon plaisir & par sa seule parole? O le beau miracle de nature! ô l'heureuse vision! ô l'excellent spectacle, & l'ouvrier admirable par dessus tout ce qui est admirable.

V R A N. Tu me donnes bien maintenant occasion d'admirer Dieu & nature, Esculape, en sorte mêmes que j'en suis tout estonné & esperdu. Mais écoute: Ce qui regit, gouverne & donne mouvement au Soleil & aux cieux, & à leurs parties estoillées, & formées toutes en rond & aux globes qui y sont, & qui reluisent,

2

Ce qui regit, gouverne & donne mouvement au Soleil & aux cieux, il est immortel.

luisent, n'a point de corps: sçauoir est vn entendement diuin, immortel & inuisible, & ne peut aucunement estre compris & mesuré.

**Æ s c v l.** S'emblablement, Vranie, ce qui regit, gouerne & donne mouuement à l'ame raisonnable, & aux corps, & à toutes les parties d'iceux faictes en rond, n'a point de corps: sçauoir est vn petit de feu du tout diuin, & vn esprit du pere celeste rayonnant & reluisant par tout, & donnât force & vigueur à toutes choses, lequel est immortel, & n'y a aucun ça bas qui le puisse voir, ni comprendre ou mesurer aucunement: comme m'a enseigne mon Hermes, qui m'a iadis esté truchement des saincts & sacrez secrets vraiment Trismegiste, c'est à dire trois fois grand.

**V R A N.** Toutes les planeres, Esculape, avec le Soleil & la Lune,

Ce qui regit, gouerne & donne mouuement à l'ame raisonnable, & au corps humain, il est immortel.

3  
Les parties des cieux, ou estail;

les : ont se meuuent par le moyen de deux  
deux mouuemens, lesquels le sens peut  
clairement & euidentement apper-  
cevoir. Desquels l'vn est commun,  
qui est de toute la communauté des  
cieux: & l'autre est particulier, selon  
la propre nature de chaque planete.

Les parties des corps humains ont deux mouuemens. **Æscv l.** Ne plus ne moins, Vra-  
nie, on voit euidentement que tou-  
tes les parties du corps humain neés  
pour auoir mouuement, en ont deux.  
L'vn qui dépend du mouuement de  
tout le corps, & est vniuersel: l'au-  
tre, qui viét & procede de la facul-  
té, nature, esprit, & volonté donnée  
naturellement à chaque partie.

**VRAN.** Tout cela va bien, **Æs-**  
culape; mais ce Soleil, rayó de l'en-  
tendement diuin, & que les yeux de  
l'homme ne peuvent comprendre,  
& qui est vn miroir bien clair, par  
lequel nous pouuons contempler  
les ceuures de nature, lequel aussi est  
(com

(cômedit ton Mercure) le plus excellent & notable Dieu de tous les dieux celestes, estant au ciel à préminée & superintendence sur toutes creatures, & par vne force & vertu donnant ame & vie, & par vn viuifiant soupiral, reluysant par tout, donne vigueur & attrape tout l'vniuers, & tout ce qui est en iceluy.

*Æ s c.* Quasi tout de mêmes vn entendement & vne ame au corps de l'homme, qui vse de raison, & est immortelle, & qui est vne tresbelle representation du Soleil (lequel les Academiciens ont en vn certain endroit appelé l'ame du monde) combien qu'elle soit inuisible, & que les sens humains ne la puissent comprendre: a vne singuliere maiesté & principanté sur le corps, & par vn vital soupiral l'attrempe par tout, mistionne, soustient, alimète & renforcit entièrement.

4

Le Soleil estant au ciel par vn viuifiant soupiral, attrempe & resiouit toutescho ses basses & terrien nes q. luy sont cotamises.

L'ame raisonnable, & qui est au corps, &c.

## HARMONIE DES CORPS

§  
Le mouue-  
mēt du So-  
leil qui est  
au ciel est  
cōstant &  
ne se lasse  
iamais.

V R A N. Or sus, le mouuement  
du Soleil depuis la fondation du ciel  
a tousiours demeuré ferme & con-  
stant : & qui plus est, est perpetuel,  
& demeure en vn & mesme estat,  
sans iamais se lasser.

Le gouuer-  
nement de  
l'ame rai-  
sonnable,  
qui est au  
corps, &c.

Æ s c v l. Tout de mesme aussi  
le mouuemēt de l'ame raisonnable,  
Vranie, depuis que les fondemens  
de son corps sont posez, demeure  
en son estat, & persiste en la forme  
& condition ( comme parlent les  
Platoniciens ) en laquelle Dieu l'a  
mis : & n'y a moment aucun ni au  
iour ni en la nuit auquel il ne soit  
en perperuelle action, & cōtinue en  
ceste sorte iulques au dernier point  
de la vie, sans iamais se lasser.

6

Le Soleil  
apres dieu  
n'a besoin  
de psonne  
pour exer-  
cer & faire  
sentir ses  
forces.

V R A N. Phœbus, Æsculape ( que  
ton Galien a appelle grand roy du  
ciel ) ne demande aucune aide ne se-  
cours des choses de ce bas monde,  
qui consistent en quatre elemens,

pour

pour s'escouler, reluire, se mouvoir,  
& exercer & faire sentir ses forces.

Æ s c v l. Pareillement aussi l'en-  
tendement humain, (qu'aucuns ont  
appelé petit Soleil) & l'ame qui use  
de raison, ne s'adresse point aux  
choses corporelles, missionnées par  
vn mélange des quatre elements,  
pour luy aider à se mouvoir, escou-  
ler, exercer & faire sentir ses forces.  
Car elle est simple, & aussi bien que  
le Soleil, a sa part & portion de di-  
uinité: & pourtant n'a besoing d'au-  
cun, que de l'aide de Dieu.

L'ame qui  
use de rai-  
son apres  
Dieu, n'a  
besoing d'  
aucun pour  
exercer &  
faire sentir  
au corps  
ses forces.

*Dialogue troisieme, De l'accoin-  
tance & union des rayons du*

*Soleil & de ses esprits*

*avec les esprits du*

*corps humain.*

V R A N.

I E premier cours & progrez de  
notre propos s'est iusques à  
pre

present assez bien continué, & s'est assez heureusement & sans interruption entresuiuy, *Æsculape*, qui as les dieux pour ancestres & bisayeuls: mais maintenant i'ay deliberé de t'amener à vn autre point, & te proposer vne autre question. Et pourtant ie t'allegue les rayons du Soleil (lesquels quelques vns n'ont faict doute d'appeler l'esprit & maiesté du monde) iceux sont vne certaine substance tresclaire & transparente, menue & fort deliée, & entierement celeste, produicte du corps mesme du Soleil, de sorte qu'ils peuuent aller haut & bas, vstemment & à leur aise. Ha, qu'as tu en tes corps que tu me puisse opposer à ceux là: qu'y a il? di le moy en peu de parolles.

*Æscul.* Ho ho! commences tu si tost à brauer & te glorifier, Vraie? à peine es tu sur le seuil du premier huis de nostre discours. D'vne

I  
Les esprits  
& rayons  
du Soleil,  
ont essen  
ces bie me  
mes & du  
tout cele  
stes.

Les esprits  
du corps  
humain  
sont essen  
ces bie me

infinité de choses appartenantes au <sup>nues, & de</sup>  
 corps de l'homme, i'opposeray main- <sup>tout cele</sup>  
 tenant à ton obiection les esprits <sup>tes.</sup>  
 d'iceluy. Car ils sont cōme certains  
 rayons, espars & semez par tout le  
 corps: desquels la substance est en-  
 tierement celeste, bien deliée, & tres  
 claire & transparente, s'escoulant  
 & procedant des parties mesmes les  
 plus notables qui soyent au corps,  
 comme de quelques fontaines de  
 couleur d'or: de sorte que leur ver-  
 tu, faculté & rayons se peuuent es-  
 pandre par tout le corps, & aller  
 haut & bas, vistemment en toute seur-  
 té & à leur aise.

V R A N. Je commence mainte-  
 nant à t'admirer, Esculape: tant y a  
 que l'esprit, chaleur, lueur & res-  
 plendisseur du soleil, distribuées aux  
 parties de la terre diuerses & d'is-  
 semblables l'une de l'autre, & alliées  
 avec elles à perpetuité, ont beau-

La lueur  
 & resplen-  
 disseur de  
 l'esprit du  
 soleil, s'ac-  
 commodent  
 en plu-  
 sieurs sor-  
 tes aux  
 biens de la  
 terre & be-

longne en  
eux en be-  
aucoup de  
façons.

coup de diuerſes actions, & viennent  
à cheſ ( avec l'accord & conſente-  
ment de la matiere ) de pluſieurs  
choſes es natures preparees des cho-  
ſes qui ſe peuuent aiſement engen-  
drer ; & ſont corruptibles : beſon-  
gnant d'une façon à l'endroit de ce-  
ſte cy, & d'une autre à l'endroit de  
ceſte là : autrement enuers vn corps  
mol, qu'enuers vn qui eſt dur : autre-  
ment enuers vn creux qu'enuers vn  
maſſif : autrement enuers vn gros  
qu'un petit : autrement enuers vne  
plante qu'enuers vne pierre : autre-  
mēt enuers la terre qu'enuers l'eau,  
& ainſi conſequemment.

La lueur  
& reſplen-  
diſſeur  
de l'eſprit  
qui donne  
vie, ſ'accō-  
mode en  
pluſieurs  
ſortes aux  
choſes du  
corps, &  
beſongne  
en elles en  
beaucoup  
de façons.

Es c. Sēblablement auſſi la lueur  
& reſplēdiſſeur d'un eſprit qui dōne  
vie, qui eſt en ceſte riche & ſuperbe  
boutique du logis humain, & parti-  
cipe aucunemēt aux rayōs du Soleil,  
& en eſt ialoux ; quand on le depar-  
tit & qu'on le verſe dans les diuers

membres, parties & organes du corps, avec l'aide & secours de la nature, forme & température de chacun, il besongne en beaucoup de sortes: & fournit & pouruoit à chaque instrument de la charge & condition qu'il doit auoir (nonobstant qu'elles soyent différentes l'vne de l'autre) par quelques petits tuyaux que nature a destinez à cest office: besongnât & s'escoulant autrémēt dans cest organe cy que dans cestuy la, encores qu'il soit bien certain qu'il prend sa source de la mesme fontaine que le souspiral du Soleil. Car: cstant versé & comme dardé dans les yeux, comme vn certain rayon, par les nerfs optiques, leur donne moyen de voir: & par certains conduits infusé dans les oreilles, leur donné l'ouye: & en la langue par quelques petits nerfs qui depuis les parties des os dures, par-

viennent & s'espandēt à la tunique  
ou enuoloppe de la langue, fait le  
goust: & es mains donne de pouuoir  
prendre & empoigner: es pieds, de  
marcher: & en tout le corps, de pou-  
uoir toucher, par des nerfs & fibres  
nerueuses, qui s'espandēt es mus-  
cles, en la peau & es membranes &  
tuniques, en façon d'une rets; ou  
autrement.

3  
La resplen-  
disseur des  
rayons du  
Soleil, ne  
peut du  
tout estre  
enfermee  
en vn lieu.

VRAN. Ce que tu dis est vray-  
semblable, Esculape; mais il n'y a  
aucune partie du monde, ni cōtree,  
ni prouince, ni ville, tant grande &  
spacieuse soit elle, qui se puisse en  
tout & par tout approprier à elle  
seule l'esprit, lumière & rayons du  
Soleil, ni se les attribuer en tout  
temps, sans endommager les autres.  
Qui me fait croire que ce qui a esté  
dict de luy est veritable, il n'y a ce-  
luy qui puisse euitier sa chaleur.

ESCVL. Aussi n'y a il aucune  
piece

pièce des parties du corps, ni aucun bras, ni pied, ni costé, ni entraille qui se puisse entierement approprier le don de l'esprit animal, ni ses rayons & lumiere, ni les oster ou destourner des autres, sans causer vne perte irreparable & d'elles & mesmes de tout le corps. Car tout ce qui est au corps, prend son action de cest esprit la: dont on peut veritablement dire, Il n'y a rien qui se puisse cacher de ses rayons & sou-spiral entierement diuin.

La resplendeur de l'esprit animal, ne peut estre du tout caché en vn lieu.

**V R A N.** Toutes les choses qui sont en ce monde, Æsculape, sont regies & gouuernees par l'esprit, leur mouvement & affluxion du Soleil & des estoilles: cōme le met-tray tantost peine à le te declairer.

**Æ s c v t.** De mesmes toutes les choses qui sont au corps, sont regies & administrees par les rayons de l'esprit animal & chaleur naturelle,

& par sa lueur, mouuement & influ-  
xion : comme ie le te donneray à  
entendre tantost.

V R A. Il n'y a celuy, ( si ce n'est  
possible Tiresias ) qui ne voye, ou  
plustost qui ne sente & apperçoyue  
que en vn moment de temps le So-  
leil par sa lumiere esclaireit & res-  
ueille toutes choses.

Æ S C V L. Aussi n'y a il celuy ( si ce  
n'est possible vn insensé Oreste ) qui  
n'apperçoyue & ne confesse qu'en  
vn moment de temps tous les mem-  
bres du corps sont par la lueur & fa-  
culté de l'esprit animal esclaireis &  
resueillez.

V R A N. Autant que ie descoche  
de traicts contre toy, Æsculape, au-  
tant m'en renuoye tu. Or sus, Phœ-  
bus ton pere, auquel toutes choses  
viuantes soubz la sphere de la Lune  
prennēt leur plaisir, qui est vne per-  
petuelle fontaine de lumiere & de  
cha

4  
Le iouspi-  
ral du So-  
leil, par  
son effica-  
ce & pre-  
sence fait  
demerueil-  
leuses cho-  
ses à l'en-  
droit des  
choses ter-  
rennes.

chaleur: q̃ les Pythagoriens ont dict estre vne image & semblance de la diuine intelligence, & Socrates (tesmoin Platon) estre fils visible d'un Dieu inuisible, lors qu'ayāt netoyé l'obscurité de la nuit il se leue au matin, & que tout à coup il esclairecit tout l'hemisphere, quād il monte en haut, & que par sa lueur & rayons, & par sa force & mouuement (comme il a semblé aux Peripateticiens & Academiciēs) il compasse tacitement toutes choses: & que tous les iours il conuie du Ciel comme à son de trompe les hommes à se remettre à leur train accoustumé, dy moy de par Iupiter (ha, ie voudrois retenir le mot, Æsculape) qu'est ce qu'il y a en tout le meuble des corps humains qu'il me puisse portraire si au vif?

Æ s c v l. Hoho! fais tu tant la braue, Vranie, pour auoir mainte-

Le soupi-  
ral qui dô  
de vie, par  
son effica  
ce & pre  
sence fait  
de merveil  
leuses cho  
ses à len-  
droit des  
corps hu-  
mains.

nant nommé mon ayeul? Or bien,  
ie veux seulement opposer à tout ce  
que tu viens de m'alleguer bien fort  
subtilement, vn seul esprit animal,  
qui est vrayement diuin & incom-  
prehensible: lequel apres que du-  
rant la nuit qui induict à dormir,  
il a esté meüssé dans le cerueau,  
comme dans l'hémisphere qui est  
sous terre, qui est ce qui ne le voit  
au matin, apres qu'il a secoué de  
tout le magasin du corps ce dor-  
mir veferneux de la nuit passée) le-  
quel engourdit les membres, & est  
vne vraye image & semblance de  
la mort) se semer & espandre en vn  
instant & tout en vn coup par tout  
le corps? & de la reste, comme d'vn  
ciel fort haut, esclaircir toutes les  
parties d'iceluy, & solliciter tous les  
iours les hommes à se remettre à  
leur train accoustumé (pourueu que  
le vouloir y soit) & travailler pour  
auoir

auoir moyen de viure? Et bien Vra-  
nie, dy moy de par tes cieux, com-  
ment est ce que ces parolles te plai-  
sent? Il me sera bien permis, à ton  
exemple, de m'eschauffer vn petit,  
ie ne diray pas enflambet.

VRAN. Elles me plaisent mer-  
ueilleusement. Aesculape, mais es-  
couter il n'ya aucun qui ne voye biē  
q̄ la terre est fort biē & par tout en-  
treenue en son estre, par le moyen  
de l'animale aspiratiō & air salutai-  
re du Soleil & des estoilles, lequel  
s'espard & s'estēd au long & au lar-  
ge par le monde: & par le moyen  
aussy du continuel mouuement des  
cieux, toutes choses qui sont çà bas  
en terre sont faictes tiedes du Ciel:  
laquelle tiedeur (dont toutes choses  
basses & terriēnes recōyuent nour-  
riture) est par mesure distribuee &  
despartie par tout l'vniuers, combiē  
que ce ne soit pas en vn certain lieu,

Les esprits  
du Soleil  
tombants  
sur la terre  
renforcif-  
sent de be-  
aucoup, a-  
limentent  
& resiouif-  
fēt toutes  
les parties  
d'icelle.

maistantost en cestuy cy, tantost en cestuy la: quelques fois en vn lieu qui sera bien pres, quelques fois en vn qui sera bien loing: selon que le train & continuation des choses le requiert, & que la nature des saisons le peut porter, & n'y a aucun aussi qui ne voye bien que la terre mesme, & particulierement toutes les parties d'icelle, ne se preparent, se mettent en train & taschent d'auoir le moyen & pouuoir de s'acquitter de leur charge. Qu'y a il au corps del'hōme, Esculape, q̄ tu puisses opposer à ces choses? qu'y a-il? fay le moy sçauoir en peu de mots.

Æscul. Tu es merueilleuse, Vranielic crain pour vray qu'à la fin de parolles nous ne venions aux coups. Il n'est pas permis aux celestes d'estre si insolents; mais ie te pardōne, pource que tu es vne femme. Et pourtant tasche par cy apres  
de

de te porter plus modestement enuers moy, autrement ie seray muet comme vn poisson, comme on dit communement. L'oppose à tout ce que tu viens d'alleguer, les esprits qui sont és corps humains, & qui comme s'entretenants l'un l'autre viennent dans iceux, & leur aspiration qui est par le moyé du mouuement espâné de tous costez. Et n'y a aucun qui ne cognoisse bien, qui n'apperçoyue & cōfesse que les instrumēts des sens, & tous les nerfs, & muscles, en somme toutes & chacunes les parties du corps, ou plustost, pour dire en vn mot, tout le corps, quelque gros & grand qu'il soit, avec certaine mesure & proportiō, tantost en vn lieu tantost en vn autre, tantost pres, tantost loing, ne se prepare, ne reçoyle force, pouuoir & ayde par le moyen d'iceux pour s'acquitter fidellement & ainsi qu'il

Les esprits humains tombants & se distribuans par le corps, se forcent de beaucoup, alimentés, & resouisiés les parties d'iceluy.

appartient du deuoir & charge qu'il  
a d'entretenir sa vie.

6

Les esprits  
& rayons  
du Soleil  
ne contrai-  
gnent pas  
toujours  
la terre à  
faire sa be-  
sogne.

**V R A.** Que si ie t'alleguoys vne  
chose qui est quelque peu differen-  
te de celles qui ont esté par le passé  
proposées & prouueez, Esculape?  
Les esprits du Soleil qui iette ses  
rayons & salueur sur toutes choses,  
avec le mouvement qui les accom-  
pagne sans cesse, ne contraignent  
pas, en tout tēps la terre à ce qu'elle  
produisse necessairemēt les fruiets,  
& aille son train accoustumé.

Les esprits  
du corps  
ne contrai-  
gnent pas  
toujours  
les instru-  
mens hu-  
mains à  
faire leurs  
besôgnes.

**Æs c y l.** Aussi lesdicts esprits,  
**V r a n i e,** avec le mouvement qui les  
accompagne sans cesse, ne contrai-  
gnent pas toujours & en tous lieux  
le corps qu'il ait necessairemēt à  
se mouuoir, sentir, toucher, & aller  
son train accoustumé.

7

Par le be-  
nefice du  
Soleil no

**V R A n o i.** Par le moyen de la lu-  
miere & souspiral du Soleil, Escu-  
lape, nous contemplons le Soleil  
mesmes

mesmes , & voyons toutes les a- voyons le  
ctions d'iceluy. mesmes.

**E s c.** Aussi par le moyen de la Par le be-  
lumiere de l'esprit animal, & de ses nefice de  
liberauts rayons , nous cōtemplons l'esprit a-  
ledict esprit animal, & voyons tou- nimal, &c  
tes les actions d'iceluy.

**V R A N.** Tout ce que les rayons 8  
du Soleil illuminent, est bien souuēt La resplen-  
frustré de la lumiere d'iceluy surue- diffeur du  
nant quelque nuée bien espesse , ou soleil peut  
par l'empeschement du corps de la estre em-  
Lune mise au dessous , ou par quel- peschee de  
que autre chose qui se peut mettre venir ca-  
au deuant de luy. bas.

**E s c v l.** Pareillement aussi ce La resplen-  
que l'esprit animal esclaireit, surue- diffeur de  
nant l'empeschement de quelque l'esprit a-  
grosse humeur , ou souffle , ou autre nimal, &c.  
chose, peut estre frustré de la lumie-  
re & clarté d'iceluy, comme en vne  
paralytie, apoplexie, estonnement  
tel qu'on ne sent point ce qu'on  
fait,

fait, & autres choses.

**9** V R A N. Tu es merueilleusement  
 merucilleux & ingenieux en tes re-  
 sponſes, *Æſculape*. Mais leſdicts  
 rayons du Soleil, parce que depuis  
 le leuant, paſſant par le midy pour  
 venir au couchant, il circuit tout ce  
 quartier du ciel par lequel il fait ſa  
 courſe dans vintquatre heures: à  
 raiſon du ſemidiаметre il faut qu'en  
 vne heure il ne face pas moins de  
 cent trêſecinq mille lieux, & quel-  
 que peu d'aduantage: encores que le  
 mouuement d'iceluy, ſi tu en fais ju-  
 gement ſelon ce que la veüe ſe peut  
 eſtendre, ſemble ſi tardif & laſche  
 que combien qu'il ſemble qu'il ne  
 marche auant, mais qu'il ne ſe bou-  
 ge d'un lieu, l'on peut pluſtoſt ap-  
 perceuoir que iuger qu'il ait tant  
 fai& de chemin. Ha, ou prendras tu  
 en tout le monde vn ſi habile cour-  
 rier? ou que luy trouueras tu de ſem-  
 blable

blable au corps humain? c'est à dire,  
q soit si soudain, si hastif, & si legier?

**Æ s c.** Je t'allegueray quant- &  
quantvn seul esprit animal. Vranie,  
ou bié, pour parler plus simplemēt,  
vn entēdemēt qui vse de raison: leq̃l  
ie ne diray pas dās vingt quatre heu-  
res, mais bien dās vne petite demye  
heure, ou moins, peut bien habile-  
ment aller & retourner par tous les  
quartiers du mōde, par la treslarge  
& spacieuse mer, par tous les enfers  
& lieux qui sont sous terre, & mē-  
mes par tous les rengs des cieux: &  
qui en si peu de tēps peut faire plus  
de mille & trois cents myriades de  
lieux, qui est ce qu'on a accoustumē  
de compter depuis ce monde corru-  
ptible iusques aux estoilles fixes, &  
huietième ciel.

**V R A N.** Tu parles si diuinemēt,  
**Æsculape**, qu'il semble que tu' sois  
assis sur les tables dont les Phœba-  
des

L'esprit a-  
nimal &  
entende-  
mēt q vse  
de raison  
& q est au  
corps, est  
merueil-  
leusement  
soudain,  
hastif &  
legier.

10  
L'influxio  
d's corps  
celestes est

grâdemēt  
nécessaire  
aux cho-  
ses retric-  
tes.

des deuinoient. Au reste, il n'y a au-  
cune partie de la terre qui puisse  
auoir vigueur & demeurer en son  
estre, & défendre & elle & ses qua-  
litez sans le moyen des rayons du  
Soleil, & de l'inspiration vitale des  
corps celestes, & de leur perpetuel-  
le influxion, vifue chaleur, mouue-  
ment qui tantis ne se lasse, & quel-  
que accord & consentement qui est  
entre-eux, nonobstant qu'il soit oc-  
culte & caché.

L'influxio  
des esprits  
humains  
est grande  
mēt neces-  
saire aux  
choses cor-  
porelles.

À s c. Il n'y a aucune partie du  
corps qui puisse longuement rete-  
nir sa vigueur & vie sans la vertu &  
efficace des esprits humains qui en-  
trent dans iecluy, & sans le mouue-  
ment d'iceux qui jamais ne se repo-  
se, & sans la chaleur naturelle: ny  
qui puisse, tant peu que ce soit, de-  
fendre & elle & sa température avec  
son action, sans l'aide des choses  
sufdictes.

**V. R. A. N.** Le don de lumiere, **A**sculape; nous est infusé & enuoyé par le cercle du Soleil, & s'espauid au long & au large & va ça & la par tout le corps de la terre.

**A. S. C. V. I.** Le don de l'esprit animal, **V**ranie; est par le cercle de la teste infusé & s'espauid au long & au large par tout le corps de l'homme, & les principaux instruments

d'iceluy.

**V. R. A. N.** Les rayons & esprits du Soleil ne sortent pas d'un mesme endroi& du Ciel, & l'Horison pour se promener parmi le monde; & donner force, vigueur, vie, proportion & mesure aux choses terriennes: mais plustost se leuent en trois sortes, que mes Mathématicieſ ont marquées: dont l'une est au Belier & en la Balace, qu'on appelle **Æquinoctial**: l'autre est en l'Escreuisse, qu'on appelle **Soltice**: & la tierce en

11

Le don de la lumiere du Soleil est d'un certain lieu espars par tout le monde.

Le don de l'esprit animal est d'un certain lieu, &c.

12

Les rayons & esprits du Soleil se leuent en trois sortes.

la

— la Cheure, qu'on appelle Brumalle.

Les esprits  
des corps  
humains  
se leuent en  
trois sor-  
tes. *De l'esprit  
du sens  
du foye  
du cerveau*

**A** s c. De mesme façon les esprits  
humains, Vranie, ne sortēt pas d'un  
mesme endroict du corps pour don-  
ner force, vigueur, vie, proportion  
& mesure aux choses qui luy appar-  
tiennent: mais plustost ont trois sie-  
ges, & se leuent en trois sortes, que  
mes medecins ont obseruees: dont  
l'une est au cœur, qu'on appelle vi-  
tale: l'autre est au cerueau, qu'on  
appelle animale: & la tierce au foye,  
qu'on appelle naturelle: comme ie  
le te donneray clairement à enten-  
dre, & bien intelligiblement, quand  
l'occasion s'en presentera, & que  
apres noz discours des choses cele-  
stes, nous traicterons de ce point.

Dialogue quatrième, auquel est faicte  
une comparaison des rayons & soufpi-  
res du vent de la Lune, avec l'esprit d'un  
homme mortel & animal, lequel ne s'ap-

## V R A N I E.

**O**N ne ſçauroit exprimer par paroles, ô diuin *Æſculape*, combien de plaifir & contentement i'ay receu des precedents diſcours: que ſi tu vas d'un meſme train aux autres ſuyuans, ie voy deſia que les fondemens de noſtre mariage ſont poſez, c'eſt à dire de l'harmonie du corps humain avec le ciel. Puis doncques que tu ne t'ennuyes point de reſpondre ny d'enſeigner, ny moy auſſi tant d'interroguer que d'apprendre, ie me delibere maintenant de prendre vn autre ſubieſt: commençant par la Lune ta tante, comme celle qui eſt apres le Soleil le plus puiſſant organe de nature, ainſi que *Cō Galien* l'a appris des eſcripts du *Trismegiſte*, & l'a inferé es ſiens. Il eſt tout certain qu'elle n'a de ſon propre aucun rayon, ny lumiere naturelle, ny aucune vertu ny pouuoir

I  
Le corps de la Lune eſt moule ſans les rayons du Soleil.

de faire les changemens qui sont es  
moys, sinon entant que le Soleil ton  
pere (qui est vn tres-riche & copieux  
gardefeu des feux celestes) luy en  
baille abondamment ou escharcemēt.

Le corps  
humain  
est inutile  
sans l'esprit  
animal, &  
lueur & re  
splendis-  
sant d'ice-  
luy.

ÆSCVL. Aussi ce corps, Vranie,  
(l'estat duquel la Lune fait cognoi-  
stre à mon Galien & Ptolemee, qui  
ont esté d'un mesme temps) n'a de  
son propre aucune lumiere viuifiā-  
te, ny aucune faculté ny pouuoir de  
mouuement ou sentiment (lesquel-  
les deux choses sont infalibles tes-  
moignages de vie) sinon entant que  
l'esprit animal, qui est au corps cō-  
me vn petit Soleil, luy en eslargit &  
ottroye abodamment ou escharcemēt  
par les nerfs sensitifs & motifs.

2

V R A. C'est tresbien dict, Æscu-

La Lune  
ayant du  
pur don re-  
ceu du So-  
leil la lu-  
miere que

lape: mais ladiète Lune, par vneli-  
beralite fraternelle, reçoit de pur dō  
la lumiere qu'elle a (ie dirois mes-  
mes volontiers, sa nourriture & pa-  
sture)

sture) en regardât & s'associant avec le Soleil, qui est le plus beau spectacle qui soit au ciel: & les academiciens n'ont sceu trouuer chose aucune par laquelle ils peussent de plus près monstrier l'entendement diuin, & donner plus expressement à entendre que c'est luy qui regit & gouerne le monde. Elle reçoit, di-ie, la clairté du Soleil: mais c'est à la charge & condition qu'elle baille aussi de pur don & espandu ça bas l'un & l'autre, pour conseruer & mistioner les choses de ce monde. Qu'est ce que tu pourras trouuer au corps humain; Esculape, qui luy ressemble?

110 **Es c vi.** L'animale faculté avec la vitale, Vranie, & deux parties du corps hostesses de ces deux facultez, à scauoir le cœur & le cerueau. C'estuy la, pource q'c'est vne fontaine q ne peut tarir de la chaleur & lumière vitale, aussi bien que le Soleil: &

elle à, l'es-  
pand aussi  
de pur dō  
ça bas.

L'esprit a  
nimal a-  
yāt de pur  
don receu  
du vital la  
lumiere, la  
renuoye  
aussi de  
pur dō en  
bas.

cestuy cy, par ce qu'il recognoist en plusieurs (ie n'oserois pas dire es femmes) la nature, metamorphoses & changements avec le mouuemēt de la Lune: dequoy font foy les circuits de ceux qui ont le mal sain & Jean, comme mon Galien a fort biē à propos remarqué. Mais à fin que i'approprie toute la chose à ce que tu m'as proposé, il est besoing de sçauoir que le cœur ayāt receu quelque nature & maniere de graisse, estant trempé & repeu (car la substance du cœur est charnelle) de sang louable, attrépié & salutaire; en son costé droid (ou il y a plusieurs esprits pleins de lumiere, suaves, fort chauds & pleins de fumeez) fournist & donne au cerueau la chaleur naturelle de la vie; ou vne certaine lumiere faicte & formee du sâg le plus pur & sain; & des susdictes fumees, & repurgee de toute orduce: laquelle

le

le puis apres ledi&t cerueau (comme fait le Soleil ses rayons) distribue & enuoye par les tuyaux des arteres generalement à toutes les parties du corps, pour la conseruation & tuitiō d'icelles, & nommément pour leur donner mouuement & sentiment.

**V R A N.** Je loue & approuue ce que tu dis, *Æsculape* : mais il est à tous notoyre que la Lune est en danger de perdre sa lueur, & que son corps sera inutile, si son frere *Phœbus* soustrai&t & retire d'elle sa face esclaireissant le monde, & les rayons au chef doré, ou que d'aillieurs empesché il les luy refuse.

**Æ S C V L.** Aussi est il trescertain que l'esprit animal, & par cōsequent le corps de l'homme est en danger de sa vie, si le vital ne luy esclaire, ou si d'aillieurs empesché il se soustrai&t & retire de luy : de sorte que l'un presente le Soleil, l'autre, la Lune.

3  
Les rayōs de la lune ne peuuent auoir vigueur ny demeurer en estre sans ceux du Soleil.

L'esprit animal ne peut auoir vigueur ni demeurer en estre sans le vital.

Car il est si clair & euident, que rien plus, & par experiēce mesmes, qu'alors tout le corps en deuient, ie ne diray pas endormy & inutile, mais que l'ame d'iceluy seāt sur ses leures ne demande qu'à saillir hors.

4

Les rayōs de la lune entremeslez parmi beaucoup de nuees, nous contrefont & representent plusieurs choses.

**V R A N.** Les rayons de la Lune, couuerts & enuironnez de quelque obscurité, ou nuee fumeuse, nous contrefont beaucoup de choses, & nous abusent en plusieurs sortes tāt autour du corps de la Lune mesme, que des nueez.

L'infusion de l'esprit animal entremeslee parmi beaucoup de fumees du corps, &c.

**A s c.** Quasi tout de mesmes les rayons de l'esprit animal, ou l'infusion d'iceux, surprise & entremeslee parmy des fumees melancholiques, & choleriques, ou flegmatiques, cōme certaines brouēes, contrefait & represente beaucoup de visions & apparitions, ne plus ne moins que les rayons de la Lune, ou plustost du Soleil, selon la diuersité de la nature

de

de l'un & l'autre, du corps, di-ie, &  
de la nuee.

**VRA.** Je trouue assez bon tout  
cela, mais vien ça: la Lune emprunte  
du Soleil la source & accroissemēts  
de sa lumiere, comme d'une lampe  
qui ne se peut esteindre, à fin de es-  
claircir & illuminer tout le mon-  
de nuit & iour. A quoy ie te prie,  
Æsculape, que tu me môstres quel-  
que chose de semblable qui soit au  
corps de l'homme.

Les rayes  
de la lune  
sont rede-  
uables au  
soleil &  
d'eux & de  
leur ac-  
croissemēt

**Æs c.** Je te monstre ledit esprit  
animal, lequel (selon l'opinion de  
Platon & de mon Galien) fait sa re-  
sidence au cerueau, qui est comme  
vendu au plus offrant & dernier en-  
cherisseur, & expédié à la Lune. Car  
il emprunte du vital qui est fait &  
formé (& a sa demeure au cœur) sa  
source & accroissemēts, pour es-  
claircir, illuminer, mouuoir & don-  
ner vigueur au corps nuit & iour.

L'esprit a-  
nimal est  
redevable  
au vital &  
de soy &  
de ses ac-  
croisse-  
ments

6

Les rayons  
& esprits  
de la lune  
depende  
du Soleil.

**V R A N.** Reste maintenant vne chose, non obstant qu'elle soit redi-  
&c. La lumiere & esprit de la Lune  
mendie du Soleil ses changements  
& reparations. Voyla pourquoy  
(comme ie pense ) les Grecs l'ont  
nommee Selené, ( & les Latins Lu-  
ne ) parce que elle reçoit son selas,  
c'est à dire, sa clairté & splendeur,  
ano, c. d'en haut, à sçauoir du Soleil.

L'esprit a-  
nimal a-  
uec son in-  
fusion de-  
pend du  
vital.

**Æ s c.** Tu me romps la teste, &  
m'ennuyes quant & quant, Vranie,  
me chantant si souuent vne mesme  
chançon. Ie t'ay desia declairé, plus  
d'une fois que l'esprit animal qui est  
en partie vendu & expedié à la Lu-  
ne, reçoit du cœur, qui represente le  
Soleil, la reparation de sa lumiere,  
(qui est comme vne resplédisseur de  
Lune) & le restablissémēt de sa sub-  
stance destruiete & dissipée. Et à fin  
que tu le puisse entēdre plus aysé-  
ment, ie te le dōneray à entendre en  
ceste

ceste sorte. L'esprit vital, qui a fiché <sup>Don à romme</sup>  
 & planté ses pavillons au cœur, par <sup>Esprit animal</sup>  
 la grande artere monte en amont <sup>Engendro</sup>  
 vers les carotides (ainsi surnommées <sup>Carotides</sup>  
 parce que quand elles sont pressées,  
 liées ou repliées, elles engendrent  
 vn sommeil veterneux avec vne lâ-  
 guidité de tout le corps, qui pour  
 ceste cause en est rendu comme apo-  
 plectique) iusques à ce qu'il passe  
 parmi vne admirable tissure & com-  
 position du cerueau, ou entrelassure  
 rétifforme, ou faicte en façon de rets: <sup>Admirable</sup>  
 là où se trouuant emmêlé de beau-  
 coup de chemins sinueux & anfra-  
 ctueux (tu dirois que c'est vn laby-  
 rinthe) & enuveloppé de fibres fai-  
 ctes en façon de treillis (ou de filets  
 d'araigne) il demeure & s'arreste là,  
 iusques à ce qu'il soit aucunement  
 formé. Delà il vient derechef en la  
 choroïde, qui est vne tunique ou <sup>Choroïde</sup>  
 menynge delice, qu'on appelle vul-

gairémēt la Pic ou chere mère: d'ou  
 ayant attiré à soy vn air tenué & de-  
 lié, & se ioignant à soy quelque peu  
 d'iceluy par la force & vertu du cer-  
 ueau qui l'environne, il est entie-  
 rement conuertī en esprit animal:  
 lequel puis apres reuenāt de ladiētē  
 tissure, remplit tous les ventricules  
 du cerueau, pour s'en seruir à l'adue-  
 nir. Dont tu peux aysement recueil-  
 lir qu'il procede & depend de l'es-  
 prit vital, comme la lumiere de la  
 Lune vient du Soleil.

7

Quand les  
 rayons de  
 la Lune  
 croissent,  
 les mouue-  
 mens des  
 eaux croif-  
 sent,

V R A N. Tu endureras bien que  
 ie te propose encores cecy pour la  
 fin du présent discours, ô diuin Æ-  
 sculape. Quand, les rayons & lueur  
 de la Lune croissent & s'enforcissēt,  
 les mouuements des eaux, les humi-  
 ditez des corps & moëllēs des os  
 croissent & s'enforcissent.

Quand l'es-  
 prit ani-  
 mal croist

Æ s c v. Semblablement quand  
 l'esprit animal croist & s'enforcit,  
 les

les mouuements & actions tant des corps que des esprits croissent & s'enforcissent. Mais tout cecy est de trop petite valeur, Vranie, pour estre esclairci par moy, & proposé par toy. Et pourtant si tu as dorenauant quelque propos de plus grande importance & plus sérieux, mets le en auant, & commence vn discours nouveau.

le mouue-  
ment des  
corps & e-  
sprits croist

*Dialogue cinquième, De la compa-  
raison de la faculté des rayons des  
planetes avec les facultez  
du corps humain.*

V R A N I E.

**I**E crains aucunement, ô trois fois  
tresgrand Esculape, que ie ne  
t'ennuye en t'interrogeant par trop.  
Si ne cesseray-ie point iulques à ce  
que tu me commande de me taire:  
estant bien asseuree que quant à ce  
que tu veux bien estre de beaucoup  
redeua

redevable à celle à qui tu l'es voyre-  
ment, cela procede d'un franc, naif,  
& noble esprit. le poursuivray donc  
de rechercher & esplucher mes cho-  
ses du ciel, à fin que continuant no-  
stre train encômençé, ie puisse trou-  
ver les raisons & conuenance de la  
presëte harmonie du corps humain  
avec le ciel. Di moy donc au nom  
de Panacé & Hygieine, tes tresche-  
res filles: que veut dire que les sept  
planetes qui gouuernent le monde  
sensible, & par leurs cercles & rayôs  
l'embrassent, si elles procedêt à leur  
charge plus laschement que de cou-  
stume, ou si elles refusent de donner  
& transmettre à ce bas monde leurs  
feux salutaires, elles luy machinent  
& brassent sa ruine totale, aussi seu-  
re & certaine qu'est celle dôt on ne  
fait aucune doute?

**L**'action &  
psence des  
sept plane-  
tes q gou-  
uernent le  
môde, est  
grâdemēt  
necessaire  
aux biens  
de la terre

**L'**actiō &  
psence des  
planetes q

**A** s c v l. Di moy aussi, Vranie,  
au nom de tes celestes hierarchies

& cognoissance des choses diuines, gouuernent la vie, avec celles qui sont estat de chambrières en leur endroit, sont grademēt, &c.  
 que veut dire que les trois facultez faculté animal  
 qui gouuernēt la vie humaine, avec vital et -  
 celles qui sont estat de chambrières natueller la  
 à l'endroit de la naturelle faculté, dominer ay de  
 qui sont en nombre de quatre (& de l'exterieur  
 si tu les mets ensemble, elles feront essentielle gen  
 vn nombre de sept, autant qu'il y a rien et total  
 de planetes) si elles entremettent & trier.  
 discontinuent leurs actions accou-  
 tumees, & si elles refusent de dōner  
 & transmettre leurs rayons qui ha-  
 leinēt de costé & d'autre, & qui sont  
 grandement necessaires pour forti-  
 fier & donner vigueur, pour souste-  
 nir & proportionner les choses cor-  
 porelles, elles machinēt & brassent  
 au corps la ruine totale, aussi seure  
 & certaine qu'est celle dont on ne  
 fait aucune doute?

V R A M. Que ie puisse mourir si  
 iamais i'ouy aucun qui fust plus son-  
 gneux & qui print plus de peine à  
 philo-

2  
Il y a quatre planètes entre toutes qui sont comme chambrières & aident à la naturelle faculté du Soleil.

philosopher q̄ toy. Je suis d'avis que nous comēciōs vn peu de plus haut à traicter ce suiet. Il est certain, *Æsculape*, qu'il y a quatre planetes qui sont comme chambrières & aydent à la naturelle faculté du Soleil, laquelle de son propre cercle est infusée, departissant par grande liberté ses rayōs par tout le monde, pour la conseruation & tuition des choses qui luy appartiennent. Entre lesquelles on compte la Lune pour la premiere, qui leur fournit de matiere avec vn suc humide: en second lieu est Saturne, qui d'en haut leur dōne le moyē de pouoir retenir ledict suc: au troisiēme est Iupiter, qui échange & fait cuire ledit suc, & le transmenē en propre substance de la chose: pour le dernier il y a Mars, qui met à part & dissipe tout ce qui est inutile, & l'espanche parmi l'air qui est auteur, ou en quelque autre  
sorte,

forte, de peur que si il sciouroyent long temps, il leur portast d'omage. Quel contantement reçois tu *Æsculape*, de ce que ie vien d'alleguer?

*Æscul.* Fort grâd, *Vranie*: aussi y en a il quatre qui sont comme chambrières & seruēt à la naturelle faculté des corps humains, laquelle venant du foye, comme d'une fontaine, & passant par les veines, comme par quelques ruisselets, donne nourritures à toutes les parties du corps, se distribuant liberalement par icelles. En premier lieu est la faculté attrayante, qui a de coustume d'attirer le suc que chaque partie du corps souhaite, & qui luy est cōuenable: & pourtāt elle fournit de matière par laquelle chaque partie peut estre nourrie & alimentee. En second lieu est celle qui retient, laquelle retient ledict suc iusques à ce que l'alteratrice l'ait changé en la nature

Il y a quatre chambrières qui seruēt à la naturelle faculté des corps humains.

Les quatre chambrières qui seruēt à la naturelle faculté des corps humains.

nature de la partie. Pour la tierce est ladiſte alteratrice, (c'eſt à dire celle qui cuit la nourriture) laquelle chāge, tranſmue & cuit ce qui eſt attiré & retenu quelque peu de temps, & l'accommode à la partie qui en doit eſtre nourrie. La derniere eſt l'expulſiue, qui eſt celle qui ſepare la mauuiſe & inutile ſubſtāce d'auec la bonne, & reiette & repouſe tous les excrements de chaque partie du corps: de peur que ſi ils ſeiournoyēt longuemēt la dedans, ils ſe corrompiſſent & alteraſſent, dont s'enſuyuroyent maladies & autres accidens au corps.

<sup>3</sup>  
Les plane-  
tes (cōme  
auſſi les  
autres e-  
ſtoilles) ſe  
traident ac-  
trépēt au-  
cunement  
l'vn l'au-  
tre,

3. V R A. C'eſt fort biē diſt, *Æſcula-*  
pe; mais toute la multitude des glo-  
bes eſtoilez, ou pluſtoſt tous les régs  
des cieux, qui ſe ſouſtiennent & au-  
cunement aydent & à elles & à tou-  
tes les choſes de ce monde, par leur  
propre temperamēt, naturelles qua-  
litez

litez, mesmes par vn mutuel consentement & accord, qu'est ce qu'ils trouuerôt au corps humain qui leur soit semblable.

**A s c v l.** Ils trouuerôt les parties du corps, tant celles qui sont les principales & plus notables, que celles q'eurs sôt baillies pour cōpagnes, avec les facultez dudit corps humain, & leurs seruantes, Vranie. Et qui est-ce qui ne voye bien que pour l'amour de la cognoissance & compagnie qu'elles ont ensemble, elles s'etr'aydēt l'vne l'autre, & par vn merueilleux accord & consentement, prennent & demandent secours mutuel l'vne de l'autre, comme de frere à frere, selon l'vnion & accointance de leurs temperamens & qualitez. Qui est celuy d'entre ceux qui se sont vouez à Hipocrate mon nepueu, auteur de tous biens, qui n'a iamais dict ni escript parole

Les facultez du corps humain (comme aussi les autres choses qui en dependent) s'entraident & s'attrepēt aucune-mēt l'vne l'autre.

oyseuse, & à Galien mō nourrisson,  
 auquel n'y a aucun qu'on puisse pa-  
 ragonner, qui n'entēde bien que les  
 facultez, chartieres du corps & de la  
 vie, se font mutuel service, s'assistent  
 l'une l'autre, & s'entr'aydēt pour mi-  
 stionner les choses qui appartiēēt à  
 l'hōme? Que si tu en doutes, ie pro-  
 duiray en ceste scene la faculté natu-  
 relle pour la belle pmiere: de laq̃lle  
 tesmoignent par tout mes Asclepia-  
 des, qu'elle fournist de matiere & de  
 pasture à la vitale: cōme aussi l'ani-  
 male dōne ayde & secours à la viuifi-  
 que, lors qu'elle remeue & excite la  
 poictrine avec les paulmōs, pour les  
 alimēter & refrigerer. D'autre part,  
 deux autres assistēt à l'animale, lors  
 qu'elles luy transmettent la matie-  
 re, norriture & esprit. Par ce moyen  
 la vitale entretient l'animale, lors  
 qu'elle lui aspire par les arteres avec  
 l'ayde & support de l'animale. Ce  
 que

que nous pourrons aussi conferer avec les autres facultez qui sont seruantes de la naturelle. Car la faculté qui retient la nourriture, & ayde, à celle q attire, par le moyé de ses filaments trauersans & faicts en ród: & reciproquement celle q attire aide à ce qui retient, par ces fibres droictes. En somme, celle qui attire, est seruante de celle qui altere & transmue ou cuit la nourriture, comme aussi l'est celle qui retiét, & celle qui separe la mauuaise substance d'auec la bõne, & la reiecte: sèblablement aussi la faculté nutritiue est cõpagne de la procreatrice ou generete, qu'õ dit estre cõposée de l'alteratiõ & formation: à laquelle la nutritiue est baillee comme pour luy secourir & estre sa seruante avec l'auctrice, de laquelle l'office est de donner croissace aux parties en toutes sortes.

V R A N. Tu es vn excellent do-

4

On peut  
bien em-  
pêcher la  
Lune & Ju-  
piter, sans  
endomma-  
ger le So-  
leil.

Aten, Esculape, & sçais sur l'ongle  
toutes les appartenances du corps:  
mais écoute, si la Lune ou Jupiter  
ne font leur deuoir, ou si d'aduentu-  
re on les en empêche, comme il se  
fait ordinairement par leurs eclip-  
ses: il ne faut pas pourtant estimer  
que pour cela le Soleil soit oysif, ou  
que son cours cesse, nonobstât qu'ils  
disposent & dispensent avec luy les  
choses terriennes.

L'animale  
& naturel  
le faculté  
se peuent  
endormir,  
sans endom-  
mager la  
vitale.

Æs c v. Aussi quand la naturelle  
& animale faculté sont endormies  
ou empêchées, (lesquelles sont côm-  
me vendues au plus offrant & der-  
nier enchasseur, & expedées à Ju-  
piter & à la Lune) il ne faut pas croi-  
re que le cœur avec son esprit vital  
s'endorme, ni qu'il cesse, ou demeure  
oyisif, nonobstât qu'avec luy ils  
gouvernēt & entretiennēt le corps  
en son estat, & disposent & propor-  
tionnent ce qui dedend d'iceluy.

Que

Que si tu en doutes, mon Galien te l'enseignera, & ten resoudra bien aisement. Si l'animal (dit-il) depuis son election n'a eu les facultez de sentir ni de mouuoir, & qu'il ne soit pas nourri, c'est à dire, si ces deux facultez sont endormies en luy; à scauoit l'animale & la naturelle (comme on voit aduenir en beaucoup d'animaux dorât l'hyuer, qui se tiennent cachez) si est-ce que pourtant il ne faut pas nier qu'il n'ayent vie, parce que le cœur est demeuré sans estre offensé ou blessé. Voyla ce que dit mon Galien, vraiment admirable en tout ce qu'il dit.

**VRA.** Certainemēt, Esculape, tu fais q̄ ie t'ay en admiration & grâde reputatiō, tant tu parles doctemēt. Au reste le Soleil q̄ les anciēs Philosophes avec Alcinous Platonicien, si ie ne m'abuse, ont adoré & honoré cōme le gouuerneur de toutes cho-

Le Soleil a de soy une force & lumiere naturelle q̄ n'a pas la Lune

les basses & terriennes, & auquel ils ont donné le pouuoir d'engendrer: a de soy force & vertu qui luy est particuliere, & vne lumiere naturelle, avec vne faculté par laquelle il fait beaucoup de diuerses & différentes actions, ce que n'a pas la Lune combien qu'on la tienne pour sa sœur, & qu'on die qu'elle a esté portée avec luy au mesme ventre de Latone ton ayeule.

Les naturels instrumens du corps ont d'eux mesmes vne force & vertu naturelle: ce que n'ont pas les instrumens animaux.

Æ s c v l. Aussi les naturels instrumens des corps, qui recognoissent le Soleil comme celuy qui les esclairecit & illumine, & entretient en leur estat, ont vne force & vertu naturelle & particuliere à eux, par laquelle ils font cōmodement leurs actions: ce que n'ont pas les instrumens animaux qui sont en partie vèdus & deliurez à la Lune: non obstant que les vns & les autres soyent situez en vn corps, & qu'ils soyent

portez par vn mesme portefaix. Car i'ay appris de mō Galien, que les instruments animaux ne reçoivent ni n'admettent point le commencement qui est prochain voyfin du sentimēt, mais qu'on le leur baille d'ailleurs, comme la lumiere à la Lune.

V R A N. C'este planete, *Æscula-*  
*pe*, que ton Mercure en son iatro-  
 mathematique appelle sanguifique,  
 (c'est à dire, qui engendre le sang)  
 tandis qu'elle est en vigueur au ciel,  
 en distribuant ses rayons avec bon-  
 ne proportion, & par sa chaleur sa-  
 lulaire, donne abondance de biens,  
 renouvelle & fait viure avec l'aide  
 du Soleil toutes choses qui sont çà  
 bas. Et pour ceste cause les Grecs  
 d'un mot qui signifie vie, l'ont nom-  
 mé Zeus, & les Latins Iupiter, com-  
 me si ils eussent dict, iuuans pater,  
 c'est à dire, pere aydant. Mais quand  
 ses forces luy faillent, elle procedo

6  
 La nature  
 de Iupiter  
 qui est au  
 ciel fait be-  
 aucoup de  
 biens aux  
 choses de  
 la terre.

*Zeus, Iupiter  
 id est  
 iuuans pater*

plus lentement & plus laschement  
à la besongne.

Æ s c v. Tu es bien fine, Vranie,  
tu me charges le dos de beaucoup  
de choses pour me faire tumber sous  
le fardeau: si est-ce q̄ ie me redresse,  
& tout ainsi q̄ fait la pâlme, tât plus  
que ie me sens chargé, tât plus gay  
deuien ie, & plus deliberé. Et pour-  
tanti'allegue contre tout ce que tu  
as proposé la force naturelle, & la  
faculté laquelle par le moyen des  
vaines du foye change & transmue  
en substance de sang le chyle attiré  
de l'estomach: laquelle tandis qu'el-  
le est en vigueur au corps, en distri-  
buant avec bonne proportion le  
sang, & la chaleur salutaire, alimen-  
te & nourrit & soutient toutes les  
parties dudit corps: mais quand ses  
forces luy faillent, elle devient foible  
& imbecile, ou elle se blesse & of-  
fense, ou bien le sang mesmes, (du-  
quel

La faculté  
naturelle  
qui est en  
l'homme  
fait beau-  
coup de  
biens aux  
choses cor-  
porelles.

quel ladiète faculté est officine ou boutique) s'estpand en plus grande abondance qu'il n'est besoin, dont s'ensuyuent maladies & autres accidents au corps, & quand elle cesse en vn instant, elle besongne tout au contraire, voire mesmes menace de mort. Et qu'ainsi soit, ceux qui par grands & ondoyants flux de sang, mettent hors (comme dit le poëte) l'ame avec le sang, en telmoingnēt suffisamment à leur grand mal & dommage (si toutesfois il y a mal en la mort.)

**V R A.** Je tasche par beaucoup de moyens à te surprendre, *Æsculape*, mais ie ne puis tant faire que de te vaincre. Or sus, quant tu ois, ou plustost, quād tu vois que les sept planetes sont separees & desassemblees quant a leurs sieges, mouuement, actions & qualités, & que toutesfois par vn commun accord & consen-

7

Les planetes s'accordent merueilleusement bien es naures & lieux discordants, pour missioner la communauté des choses q. sont çà bas.

tement, & par la conduicte de l'ines-  
 fable inspiration de la maiesté du  
 Soleil, elles s'accouplent & allient  
 ensemble, & se correspondent mu-  
 tuellement avec telle concorde qu'el-  
 les ne destournent iamais du moyen  
 qu'elles doyuent tenir pour con-  
 server & maintenir en estat la chai-  
 ne faite en rond (comme parloit So-  
 crates) dans laquelle sont contenues  
 & comprises toutes les choses de ce  
 monde, pour compasser & propor-  
 tionner tout ce qui est çà bas. Qu'est  
 ce que tu pourras trouver en tout le  
 meynage du corps; qui est si grand,  
 pour représenter à ce que ie viens  
 de compter?

Les fa-  
 cultez du  
 corps hu-  
 main s'ac-  
 cordent  
 merveil-  
 leusement  
 bien es na-

Æ s c v. Trois principales facul-  
 tez qui gouvernent & entretiennét  
 le corps humain en son estat, (moyé  
 nant l'esprit & chaleur naturelle)  
 Vranie, avec les compaignes & ser-  
 vantes de la naturelle, qui sont en  
 nombre

nombre de quatre, lesquelles avec les susdictes font le nombre de sept, autant qu'il y a de planetes comme il a esté dict cy dessus. Car il n'y a Philosophe, ni mesmes medecin aucun qui vueille nier qu'en vne parfaite creature ayât ame, elles soyent separees & desassemblees quand à leur substance, mouuement, actions instruments, siege & qualitez: & que toutesfois par vn mutuel accord & cōsentement, & par la conduicte de l'esprit & chaleur naturelle, elles ne preseruent & maintiennent en estre l'harmonie du corps humain iusques au dernier soupir de la vie, & qu'elles ne soyent si songneuses & vigilantes à entretenir & proportionner les choses qui dependēt du dict corps qu'on n'y sçauroit trouuer chose aucune à redire, ni souhaiter mieux.

tures & lieux discordans, pour missionner la communauté des choses corporelles.

VRAN. Tu entens bien, Esculape,

8

Chaque  
planetedu  
ciel estou  
siours ac-  
compagnee  
de trois  
choses qui  
n'en peu-  
uent estre  
separees.

pe, qu'en chaque planete des cieux,  
le mouvement, rayons, & ce qui en  
procede sont si estroictement ioints  
& alliez ensemble pour preseruer  
& entretenir en son estac toute l'in-  
nombrable multitude des choses de  
ce monde, qu'ilz ne peuuent iamais  
estre desioints ni desassemblez, que  
par la fin & ruine du monde, en la-  
quelle toutes choses seront destrui-  
tes & abolies.

Chaque in-  
strument  
du corps  
humain est  
toujours  
accompa-  
gné de 3.  
choses qui  
n'en peu-  
uent estre  
separees.

Æ s c v. Aussi dois tu bien enten-  
dre, Vranie, ou pour le moins sauoir  
qu'en chaque instrumēt du corps de  
l'homme, l'esprit, chaleur naturelle,  
& humidité naturelle (que les aucuns  
ont appellee humeur radicale & pre-  
miere, & les autres rosee naturelle,  
ou humidité roale) qui est le fonde-  
mēt & premiere substāce de l'vn &  
l'autre, sont si estroictemēt ioints &  
alliez ensemble, & s'accordēt telle-  
ment en la defense, tutelle & gou-  
uerne

Esprit la  
chaleur nat-  
urelle et  
l'humidite  
radicale

uernement de l'œconome des choses corporelles, qu'ilz ne peuvent jamais estre desquints ni desassembledz, que par la mort & destruction de tout le corps. Car la compagnie, alliance, & harmonie d'iceux est si grande, & s'accordent si bien entr'eux, & s'entretiennent de telle sorte qu'ilz s'entr'aident tousiours l'un l'autre, & l'un ne peut rien faire sans l'aide de l'autre, comme il faut qu'il se face necessairement au ciel & aux estoilles.

V R A N. Tu parles divinement, & responds doctement, Escu'ape: mais j'ay appris de ceux qui ont eu fort grande cognoissance des predictions mathematiques, que toutesfois & quantes que par le moyen de Mars & Saturne, planetes (côme dit Ptolemee) malicieuses, le soleil & la lune s'entrechoquent, ioignant ensemble leurs rayons & face, qui

9  
Mars & Saturne peuvent bien troubler & corrompre l'harmonie du Soleil & de la Lune.

le plus souuent porte malheur, ou que par quelques grandes eclipses ilz s'accouplent & cōioignent avec eux, denotants quelque malencontre, ilz deuinent & coniecturent de telle conionction plusieurs maux & accidents dommageables tāt aux biens de la terre que mesmes aux corps.

Vne humeur cholerique & melancholique, peuuet troubler & corrompre l'harmonie de la vitale & naturelle faculté.

Æ s c v l. l'ay pareillement appris de mon pere Apollo, qui a esté fort expert en medecine, Vranie, que toutesfois & quantes que la vitale & naturelle faculté (lesquelles se portent à l'endroit du corps comme font au monde le soleil & la lune) par le moyen de l'humeur cholerique (ou bile faulue) & suc melancholique, humeurs dangereuses & malicieuses, s'entrebattēt, s'entreheurtent, & se corrompent & putrefient avec le sang, ou en quelque autre sorte que ce soit s'apesantissent & s'em

s'empeschent l'une l'autre : comme par le moyen de quelques fleurs (lesquelles possible se portēt à l'endroit dudit corps, comme font les eclipses au ciel) elles promettent & menacent tant les esprits que les corps de beaucoup de maux & accidens pernicioeux. Ce que tu dois penser estre autant vray comme il est certain que le soleil & la lune sont la source & origine desdictes facultez, à sçauoir de la vitale & naturelle. En foy & tesmoignage de ce, ie te reciteray maintenant les paroles de ce grād & nompareil maistre & enseigneur des choses cœlestes, Cl. Ptolemee, Le soleil est la source & origine de la vitale faculté, & la lune, de la naturelle.

Faisant fin au present

discours.

*Dialo*

ne  
eil.  
lumi  
& es-  
grā

*Dialogue sixiesme, De la compa-  
raison & conuenance de la cha-  
leur naturelle du soleil avec  
la chaleur naturelle  
des corps hu-  
mans.*

V R A N I E.

C'Est maintenant que j'apper-  
çois ce qu'on dit communement  
estre vray, que les filz des dieux sca-  
uent toutes choses. l'ay ouy par le  
dernier discours, comme aussi par  
les precedents, non seulement fort  
attentifvement, mais aussi avec vne  
grande affection & contentement  
d'esprit, les comparaisons & conue-  
nances des choses d'une partie du  
ciel que ie t'ay proposees, avec cel-  
les qui sont au corps humain: ie de-  
siretois bien d'ouir aussi attentifue-  
ment par cy apres les autres. Et  
pour ce faire, au nom de Hyppoly-  
te, qui à l'occasion des imprecations  
& mau-

& maudissons de son pere, fut mis  
 & deschiré en pieces par les che-  
 uaux, & depuis pour l'amour des  
 prieres de Diane ta tante, par toy  
 resuscité:& au nom d'Androgee filz  
 de Minos, qui fut massacré par les  
 Athemiens, & depuis pareillement  
 par toy remis en vie, ie te prie & re-  
 quiers tresinstamment que quād ie  
 t'en interrogueray & teles propose-  
 ray, tu ne me laisses point au be-  
 soing. Il est bien certain, Esculape,  
 que non seulement la lueur, mais  
 aussi la lumiere & resplandisseur  
 vient & procede du soleil, avec la  
 chaleur duquel est nee aussi la lu-  
 miere:lequel esclaireissant les corps  
 visibles, ne les fait pas seulement re-  
 splandir, mais les remplit aussi de  
 lumiere, & qui plus est, les dispose  
 selon leurs qualitez, & espend ses  
 rayons sur eux.

I  
 Des rayons  
 du Soleil,  
 qui sont  
 toujours  
 chauds, vi-  
 ent & de-  
 pend vne  
 merueil-  
 leuse lumi-  
 ere, & es-  
 prit de grā  
 de effica-  
 ce.

Escv l. Aussi est il bié certain,

De sang,  
lequel est  
touſiours  
chaud, &  
de la cha-  
leur natu-  
relle vient  
de de pend  
vn eſprit  
de grande  
eſſicace.

Vranie, que du ſang & chaleur na-  
tuelle decoule non ſeulement vn  
eſprit plein de clairté, mais qu'avec  
luy y a vne cachee lumiere celeſte,  
laquelle eſclairant toutes les parties  
du corps, les diſpoſe ſelō leurs qua-  
litez, leur donne vertu & force? &  
les fait aucunement participans de  
ſa clarté, comme fait le ſoleil quand  
il eſpand & fait luyre ſes rayons ſur  
vn corps qu'il rencontre deuāt ſoy.

2  
La chaleur  
du ſoleil  
ſans mou-  
uemēt ne  
ſert de que  
res aux  
choſes ter-  
reſſes.

V R A N. Autāt que tu diſ de pa-  
roles, Eſculape, autant me donnes  
tu d'occafion de t'admirer. Voyci, ie  
t'allegue derechef la tiedeur, ou ſi  
tu aimes mieux, la chaleur du ſoleil,  
qui eſt vn instrument de la nature  
des choſes baſſes & terriennes, en-  
tierement diuin, & alimente & en-  
tretien fort ſalutairement toutes  
choſes en leur eſtat. Iceluy ne peut  
distribuer & eſpandre ſa vertu par  
toutes & chacunes les parties de la

terre sans se mouuoir, comme si il estoit monté sur vn chariot. Qu'est ce que tu me donneras au corps humain qui luy ressemble?

Æ s c v l. La chaleur naturelle, Vranie, qui est la conseruation & tutelle de tout ce qui est au corps, & la plus belle portion qui soit entre toutes les autres, pource qu'elle est celeste & ætheree. Il est bien certain qu'elle ne peut s'espandre par toutes les parties du domicile humain, ni s'espancher ça & la en vn moment sans quelque voyturier ou cocher: lequel les anciens ont nommé esprit, & les poëtes, vêt celeste, les autres petite flamme celeste, les autres, rayon de l'origine diuine, & du mouuement qui iamais ne se lasse: lequel fait participant de sa force tout le corps (comme le soleil fait tout le monde) à fin que chaque partie d'iceluy puisse proprement faire

La chaleur naturelle sans mouuement d'esprit, ne sert de que res aux choses corporelles.

ses actions. Sa substance, tout ainsi  
 qu'elle est fort tenue & delice, pure,  
 claire, liquide, ætheree, & fort sem-  
 blable à vn astre, & pour dire en vn  
 mot, du tout celeste : aussi ne peut  
 elle aucunement estre separee de sa  
 chaleur, telle & si grande est l'al-  
 liance de l'vn à l'autre. Lesquelles  
 deux choses si estroittement con-  
 ioinctes, & liees ensemble d'un  
 nœud plus serré que n'estoit celuy  
 de Gordius, Roy de Phrygie, les  
 Academiciens, qui ont vescu depuis  
 mon Hippocrate, & Galien avec  
 eux, n'ont fait aucune doubte de les  
 appeler tantost feu, tantost chaleur,  
 & inspiration diuine. Les Peripate-  
 ticiens les ont quelques fois nom-  
 mees qualités chaude, quelques fois  
 chaleur naturelle, quelques fois lien  
 de l'ame & du corps, & quelques  
 fois, apres mon Hippocrate, esprit:  
 induits à ce possible d'autant que  
 n'y

n'y ayant œil qui le puisse voir, ni sentiment qui le puisse sentir, ilz ont eu opinion qu'il inspire secretemēt dedans toute la cōposition du theatre humain, & se pourmēne par dedans luy, & y entre comme en soufflant de tous costez. Avec lesquels s'accordent les Stoiciens, sinon en ce qu'ilz ont fausement cuidé que c'estoit vne substance tant de nature comme de l'ame.

V R A. O les belles parolles, biē dictes & sententieuses! ô le grād mystere! ô le grād Dieu, amateur de sapience! lequel cōioint si propremēt, & allie si songneusemēt les mathematiques avec la medecine & philosophie. Mais di moy, ie te prie, de par ceste tienne barbe doree, *Æsculape, q̄ veut dire q̄ tandis que la tie-  
deur naturelle du soleil, & son esprit  
chaleureux entretient la terre, &  
qu'il la visité de plus pres, & q̄ par sa*

3  
La chaleur du Soleil avec son esprit entretient la terre, & luy donne force.

forte & vigoureuse inspiration il la  
salue, elle produit ses fruits en cha-  
que saison, & tout ce qui est sur elle,  
ayant receu pour son aduancement  
ladiete chaleur, est nourri, prend  
accroissement, & engendre d'autres  
semblables à soy: mais quand ceste  
chaleur vitale se retire, & inspire  
plus laschement (parce qu'elle vient  
de plus loin) tout se flétrit & s'en-  
uieillit? Di moy, di-ie, Esculape, que  
veut dire cela? ou qu'est ce qu'il y a  
de semblable au corps humain?

La cha-  
leur natu-  
relle avec  
son esprit  
entretient  
le corps, &  
luy donne  
force.

Æ s c v l. La chaleur naturelle  
avec son esprit, Vranie, que mon  
Galien n'a pas tant nommé comme  
il l'a estimé estre quelques fois ie ne  
sçay quoy de diuin, quelques fois le  
plus fidele & loyal gardiẽ & tuteur  
de nostre vie que nous puissions  
auoir, & ouurier de toutes actions  
naturelles: quelques fois aussi vne  
ame, ou principal & plus noble in-  
stru

Arument de la vie, & comme fourceon du feu celeste. Aristote a eu opinion que ce fust quelque chose correspondant à l'elemēt des estoilles, sur quoy le Soleil presidaſt. Tandis qu'elle maintiēt ſon harmonie, & qu'elle reluit, cōme eſtāt la lāpe de vie, à toutes les parties du corps, ſoit qu'elles ſoyēt ſimples, ou compoſees, ou, ſi tu aymes mieux, ſimilaires, ou instrumentaires: elle leur dōne plein pouuoir & entier moyē, de ſ'acquitter de leur charge, & permet à tout ce qui eſt au corps de viure, receuoir nourriture, maſcher & aualler la viande, croiſtre, egendrer, auoir ſentiment, ſe mouuoir, & venir à bout (moyennant l'eſprit, qui eſt leur voicturier ou cocher) de tout ce qu'elles voudront. Mais quand elle ſe monſtre chiche à leur endroiēt, & ne les entretient, que bien eſcharcement, & qu'elle deuieēt

foible & imbecille, & qu'elle, espād  
 & distribue plus laschemēt ses rayōs  
 viuifiques, elle laisse l'homme en-  
 tier, quelque grand qu'il soit, defail-  
 li, languissant, & comme en chartre,  
 sec & etique. Que si elle sort hors  
 du corps à l'occasion de quelques  
 grandes vacuations, comme par vn  
 trop excessif flux de sang, tel qui ad-  
 uient es hemorroides, qu'on ne peut  
 estācher, ou par quelq̄ autre moyen,  
 elle rue ius & renuerse tout le corps  
 (fut-il de mesme quantité que celuy  
 de Miló, ou de Ciclopes) aussi ayse-  
 ment qu'un Elephant renuerseroit  
 vne Mouche, comme on dit com-  
 munement : & ne luy sert de rien la  
 durté des os, ni la liaison des ten-  
 dons (qu'on appelle vulgairement  
 cordes) ni les neuds des ligamens,  
 qui lient les os aux neuds & ioin-  
 ctures du corps, ni la chair (ou poul-  
 pe) des muscles. Toutes lesquelles  
 cho

choses ceste naturelle & vitale chaleur, avec son esprit, soustient alimente & entretient. En quoy, Vranie, qui est ce qui puisse suffisamment admirer la prouidence de Dieu?

V R A N. Veritablemēt entre peu de dieux tu es celuy qui as le mieux contemplé la beauté des choses constituées & composées par la diuine prouidence au corps humain. Mais escoute, la seule chaleur du Soleil, entre toutes les planetes maintient & contregarde sur toutes choses l'harmonie & concordance du ciel & de la terre: & entretient fort bien l'alliance qu'ils ont cōtracté ensemble depuis la fondation du monde.

Æ s c. De mesme façon, Vranie, la chaleur naturelle maintient & contregarde l'harmonie de toutes les facultez & organes du corps de l'homme, & meismes l'alliance ou mariage de l'ame avec le corps, &

4  
La chaleur du Soleil avec son esprit, maintient & conferme l'alliance qu'a le ciel avec la terre.

La chaleur naturelle avec son esprit maintient & conferme l'alliance de l'ame & du corps.

assemble & accouple l'un à l'autre avec vn lien qui leur est fort agreable, iusques à ce qu'il plaira à Dieu tout bon & tout puissant de les deslier & desassembler.

Les vapeurs esleuees en l'air par la force du Soleil espendēt en bas l'humidité.

Les vapeurs sont enuoyees au cerueau par la force de la chaleur naturelle, lesquelles espendent en bas des humidités & catarrhes.

V R A N. Tu n'es pas sans sçauoir, Esculape, que le soleil par sa force attire & esleue en haut les vapeurs des lieux humide de la terre : lesquelles puis apres espesties à cause de la froidure du lieu, s'entassent & forment en nuee ou brouee, laquelle finalement se dissoluant, degoutte la pluye ça bas au lōg & au large.

Æ S C V L. Aussi n'es tu pas sans sçauoir, Vranie, que par la vertu de la chaleur naturelle, laquelle (comme i'ay dict mille fois) recognoist le soleil pour son garant, les vapeurs des humides parties du corps, & mesmes de la viande & bruuage qu'on luy donne, du foye, ventricule, venes, & autres vaisseaux & endroits

droits dudit corps, sont en-  
uoyees en haut au cerueau: lesquel-  
les puis apres espessies à cause de la  
froidure du lieu, se conuertissent en  
phlegmes, comme en eau de pluie,  
lesquelles s'espandent apres, & se  
transportent en bas es parties qui  
sont au dessous.

V R A N. C'est tresbié dict, mais  
le soleil par le moyen de sa legeret-  
té, tenuité, rarité, resplendisseur,  
mouuement, rayons & lumiere en-  
tre dans toutes les parties de la terre  
& de l'eau, tant petites soyent elies,  
ou grandes, profondes, superficiel-  
les, creuses ou massifues: & les fait  
mouuoir, les dispose, exerce & de-  
mene diuersement, selon la nature  
& la leur.

Æ s c v l. Semblablement ceste  
celeste & naturelle chaleur des  
corps, par la legereté, tenuité, rarité  
& mouuement, entre aisement dās  
toutes

6

Le Soleil  
passe & en-  
tre dans  
toutes les  
parties de  
la terre,  
soit qu'el-  
les soyent  
creuses ou  
massifues,  
&c.

La cha-  
leur natu-  
relle passe  
& entre  
dās toutes  
les parties  
du corps.

toutes les parties du corps , tant petites soyent elles , ou grandes , profondes , superficielles , creuses ou massives : & les dispose , fait mouvoir & demener diuersement , selon sa nature & la leur.

7  
La chaleur du soleil en peu de iours fait beaucoup de besogne aux choses de la terre.

V R A N. Ie ne te tiendray pas long propos , *Æsculape* , La chaleur du soleil en peu de iours , ou plustost en peu d'heures fait ce que l'action & faculté d'un autre feu , quelque grand qu'il fust , ou d'une autre chose , ne scauroit , ie ne diray pas faire , mais commencer seulement en beaucoup d'annees. Car d'une bien petite semence elle fait sortir lignee abondante : puis en produit la fleur , en apres cuit & assaisonne le fruit d'icelle , auquel est la semence mesme , qui est nee & mise en nature à fin de produire vne autre lignee de la sorte mesme , à fin que la communauté des choses ne perisse : qui ne se  
fai&

fai& pas sans vn diuin benefice de Dieu tout bon & tout puissant, lequel il faut bien recognoistre.

**Æscvl.** Quasi de mesmes la chaleur naturelle des corps humains, avec son esprit, semence vraiment celeste & diuine, fait en peu d'heure ce que toute l'operatiō d'un grand feu, ou autre chose, ne pourroit faire de long tēps, ou plustost, iamais. Car de pain, chair, poissons, herbages, eau, vin (à fin que ie ne parle point des autres) elle fait le chyle, puis le transforme en substance de sang: par le moyen duquel la perte qu'on en pourroit faire à toutes heures se repare & recouure: finalement de la procede le sperme (c'est à dire, semence genitale par la conionction naturelle) moyennant l'aide de tout le corps: lequel sperme dōne pouuoir & moyen à l'homme d'engendrer son semblable, à fin  
que

La chaleur naturelle des corps en peu d'heures fait beaucoup de besongne au choses du corps.

# HARMONIE DES CORPS

que le monde ne defaille, qui ne se fait pas sans vn inenarrable miracle de Dieu tout puissant.

8

Là où on a faute de la chaleur du Soleil, toutes choses languissent & n'ont point de force.

V R A N. O la belle & docte response d'un medecin incomparable & nompareil ! mais vien ça, di moy *Æsculape* : il est bien certain qu'en ces lieux esquelz la chaleur du soleil est en lagueur & defaillance de force, on a faute de beaucoup de choses: ou plustost que tout lagueit, tout va par terre, & se flestrit.

Là où on a faute de chaleur naturelle, toute chose languissent, & n'ont point de force.

*Æs c v l.* Aussi es corps esquelz la chaleur naturelle languit & perd sa force, ou est foible, il est notoire que toutes facultez & actions, soit qu'elles soyent interieures ou exterieures, languissent & defaillent de forces: ou plustost que tout le corps deuient en chartre, sec & etique.

9

Le Soleil passât par les quatre

V R A N. Il n'y a celuy, mesmes d'entre le menu peuple, qui ne sache fort bien que quâd le soleil sort hors

hors du tropique de la Cheure, & qu'il môte au solstice de l'esté, côme par quelques degrez & aages, par l'equinocce du printemps, tout ce qui est sur terre en reçoit force & vigueur, car à lors les plâtes bouriö-  
 nent & iettent surgeons, les racines germēt, les herbes & arbres fleurif-  
 sent, & portent fruiçts pour l'vsage des hōmes: toutes sortes aussi de be-  
 stes sortēt hors, se iouent ensemble, s'alignent, saillent, ou courēt l'vne l'autre. En somme, plusieurs & diuer-  
 ses sortes de choses sortent hors de terre & se manifestent à lors, selon le  
 moyen & nature de chacune. Mais quand ledict Soleil descend de là, c'est à dire, du solstice d'esté par l'e-  
 quinocce d'automne pour venir au-  
 dict tropique d'hyuer, il n'y a celuy  
 qui ne sçache bien que toutes choses  
 changent de forme & d'estat. Car  
 en ce temps la tout le visage de la  
 terre

regiōs du  
 Zodiaque  
 dispose &  
 chāge les  
 choses de  
 la terre en  
 diuerſes  
 sortes.

terre vniuerselle prend vne couleur & habit du tout contraire au precedent: dont toutes ses actions commencent à languir & perdre leurs forces: les beautés & bonnes graces des plantes flaistrissent, leurs fucilles tombent, leurs rameaux se despouillent, leurs escorces se ridēt & reffrongnent: les forces de la terre defaillent, les petits oyseaux gemissent, les animaux cherchent leurs tanieres & cachettes, & n'ont plus d'enuie de s'aliguer, ni saillir, ou se courir l'vne l'autre, la saison les cōtraignāt de se reposer & muser. En somme, tout le visage de la terre a la mine d'estre triste & desolé, comme si elle s'en alloit mourant.

La chaleur naturelle s'auāçant par les quatre aages de la vie, dispose & change les choses corporelles en diuerses sortes.

Æ s c v l. Semblablement quād la chaleur naturelle des corps humains mōte de l'enfance, cōme par quelques degrez, & passe par l'adolescence pour venir à ieunesse, & rādis

dis qu'elle s'enforcit, toutes les parties du corps en reçoivent force & vertu. Car alors les facultez, & celles qui leur sont données pour compagnes & seruanes, sont gayeres, fortes & puissantes. Dont les poils du corps croissent & multiplient, les iouës commencent à auoir barbe, les hommes sont en saison de s'auancer es estudes, & produisent fruiçts pour le bien & prouffit du public, se marient & taschèt d'auoir lignee, s'entreiouiēt, sauiēt, & pour dire en vn mot, font plusieurs actiōs tant en l'esprit qu'au corps, selon le moyen & nature de chaque faculté. Mais quand elle s'escoule, & passant par vieillesse, vient en cest aage decrepit auquel on ne peut plus travailler, il n'y a celuy qui n'apperçoie bien que tout ce qui est en l'homme ne prenne vn autre train que le precedent. Car tout le visage

du corps prend vne mine & habit du tout contraire au passé. Dôt toutes les actions & facultez du corps humain, avec celles qui leur sont donnees pour compagnes & seruantes, commencent à defaillir, & perdre leurs forces : les forces de la naturelle, vitale, & animale faculté commencent à choir, la beauté & bõne grace se perd, les poils cheent, & deuiennent blancs, le tez (ou cabasset) deuiet nud & chaulue, la peau se ride & refrongne, d'ou procedent pleurs & gemissemens, les hommes ne cherchent qu'à se cacher & estre seuls, ne sont plus idoines à manier les affaires du public, ne se soucient plus de iouer, ni d'auoir compagnie aux femmes, & se seruans de leurs biës acquis, viuent en oyliueté. En sôme, ils font vne mine de gës tristes & desolez, cõme ceux qui ont ia vn pied dans leur fosse.

**V R A N.** La meſme chaleur du ſoleil, *Æſculape*, avec ſon eſprit, ne deſtille ni ne donne pas à toutes les parties de la terre (qui ſont confuſes & meſlees d'une matiere de pluſieurs ſortes & façons, d'ot elles ſont compoſees) tout ce qu'elles voudroyent bien, mais ce qui leur eſt expedient: aux ynes du vin, aux autres du bled, des pommes, noix, odeurs, & ainſi conſequemment.

IO  
La cha-  
leur du ſo-  
leil enuo-  
ye aux  
biés de la  
terre ce q  
leur eſt ex-  
pedient.

**Æſc v l.** Pareillement la cha- leur naturelle des corps, avec ſon eſprit, duquel (comme j'ay dict) elle eſt perpetuellement accompagnee, n'eſlargit ni ne donne pas aux parties du domicile humain (qui ſont confuſes & meſlees d'une matiere de pluſieurs ſortes & façons dont elles ſont compoſees) tout ce qu'elles voudroyent bien, mais ſeulement ce qui leur eſt neceſſaire & expediet: à ſçavoir au vetricule le moyen

La cha-  
leur natu-  
relle d'one  
au choſes  
du corps  
humaince  
q leur eſt  
expediét.

## HARMONIE DES CORPS

de cuire & labourer la viande, au foye de changer & transmuier en substance de sang le chyle attiré de l'estomach, & ainsi conséquemmēt.

II

la chaleur  
du Soleil  
entretient  
& nourrit  
toutes  
choses.

**V R A N.** Je croy maintenant que tu ne diras pas que tu ayes eu affaire avec vne rustique & villageoyse, mais avec vne bien fort versée en astronomie & philosophie. Or sus donques: ladicte chaleur avec son esprit s'escoulant & glissant par certain canaux & tuyaux dans ceste grâde multitude des choses qui sont en ce bas monde, tant dedans la terre que dehors, attrempe & mistionne, enforcit & entretient la dedans toutes choses par vne voye que le sens ne peut apperceuoir. Que luy trouueras tu de semblable au corps de l'homme?

la chaleur  
naturelle  
entretient  
& nourrit  
toutes cho-  
ses choses

**Æ S C V L.** Ladicte chaleur naturelle, moyennant l'esprit, Vranie. Car s'estant infusée par certains cō-  
duicts

duictz de venes & arteres (tu dirois que ce sont canaux) dans vne infinité de parties & parcelles qui sont au corps, tant en dedás que dehors, par vne voye qui trompe & abuse tous ceux qui l'espient, attrempe & mistionne, entretiét & nourrit tout ce qui y est.

**V R A.** Les regions & contrees, 12  
**Æsculape**, qui sont bien eslongnees Les parties du m<sup>o</sup> de q. sont du cours du soleil, ou bien, si tu aimes mieux, du porte signes (ou Zodiaque) comme sont les extremittez de la chaleur du soleil, ont bié peu de chaleur.  
 des quartiers de Septentrion & de Midi, reçouyét moins de la chaleur celeste du soleil, & de son esprit viuisant, que celles qui luy sont plus prochaines.

**Æ s c v l.** Aussi les parties du corps, Vranie, qui sont bien eslongnees de la force de la chaleur naturelle avec son esprit triomphe) comme sont les extremittez, n'ot gueres de chaleur.

tez de la teste, des bras & pieds, ont moins de chaleur que celles qui luy sont voisines, ou n'en sont gueres loing.

13

La chaleur du soleil n'est pas pareil le ni également ardente par tout,

**V R A N.** Je remueray encores quelques pierres, à fin que ie te taille de la besongne. La chaleur du soleil avec son esprit n'est pas également aspre & ardente en tous les quartiers du monde: & pourtāt il ne fait pas de mesmes besongnes par tout. Car il besongne & traueille autrement es quartiers Orientaux qu'es Occidentaux, autrement en ceux de Midi que de Septentrion: & pourtant les choses, les hommes & animaux de chasque quartier sont diuers & differents en forme & nature.

La chaleur naturelle n'est pas p tout le corps également ardente.

**Æ s c.** Tu fais bien tout ce que tu peux, Vtanie, mais tu ne gagnes rié. l'allegue contre ce que tu viens de proposer ladiète chaleur naturelle

avec

avec son esprit, car elle n'est pas également aspre & ardente en tous les corps des hommes, & parties d'iceux: & pourtant elle ne fait pas de mesmes besongnes par tout. Car elle besongne autrement au corps de l'homme que de la femme, autrement au corps d'un ieune homme, que d'un aagé: & pourtant les actions & mouuements de chaque corps & parties d'iceluy sont diuers & differents.

**V R A N.** La chaleur du soleil en certaines saisons de l'annee est si ardente & intolerable qu'elle ne peruertit pas seulement les actions de la terre, mais les parties aussi des choses qui sont en elle tant solides qu'humides, & met en perdition la meilleure partie des biens qu'elle a produicts.

14

La chaleur du soleil est aucunes fois bruslante & intolerable.

**Æ S C V L.** Aussi la chaleur naturelle des corps humains est quel-

la chaleur naturelle est aucu-

des fois  
bruslante  
& intolera-  
ble.

ques fois si aspre & ardente, & s'en-  
flamme & bouillonne de telle façõ  
que non seulement elle corrompt  
& peruertit les aétions & facultez  
du corps, mais auffi renuerse, espuise  
& met en perdition les parties es-  
quelles est contenu l'esprit, & les  
solides non moins que les humides.  
Ce qui se verifie indubitabement  
par les fiebures chaudes, & par les  
hectiques, lesquelles leur succedent  
bien souuent.

15

Les aétions  
& ouura-  
ges de la  
chaleur  
du Soleil,  
sont diuer-  
ses & diffé-  
rentes.

V. R. A. N. C'est tresbien & docte-  
mēt dict, *Æsculape*: mais cependāt,  
la chaleur du soleil en certains en-  
droits fait que les hõmes sont blācs,  
en d'autres, bruns & noirs: en quel-  
ques lieux, rougeastres, roux, &c. se-  
lon ce qu'il croist ou décroist.

Les aétions  
& ouura-  
ges de la  
chaleur  
naturelle  
sont diuer-  
ses & diffé-  
rentes.

*Æ s c v l.* Semblablement la  
chaleur naturelle du soleil, *Vranie*,  
en quelques corps fait que aucunes  
parties sont blanches, les autres bru-

nes & noires, les autres rougeastres, &c. selon son abondance ou default, selon ce qu'elle croist ou décroist. Combien que ie sache bien que mes medecins accommodent fort proprement ceste diuersité à vne trop grande & superflue abondance d'humours qui sont cachees sous la peau.

V R A N. Ie trouue bon & loue ce que tu dis, Æsculape : mais que veut dire que ladiete chaleur du soleil, selon qu'elle est forte ou foible, fait que quelques lieux sont fertiles, les autres steriles, les autres puants & mal plaisants, les autres sentants & rendants bonne odeur, bien plaisants à la veüe & recreatifs?

16  
L'efficace & operation de la chaleur du Soleil est de diuerses sortes.

Æ S C V L. Et que veū dire, Vranir, que ceste diuine cœleste chaleur naturelle des corps humains, selon qu'elle est forte ou foible, fait qu'entre les corps les vns sont gais, & suail-

L'efficace & operation de la chaleur naturelle est de diuerses sortes.

lez & feconds, les autres n'ont aucune force naturelle, & sont steriles: les vns sont pourris, mal plaisants & puants, s'il y a peu de ladicte chaleur, & qu'elle defaille de force, & ne puisse aucunement cuire ni labourer la viande: outreplus les vns sentent & rendent bõne odeur, sont plaisants à la veuë & recreatifs, si elle cuit & digere bien commodemēt la viande, ne laisse aucune cruditez, & chäge & transmue en substance de bon sang le chyle attiré de l'estomach?

17

la force de  
la chaleur  
du Soleil  
est mer-  
ueilleuse,  
& penetre  
iusques  
aux plus  
profondes  
cauités de  
la terre &  
de l'eau.

V R A N. Je croy qu'il soit ainsi, *Æsculape*. Au reste, ladicte chaleur du soleil, ou bien, si tu veux, la tie-deur, que les *Academiens* ont dict estre vne grande pepiniere de nature, laquelle n'est pas vn corps, ains plustost vne celeste qualité, par le moyen de la tenuité de son essence, se glisse & se fourre iusques aux plus creuses

creuses & profondes cautez de la terre & de l'eau, passant par les elements qui sont au dessus, par vne voye que nul ne peut appercevoir: & fait par tout sentir les forces.

**Æscv l.** La chaleur naturelle des corps humains, Vranie, laquelle avec son esprit n'est pas vn corps, mais bien vn sourgeon ou bourion de ceste tienne tiedeur du Soleil, se glisse & fourre, espend & fait sentir ses forces iusques à la mouelle des os, & iusques au plus profondes cachettes des parties du corps, comme i'ay dict cy dessus.

La force de la chaleur naturelle avec son esprit penetre iusques au dedans de la chair & des os,

**VRAN.** Ladiôte chaleur du Soleil (à fin que ie ne m'esgare point de luy) est tousiours accôpagnée de lueur & resplendisseur, si d'aduétude on ne l'empesche: nous esclairant & entretenant depuis qu'il est leué, iusques à ce que luy mesme retire ses rayons, & s'enfuyât de nous, cōure

18

La chaleur & resplendisseur du soleil par sa presence aliméte & attrempé la terre,

la

la terre de tenebres, contraires à lumiere.

La chaleur naturelle avec son esprit par sa presence alimente & attrempé le corps.

**Æ s c v l.** Si tu n'estois celeste, Vranie, ie m'esbahirois si on peut trouuer en vne femme tant de doctrine & aduancement en philosophie. Or bien : la chaleur naturelle, qui est tousiours accompagnée de l'esprit & quelque resplendeur, accomplit es corps humains tout ce que tu viens d'alleguer touchant le Soleil. Car elle l s entretient en vie depuis qu'ils sont nais & mis au monde, iusques à ce que sa resplendeur, rayon, presence, action, & inspiration s'esuanouisse de là, & que s'en retournant vers sa famille, elle enuoye les tenebres de mort; de sorte que ladiete chaleur avec son esprit est aucunement la lumiere & vie du corps, comme le Soleil est celle du monde.

**V R A.** Il me reste encores quelque

que peu de choses que ie te veux proposer, *Æsculape*. La chaleur du soleil se resiovit & recree fort, entre toutes les estoilles, de la tiedeur de *Iupiter* qui est bien attrempee, pour engendrer & missionner tout ce qui est çà bas, comme l'ont fort bien remarqué les anciens.

*Æscul*. Pareillemēt la chaleur naturelle des corps humains, qui est la plus belle pasture & nourriture de la vie, moyennāt son voicturier, qui est l'esprit, lequel l'accompagne sans fin & sans cesse, se resiovit & recree fort d'un sang bien attrempe (auquel mon *Galien* a mis le subiect d'iceluy) pour compasser, proportionner & maintenir les parties du corps.

*Vran*. Il ne reste plus que deux mots, puis mettrōs fin au present discours. La chaleur du soleil, qui cōsiste toute en son esprit, estāt

19

La chaleur du soleil se resiovit de la tiedeur de *Iupiter* qui est bien attrempee

La chaleur naturelle des corps se resiovit d'un sang bien attrempe.

20

La chaleur & esprit du soleil, prepa

du

re & excite toutes les facultez de la terre à faire leur besogne.

du ciel espendue sur tout l'vniuers, qui est au deffoubs de luy, alimente, gouuerne & excite les naturelles facultez de toutes choses, en les nourrissant & fortifiant, en travaillant, ou besongnant en quelque autre sorte que ce soit: s'accommodât à toutes choses, & à leur nature, en telle sorte qu'il en donne & eslargit à chacune autant que sa condition & faculté requiert.

La chaleur naturelle des cors, avec son esprit, prepare & excite toutes les parties & facultez du corps, à faire leur besogne.

**Æ s c v l.** Quasi tout de mesmes la chaleur naturelle des corps humains, qui consiste du tout en l'esprit, selô l'aduis & opinion de mon Galien, & des autres medecins, excite toutes les facultez du corps, & mesmes la naturelle, à ce qu'elles s'employent à leur charge, & les confirme, fortifie & aide en attirât la viande, en la retenant, en la cuisant, distribuât, & transmuant: s'accommodant à toutes les parcelles du

du corps, & à leurs organes, en telle sorte qu'elle en donne & eslargit gratuitement à chacune autant que sa faculté en requiert.

*Dialogue septième, De la conue-  
nance du Soleil avec le  
cœur de l'homme.*

VRANIE.

**Q**ue ie puisse mourir, Æscu-  
lape, si i'eusse pansé qu'il y eust  
eu si grande harmonie entre le  
corps de l'homme & les cieux. Fay  
donc, ie te prie au nom de ce bois  
d'Epidaure qui t'est dedié & consa-  
cré, dans lequel personne n'a iamais  
peu nourrir, ny aucune femme en-  
ceinte enfanter, que tu me faces  
entendre le reste aussi intelligible-  
ment que le passé. Et pourtant ie te  
proposeray derechef ( ou plustost  
encor dix, voire cent fois : il n'y a  
point de danger cōbien de fois nous  
redi

**Y**  
Le soleil &  
son mou-  
vement &  
vitale in-  
spiration  
réplit tou-  
tes choses  
de sa clai-  
té.

redirōs le mēme pourueu qu'il soit bien dit, & à propos) le Soleil, capitaine incomparable & nōmpareil de l'armee celeste: duquel les anicēs ont escript qu'il ne se cachoit ni fuyoit chose aucune, & ont affirmé qu'il est tousiours ieune, & renaist d'an en an. On cognoist plus seurement par experience qu'on ne scauroit faire par les escripts des auteurs, qu'il mistionne & maintient par son mouuement & rayons toutes choses tant hautes que basses, & qu'il fait reluyre sa clarté sur elles. Et combien que cecy ait esté par cy deuant approprié à d'autres choses, tu ne te scādalizeras point si ie l'accōmode au subiect dont nous traitōns.

Le cœur  
de l'homme  
par son  
mouue-  
ment & es-  
prit vital,

Æ s c. Selon le droit & aucto-  
rité que tu as sur moy, ie te dois  
oūtroier tout ce qu'il te plaist, Vra-  
nie. Et pour ceste cause ie mettray  
peine

peine d'approprier le cœur humain à ce que tu me viens d'alleguer, lequel on doit sur toutes choses reconnoître & respecter pour premier & principal fondement (si tu veux croire ce qu'en dient les Peripateticiens) appuy & support du corps. On cognoist plus seurement par experience qu'on ne scauroit faire par les esprits des autres, que par son inspiration vitale & mouuement il remplit de vie toutes les parties du corps, tant celles qui sont au dessous que celles qui sont au dessus de luy: & que par le moyen & aide des arteres, elles respirent & aspirent, & se renforçissent.

remplit de  
vie toutes  
les parties  
du corps.

VRAN. Ledict mouuement du soleil, qui est perpetuellement accompagné de son esprit, & continuellement espend les rayons sur ces choses basses, & fait luyre la clairté sur tout ce qui est au monde,

2  
Le monde  
ne se peut  
passer du  
mouuemēt  
& esprit  
du Soleil.

si il cessoit & discontinuoit, ou qu'il se retirast entierement du monde, il n'y a ni animal aucun, ni plante (comme a. escript ton Galien) qui peust subsister vne seule minute de temps.

Le corps ne se peut passer du mouuement du cœur, ni de son esprit vital.

Æscvl. Aussi le mouuement du cœur, qui est perpetuellement acompagné de l'esprit, & qui bat sans cesse quand il se contrainct & resserre, & rend ses fumees, & quand il se fait plus court, mais aussi plus large & capable vers sa teste: si il cessoit & discōtinuoit, ou se retiroit entierement du corps, il n'y a ni entaille aucune, ni membre qui peust subsister, ni viure aucunement.

3. Le soleil est la source de la chaleur salutaire & vitale.

Vran. Certainement tu es bien subtil, & fort ingenieux en tes responses, Æsculape: mais ledict soleil, par vn inexplicable & indicible conseil de la diuine prouidence, est tenu pour vn grand & bien focond cellier

lier & gardemanger de ceste chaleur tant salutaire, qui fait decouler & distribue son esprit viuifique & du tout celeste, pour engendrer, alimenter & attremper les biens de la terre. Duquel la source qu'on ne peut espuiser, & qui coule par tout, & arrouse toutes choses, accompagne sans cesse & sans fin ledict soleil. Qu'estce que le corps de l'homme a de semblable à luy?

**Æ s c v l.** Le cœur, Vranic, qui est bien vne diuine armoire de la chaleur vitale, dont procedel'esprit vraiment celeste pour attremper, missionner, alimenter & nourrir les choses corporelles. La source duquel claire comme eau de roche & reluyfante cōme or, arroufant toutes les parcelles du corps, accompagne sans fin & sans cesse ledit cœur.

**V R A N.** Quand le soleil fait luire sa clairté, & qu'il distribue ses rayōs

Le cœur est la source de la chaleur vitale.

4  
L'action & presence de la

chaleur du  
soleil est  
beaucoup  
proufita-  
ble aux  
biens de la  
terre, & sô  
absence,  
puyfible.

salutaires, toutes les parties de la terre, comme estant deuant leur pere de famille, s'employent & s'acquittent songneusement de leurs charges, & cognoissent bié aisémēt si il leur peut porter quelque dommage, ou si il les en menace. Au cōtraire quand il ne se monstre point, ou qu'il default, toutes choses perdent beaucoup de leur force.

L'actiō du  
cœur, & la  
presence  
de son es-  
prit, duq̃l  
procedela  
chaleur,  
est beau-  
coup prou-  
firable aux  
parties du  
corps, &  
l'absence,  
puyfible.

Æ s c v l. Aussi tandis que le cœur bat à l'homme, & sa naturelle faculté est en vigueur (laquelle de-  
péd du cœur, ne plus ne moins q̃ les rayōs dependēt du soleil) toutes les parties du corps, cōme estāts enco-  
res en subiectiō de pere, s'employēt & s'acquittent songneusement de leurs charges: mais quand il est au-  
trement disposé, c'est à dire, quand il se trouue mal, toutes leldictes parties perdent beaucoup de leur force.

VRAN. Tu comprends beaucoup de choses en peu de parolles, *Æsculape*, & me donnes bien à penser à ce que ie te dois proposer : i'insisteray toutesfois là dessus, & t'allegueray le mesme soleil: duquel tât plusieurs autres choses, que les observations des changements de temps qu'on remarque tous les ans, & les quatre saisons de l'année, qui aduiè-  
nent, souuent tout au rebours de l'ordre de nature, ont iusques à ce iourd'huy tesmoigné (& nul ne peut dementir leur tesmoignage) que par la lueur, indisposition, regard, pulsation, nature, & travail de quelques estoilles fixes, & de quelques planètes, il peut estre detourné & deuoyé, empesché, ou pour le moins chagé (nonobstât que Homere l'ait appelé Roy du Ciel) & ne faire pas tousiours également effectuer les forces des arrests qu'il donne sollé-

Le Soleil peut estre embrouillé ou detourné p l'indisposition & travaux des autres estoilles.

nellement. Que si lesdictes saisons dependoyent seulement du soleil, elles se ressembleroyent, & s'entre-suyuroyent d'un mesme train: veu que tous les ans il a en son cercle vn mouvement & siege qui est quasi tousiours d'une mesme forme & facon. Que trouueras tu en tout le meſnage des corps humains pour opposer à ces choses, ô diuin *Æsculape*?

*Æscul.* Le cœur de l'homme,

Le cœur  
de l'homme  
peut estre  
embrouil  
lé ou des  
courbé p  
l'indisposi  
tion & tra  
uax des  
autres en  
traillet.

*Vranie*, comme le donnent à cognoistre les accidets qu'on voit suruenir iournellement, & l'experien-  
ce contrainct de le confesser, bon gré, maugré, laquelle est seure mai-  
ſtreſse des choses incertaines & mal  
asseurees. Car combien qu'il soit le  
gardefeu & source de la chaleur na-  
turelle, par laquelle le corps est  
maintenu en estre, & la principale  
& plus noble partie de tout le corps,  
selon

selon l'aduis & opinion des Peripateticiens, & le pretoire de la vie rempli de maiesté, & comme le cellier & gardemanger des esprits, & mesmes le domicile de la vie: si est ce qu'il est aussi vray que la verité mesmes qu'il peut estre debouté de l'harmonie de son temperament, & oublier quelque partie de ses actiōs accoustumées, par l'indispositiō des autres entrailles, par quelque maladie, offense, vice, & pulsatiō, à cause du voysinage, alliance, concordance, sympathie, & compagnie qu'elles ont ensemble.

**V R A.** Tu es admirable en tout ce que tu dis: mais si tu mets le soleil qui est aux cieux plus bas qu'il n'est, là ou est pour le iourd'huy la lune, tout ce qui est ça bas s'embrasera: & si tu le mets plus haut, aux quartiers de Pyrois ou de Phaethō, il n'y aura partie aucune de la terre

6

Le Soleil  
2 au ciel  
vne place  
quiluy est  
conuenable  
&  
deue.

qui puisse maintenir son estat, ni qu'on puisse habiter, à cause de la grande froidure, comme l'a escript ton Galien tout mot à mot.

Le cœur a  
au corps  
vne place  
qui luy est  
conuenable  
&  
deue.

Æs c v l. Je recognois la sentēce & les mots de mon Galien, qui n'a pas son pareil, encor qu'il ait parlé en Grec, Vranie. Semblablement si au corps de l'homme tu mets ledict cœur plus bas, là ou sont pour le iourd'huy les genoux, les patties basses seront chaudes, à cause du voylinage: mais si tu le mets en haut ou est la teste, il n'y aura aucune des basses parties qui puisse viure plus longuement, parce qu'elle n'aura point de chaleur, de laquelle le cœur est vn diuin celier. Et pourtant c'est à bon droict (comme ie le monstreray tâtost) qu'il a pris place quasi au milieu du corps, comme a faict le soleil aux cieux.

V R A N. Pleust à Dieu que ie  
fu sse

fusse si prompt à proposer que tu es à respondre. Declare moy ceci avec le reste. Le soleil reçoit tous les iours des autres planetes qui l'environnent de costé & d'autre (comme font vn Roy les Archers de sa garde) certains offices & charges touchant le gouuernemēt, estat & proportion des choses de ce monde: & cesdictes planetes luy tiennent plus tost compagnie, & participent à ses charges, que de luy aider ou donner quelque support ou soulagement. Que si tu le voulois nier, i'alleguerois le tesmoignage de ton Mercure qui a esté de mesme temps que toy. Cest entendemēt & lumiere (dit-il) par sa parole forma depuis sept gouuerneurs, lesquelz par leurs cercles embrassent & entourēt le monde sensible, & la disposition d'iceux est appelee Destinée, ou Ordonnance diuine, à laquelle on ne peut

7

Le soleil se sert de l'aide & soulagement des autres estoilles pour attirer & missionner toute la communauté des choses terrestres.

34703

contreuenir. *gouernement*

Le cœur de  
l'homme se  
fert de l'ai  
de & sou-  
lagement  
des autres  
entrailles  
pour attré-  
per & mi-  
stionner  
toute la  
cômuna-  
té des par-  
ties du  
corps.

À s c. Encores que tu me presses  
fort, Vranie, si est ce que tu n'as pas  
encor' gagné. l'opposeray à tes alle-  
gations ledict cœur de l'homme. Je  
croy que tu es si bien informee &  
resolue qu'il n'est ia besoin q' i'em-  
ploie temps à te resoudre plus  
pleinement qu'il reçoit certains offices  
& charges de la part des autres en-  
trailles & parties interieures avec  
lesquelles il a grande communica-  
tion & affinité, & l'accompagnent  
haut & bas & de tous costez, com-  
me font vn prince ceux qu'il a en sa  
compagnie. Tu ne desires pas aussi  
que ie te montre derechef qu'il re-  
cognoist lesdictes entrailles pour  
celles qui luy tiennent compagnie,  
& participent à ses charges & offi-  
ces, plustost que pour celles dont il  
espereroit recevoir quelque aide,  
support ou soulagement. Que si tu

r'efforces de le nier, iete renuocray  
tout paisiblement à ce que i'ay dict  
cy dessus, & diray cy après.

**V R A N.** Je consens aussi aise- 8  
mēt à ce que tu dis, & le croy d'auf-  
si bon cœur, Esculape, que ie ferois  
l'Oracle Delphique de ton pere:  
mais cependant ie me souuien d'y-  
ne chose. Tous ont remarqué que  
l'ardeur & chaleur des rayons du so-  
leil esparse de iour parmi l'air, est  
debilitée & affoiblie, ou pour le  
moins attrempee moyennement de  
nuict par le froid & humide circuit  
& entour de la lune.

La Lune  
amoderé  
l'ardeur  
du Soleil.

Le cerue-  
au amode-  
ré l'ardeur  
du cœur.

**Æ S C V L.** Aussi n'a on pas nié  
que la ferueur & ardeur du cœur de  
l'homme (car selō l'aduis & opinion  
de mon Hippocrate, il faut que le  
cœur soit tousiours ardant, il suffit  
pourueu q les autres parties n'ayent  
froid) ne soit amoderée par la froi-  
dure, ie dirois volontiers par l'hu-  
midi

midité, du cerueau. Et tout ainsi que la lune recognoist ce dernier ci pour sien, aussi le soleil recognoist le premier pour sien: comme ie l'ay prouué par cy deuant, & le declaireray par cy apres plus amplement.

Le Soleil ne discontinue iamais son mouuement.

9

Le Soleil ne discontinue iamais son mouuement.

**V R A N.** Ie requiers plustost, **Æsculape**, que le iour me faille que la parolle. Mais ton soleil, que **Denis Arcopagite** a dict estre vne belle & transparente statue de Dieu, ne refuse iamais, ni iour ni nuict, son mouuement tresnecessaire & expedient aux biens de la terre, & n'entreimet ni ne discõtinue iamais son deuoir.

Le cœur ne discontinue iamais son mouuement.

Le cœur ne discontinue iamais son mouuement.

**Æscvl.** C'est peu de cas de ce que tu viens d'alleguer, **Vranie**. Car le cœur, qui est la plus noble partie de tout le corps comme i'ay dict, & pour ceste cause, comme estant la principale & plus singuliere partie d'iccluy est secrettement allice &

ibidem

con

conioincte par mariage avec le soleil, prince du ciel (que les anciens ont appelé le cœur du ciel) nous fait voir à l'œil tout ce que tu viés d'alleguer. Car en quelque temps que ce soit, soit de iour, soit de nuict, il a vn mouuement & poulx par les arteres si vehement qu'il n'est au pouuoir ou volonté de la personne, de le retarder ou changer en quelque sorte, ou si peu que se pourroit dire: & ne discontinue iamais son deuoir.

V R A N. l'auray, à ce que ie voy, par cy apres besoin de quelque Thesee. Ce diuin soleil, que ton Galien a appelé vne bien honorable estoille, & que Iul. Firmique a nommé tout bon & tout puissant, a sa place au milieu de sept estoilles errâtes, (tesmoing ledict Galien) qui est le lieu de vertu ayant & regardant la suite (les planettes, di-ie) tant haut que bas, qui sont fort promptes & appareil

10  
Le Soleil  
est au mi-  
lieu des  
planettes.

reillees en tous lieux & toutesfois  
& quantes qu'il luy plaira les em-  
ployer à l'endroit des biens de ce  
monde.

Le cœur  
est au mi-  
lieu du  
thorace.

**ÆSCVL.** Pareillement le cœur  
de l'homme, Vranie, qui est la plus  
noble entraille de toutes, est située  
iustement en toutes dimensions &  
mesures au milieu du Thorace. La-  
quelle place (côme dit mon Galien)  
est fort propre pour sa seureté, &  
fort commode pour estre refrigeré  
& receuoir l'esuent qui luy est bail-  
lé par les poulmôs: là ou il a sa suite  
(à sçauoir les entrailles) tant haut  
que bas, qui sont fort promptes &  
appareillees en tous lieux & toutes-  
fois & quantes qu'il luy plaira les  
employer à l'endroi&t des choses  
corporelles.

**VRAN.** Il n'y a Dieu au Ciel, ni  
homme en terre que i'oye plus vo-  
lontiers parler que toy, Æsculape.

Au

Au reste il n'y a homme viuât sous le Ciel qui puisse retarder ni arrêter le mouuement du soleil & des planetes, lequel est bien autant necessaire & expedient au monde cōme il est perpetuel: ni qui le puisse aucunement empescher, sinon que toute l'estendue du Ciel & du monde aille en ruine & prenne fin: si cela se pouuoit faire par force humaine.

15  
Nul ne peut arrester le mouuement du Soleil & des planetes.

Es c v l. Par mesme moyen, il n'y a homme viuant sous le Ciel qui puisse retarder ni arrêter, ni mesmes empescher aucunement (pourueu que l'homme se gouuerne selō nature) le mouuement du cœur, ni les poulx des arteres, qui est bien autant necessaire & expedient à la vie humaine cōme il est perpetuel: sinon que toute la communauté des choses de ce corps aille en ruine & prenne fin.

Nul ne peut arrester le mouuement du cœur, ni les poulx des arteres.

Les defauts  
ou eclipses,  
du soleil  
portent  
dommage  
aux biens  
de la terre.

**V R A N.** Aduise biẽ à toy, **Æscu-**  
lape: car ie te vay proposer vne cho-  
se de bien grande importance &  
difficile. S'il aduient quelques fois q̃  
la salutaire chaleur & lumiere du  
soleil (lesquelles deux choses sont  
conioinctes ensemble) soit ostee au  
mõde, (ce qui se fait par les defauts,  
ou eclipses d'iceluy) ou que le soleil  
mesme soit en quelque autre facon  
disposẽ, ie croy qu'il n'y a celuy qui  
ait seulement appris les principes  
& rudiments de philosophie, qui ne  
sache fort bien que toute la machi-  
ne de ce monde, & la terre mesme,  
serõt touchees de mesme affectiõ, &  
craindront grandement que dom-  
mage leur en aduienne: à plus forte  
raison le doibs tu bien sçauoir, toy  
qui es fort versẽ en la cognoissance  
du Ciel & de la nature vniuerselle.  
Que me trouueras tu au corps de  
l'homme qui soit semblable à cela?

**Æsc.**

Æscv l. Le cœur, dont i'ay des-  
 ia fait mention cent fois, Vranie: le-  
 quel, si il luy suruient quelque nota-  
 ble defaillance, ou que quelque par-  
 tie de celles avec qui il a affinité &  
 communicatiō se dissout (si ce n'est  
 d'aduenture au cone, ou strobyle, &  
 en la poincte turbinee, au dessoubs  
 de la poincte, ou fibre, du costé gau-  
 che, auquel il est vn peu plus charnu  
 que sa base) ou s'il est esmeu en  
 quelque autre maniere, & est dé-  
 bouté de sa symmetrie ou propor-  
 tion, comme de quelque degré, il est  
 aussi clair que le iour, que toutes les  
 parcelles du domicile de l'homme,  
 & mesmes le domicile entierement,  
 tel qu'il est (par ce que l'action &  
 mouuement du cœur est commun  
 & necessaire à tout le corps, aussi  
 bié que le soleil à tout le mode) se-  
 rōt touchees d'vne mesme affectiō,  
 sentiront toutes quelque mal, trem-

Les defail-  
 lances &  
 esmotiōs  
 du cœur,  
 portent  
 grand dô-  
 mage aux  
 parties du  
 corps, —

bleront, & quitteront leur debuoir:  
 & si il continue, force sera que tout  
 le corps à la fin meure. Et non sans  
 cause, à mon iugemēt: veu qu'apres  
 mon Hippocrate, (lequel ne scait  
 pastant tromper, comme dit Ma-  
 crobe, qu'estre trompé) mō Galien  
 m'a pareillement escript, q̄ ce thea-  
 tre du corps de l'homme, tant bien  
 basti & labouré, est deuilé & cōpas-  
 sé de tel artifice, q̄ des qu'une par-  
 celle d'iceluy est agitee, esmeue, of-  
 fensee ou esbranlee, toutes les au-  
 tres s'esmeuent aisement, & s'en-  
 tr'aident incontinent à se ruiner l'y-  
 ne l'autre. Et si vne ongle, qui est la  
 plus abiecte parcelle, & la moins  
 prisee qui soit (si toutesfois tu l'esti-  
 mes digne d'estre nombree entre les  
 parties du corps) si vn doigt, vn pe-  
 tit nerf, quelque vne des entrailles,  
 vne dent, vn poil, mesme, qui n'a  
 rien de commun avec tout le corps,  
 estant

estant offensé esmeut tout le corps, que diras tu q̄ puisse faire le cœur, qui est la plus belle & la plus noble partie de tout le corps, & nourris-  
sier de la chaleur, & commencement de la puissance ou vertu animeuse?

V R A N. Ce qui me nageoit sur les leures, & que j'auois sur le bout de la langue, s'est escoulé & s'en est en-  
uolé, cependant q̄ i'estois attentifue à ouir tes si doctes responses, Escu-  
lape. Cependant ie me souuiens d'v-  
ne chose, nonobstant que ie l'aye possible desia dict cy deuant. La cō-  
munauté des choses qui sont au des-  
sous de la lune, ne se peut passer du  
mouuemēt & poulx du soleil & des  
planetes, ni de la perpetuelle infu-  
sion de leurs rayons.

13  
L'vniuer-  
sité des p-  
ties de la  
terre a be-  
soin du  
mouue-  
ment du  
Soleil &  
du poulx  
des plane-  
tes.

Æ s c v l. Aussi le corps de l'hō-  
me, Vranic, ne se peut passer du  
mouuement du cœur, (comme i'ay  
desia chanté mille fois) ni de son in-

L'vniuer-  
sité des par-  
ties du  
corps a be-  
soin du  
mouue-  
ment

ment du cœur & poulx des artères. spiration, ni du perpetuel poulx, ou pulsation, des artères, qui se fait par le moyen dudit cœur. Dequoy te resoudront assez lesdictes artères, quand elles sont surprises: lesquelles faictes des liens (comme dit mó Galien) ou d'autres choses, par ce qu'elles empeschét le cœur d'attirer l'air, elles rendent soudainement, ou pour le moins representent la personne comme estonnee, inutile, & morte, luy ostant toute force de se pouuoir soustenir. Ce q̄ tu pourras esprouuer par l'experience mesme.

14

Le soleil a deux mou-  
uements &  
cercles au  
ciel.

VRAN. Il ne reste que ceci pour la fin, *Æiculape*. Le soleil a deux cercles, & autant de mouuements, separez l'un de l'autre: lesquels quād i'z charient ses rayons tant haut cōme bas; il espart ça & là & infuse son aspiration pour proportionner & maintenir toutes choses.

Le soleil a  
deux mou-

Æs C V L. Le cœur par le moyen

de la systole (c'est à dire cōtraction, uenés au *Systole*  
 par laquelle il se comprime & s'e- corps, & *diastole*  
 tend en long) & diastole (c'est à dire  
 dilation ou eslargissement, quand il  
 se fait plus court, mais aussi plus lar-  
 ge & capable vers la teste) a deux  
 mouuements contraires, Vrière, &  
 autant de vaisseaux, comme petites  
 layettes faictes en rōd, separez l'vn  
 de l'autre. Desquelz il espad de tous  
 costez plusieurs notables rameaux  
 de la vene que lon nomme arteriale  
 ou arterieuse, & de l'artere que lon  
 appelle veneuse: desquelles, comme  
 d'un tronc, se partent & procedent  
 plusieurs branches & rameaux (cu-  
 dirois à les voir q'ce sont des rayōs)  
 & les espad de costé & d'autre  
 pour proportionner & maintenir l'vni-  
 uersité des parties du corps, par le  
 moyen de la vertu ou puissance ani-  
 meuse, qui procede de luy.

*Dialogue huietième, auquel est fait  
 Une conference & comparaison de  
 la nature des estoilles du ciel,  
 avec les humeurs qui sont  
 au corps de l'homme.*

**A**Yant trouué occasion, Escula-  
 pe, par laquelle, selon la dou-  
 ceur & de bonnaireté qui est en moy,  
 ie peux abond' huy franchement &  
 familièrement deuiser avec toy, ie  
 ne cesseray de presser, solliciter &  
 proposer, iusques à ce que ie me  
 voye contente & satisfaitte pour  
 auoir pleine & entiere cognoissan-  
 ce de l'harmonie du ciel & de l'hô-  
 me. Et pourtant di moy, au nom de  
 ceste tiennne chaudiere (combien que  
 ceux d'Épidauré T'adorét cheuclé)  
 qui veut dire que la chaleur & hu-  
 midité bien attrempee de Iupiter  
 garant & tuteur des choses mistion-  
 nees, refraine & reprime, rembarre

&amp; at

**I**  
 L'intem-  
 perance (ou  
 indisposi-  
 tion) de Sa-  
 turne s'ad-  
 doucit par  
 le moyen

& attiedit l'obstinee peruicace & de l'upiter  
 opinaſtreté de la froidure & ſeche- qui eſt biſ  
 reſſe de Saturne? de ſorte que la cha- temperé.  
 leur de ceſtuy la combat avec la  
 froidure de ceſtuy-ci, & l'humidité  
 avec la ſecheſſe. Orſus, que pour-  
 ras tu oppoſer à ceci d'entre toutes  
 les parties du corps de l'homme?

Æ s c v l. Je te reſpondrois en  
 peu de parolles, Vranie, ſi l'abſur-  
 dité des choſes que ie te dois alle-  
 guer ſur ce point, ne m'oſtoit la  
 voix. Mais toutesfois puisqu'au pre-  
 mier diſcours que nous auons fai-  
 ct aujour d'huy ie me ſuis excuſé la deſ-  
 ſus le plus modeſtement que m'a  
 eſté poſſible, & tu m'as de ta grace  
 octroyé & donné permiſſion de di-  
 re tout ce qui me plairoit: gardant  
 ce qui eſt bien ſeant à la qualité de  
 nous deux, il ne me ſera point fai-  
 cheux, & ne refuſeray point de re-  
 ſpōdre aux propos que tu as enta-

L'inter-  
perâce (ou  
indisposi-  
tiô) du suc  
melancho-  
lique s'ad-  
doucit par  
le moyen  
du sang bi-  
en téré.

mé, & à tous autres que tu voudras  
obtenir de moy, à fin de poursuyure  
& paracheuer le traicté que nous  
auons commencé. l'allegue donc à  
l'encontre de ce que tu m'as propo-  
sé tout maintenant, le suc melâcho-  
lique (qu'aucuns appellent noire bi-  
le, ou sang atrabilaire) auquel la ve-  
nerable antiquité a donné ton Sa-  
turne pour aucteur & maintien, ou  
garant. Il n'y a aucun qui ne sache  
bien qu'une douce vapeur & plai-  
sante humidité de sang naturel (le-  
quel aussi Iupiter recognoist pour  
sien) ne reprime, rembarre & tem-  
pere l'obstinee & rebelle malice  
dudit suc melancholique, sec &  
froid. Et qui est ce qui vouldra nier  
que les anciens poëtes n'ayent eu  
cette intention, quand ilz ont con-  
trouué que Iupiter couppa les testi-  
cules à Saturne son pere, esquels gist  
la force de l'homme. Ainsi donques

Iupi

Iupiter chastre Saturne, c'est à dire,  
luy donne vne température plus dou-  
ce & plus tractable que la sienne  
naturelle, & luy fait iolimét & pai-  
siblement changer sa propre natu-  
re, pour en vestir vne autre.

V R A N. Il n'y a aucune espee  
de science que tu n'ayes acquise,  
Æsculape : mais ie ne m'en esbahy  
plus, me souuenant de ta gènealo-  
gie. Au reste, qui est celuy qui n'en-  
tende bien que les debridees furies  
de Mars, lesquelles nous menacent  
volôtiers de chaleur & secheresse,  
s'amoitissent, sont tenues en bride,  
& s'addoucissent fort par le moyen  
de la temperature de Venus, qui est  
vn petit froide & humide.

2.  
Venus a  
modere la  
malice de  
Mars. & de  
ce & de  
ce & de  
ce & de  
ce & de

Æ s c v l. Qui est celuy, Vra-  
nie, qui soit si rude, & si peu exerci-  
té au faict du corps de l'homme, qui  
n'entéde bien que l'humeur chole-  
rique (sur laquelle on dit que Mars

Vn phleg-  
me doux  
amodere  
la malice  
de l'hu-  
meur cho-  
lerique.

preside) est temperee, derompue, & ramollie par le phlegme, qui est comme vendu au plus offrant & dernier encherisseur & de plein pouoir & autorité expedie à Venus? Et qui est celuy qui voudra nier que les anciens n'ayent eu ceste intention, quād ilz les ont introduicts faisant tant de larrecins par ensemble, & ayants si souuent compagnie l'un à l'autre?

34  
 Le mouue-  
 ment des  
 planetes  
 est varia-  
 ble & de  
 plusieurs  
 sortes.

35  
 V-R-A-N. Qui est ce qui n'apper-  
 çoyue bien, Esculape, que les pla-  
 netes (qui sont les principaux orne-  
 ments des cieux) de la puissance des-  
 quelles, tesmoing ton Galien, nous  
 iouissons en toute plenitude & abô-  
 dance, ne se tiennent pas sans cesse  
 en vn mesme lieu, & ne se mouuent  
 pas tousiours d'une mesme façon?  
 Qui est ce qui ne sache bien qu'elles  
 marchent par le Zodiaque tantost  
 haut, tantost bas: tantost voylines,  
 tantost

rátoſt bien eſloignées l'vne de l'autre: tant oſt ſe mouuent ſoudain, tant oſt bien tard: quelques fois auſſi toutes droictes & retournans en arrière: & que le tels eſſects, & de tât de diuerſitez, elles eſmeuent & excitent vne guerre d'outeuſe & incertaine tant entre les elements, qu'entre ces choſes baſſes & terriennés, qui ſont compoſées d'iceux.

**DE L'ESCVL.** Qui eſt ce qui ne voye bien, Vraie, que les humeurs qui ſont au corps recognoiſſent vne meſme diuerſité & mouvement? Qui eſt ce qui n'apperçoyue bien qu'elles ne ſe tiennent pas en vn meſme lieu, & ne ſe mouuent pas d'vne meſme façon: mais qu'elles ſe proument, montent, deſcendent, & ſe tranſmettent tant oſt en haut aux yeux, aux dents, au col: tant oſt en bas, aux ſchies, aux cienes, aux genoux, aux malleoles (ou cheuilles

Le mouue-  
ment des  
humeurs  
du corps  
eſt varia-  
ble & de  
plusieurs  
ſortes. 1.  
- 2. 3. 4. 5.  
- 6. 7. 8. 9.  
- 10. 11. 12.  
- 13. 14. 15.  
- 16. 17. 18.

des

des pieds) aux ioin&tes: tantost de-  
uant, tantost derriere: tantost à costé:  
droi&ct, tantost à gauche? & mesmes  
qu'elles marchent tantost hastifue-  
ment, tantost bellem&et, tantost tout-  
droi&ct, tantost errent par ci par là,  
selon la nature de l'humeur? Dont  
i'ay opinion que chacú aime mieux  
(si ie ne me trompe grandement)  
croire, qu'essayer à son dommage,  
que de la s'engendre aux parties du  
corps vne guerre & tragedie, de la-  
quelle l'issue est incertaine.

4 V R A N. Et ceci, que fera ce  
Æsculape? La tresplaisante & re-  
creatifue tiedeur du soleil, & ses  
rayons qui maintiennent & garan-  
tissent les choses de ce monde, inspi-  
rent iournellement vn esprit viuifi-  
que à la terre, & à l'eau, & mesmes  
aux corps qui sont naiz & nourris  
en elles: & les alimentent & entre-  
tiennent en leur estat.

**Æscul.** Semblablement, Vra-  
nie, la tresdouce tiedeur & vapeur  
du sang, faict & labouré au foye, qui  
est son officine ou boutique, suste-  
te & nourrit mediatement ou im-  
mediatemēt, c'est à sçauoir ou pro-  
chainement ou de loing par le mi-  
nistere des venes, les principales fa-  
cultez, la vitale, l'animale & nutri-  
tue de ce corps: puis apres par cer-  
tains petits conduicts, comme par  
quelques rayons, il se distribue par  
toutes & chacunes les parties nees  
& nourries audiect corps.

La vapeur  
du sang p  
son inspi-  
ration dō-  
ne vie aux  
parties du  
corps.

**V R A.** Tu es vn terrible ouurier,  
Æsculape, en controuuant, dispo-  
sant & adiançant, en parlant claire-  
ment & donnant bien à entendre,  
& en respōdant. Di moy toutesfois:  
ces quatre planetes, Iupiter, Venus,  
Mars & Saturne, apres le soleil & la  
lune (qui sont au ciel comme Roy  
& Royne) ont beaucoup de pou-  
voir

Il y a qua-  
tre planet-  
tes au ciel  
qui ont be-  
aucoup de  
pouuoir.

pour répe-  
rer & mai-  
tenir l'har-  
monie des  
choses ter-  
restres.

pour bien missionner toute l'université des choses qui sont en ce bas monde. A sçavoir Iupiter, pour les nourrir : pour laquelle cause les Grecs l'ont nommé Zéus, cōme qui diroit Zoë, c'est à dire vie, Venus, à fin de préparer la terre par le milieu de l'air, par le moyen de son rayon vn petit humide, & qu'en la remuant furtiuemēt, elle la laboure aucunement. Et pour cest effect, a esté nommée des Grecs Aphrodite, comme prenant plaisir à estre remplie d'humidité & d'escume. Mars, à fin de purger & nettoier la terre de beaucoup de pourriture & immondices qui sont cachees dans le ventre de la terre : & qu'en espandant ses rayons sur icelle, il la ballie comme avec vn ballay. Saturne, à fin de ioindre les actions interieures & la propre chaleur d'icelle avec sa froidure exterieure : & qu'en la

ref

resserrant, il la puisse cōtraindre de retenir & garder ce qui luy est expedient. Que trouueras tu, *Æsculape*, au corps de l'homme qui leur soit semblable?

**Æ s c v l.** Les quatre humeurs naturelles, *Vranie*, lesquelles ont aussi leurs vsages au corps de l'homme, & ont chacune leur particuliere faculté. Car le sang, lequel (cōme j'ay diēt) recognoist tō. *Iupiter* pour son garant & tuteur, sustente & nourrit le plus de tous. Le phlegme, sur tout le doux, & le naturel, vendu au plus offrant & dernier encherisseur, & deliuré à *Venus*, amollit le corps, le prepare, & le fait aucunement lubrique & glissant, à fin de plus commodemēt expulser & enuoyer hors du corps les excremēt. La bile faulue, (ou humeur cholérique) laquelle est vendue à *Mars*, exempte & expurge les intestins, & quasi

Les quatre humeurs qui sont aux corps ont beaucoup de pouuoir pour temperer & maintenir le mesnage des parties du corps,

quasi dirois ie, tout le corps, de la putrefaction & immôdices des excrements, & par sa faculté absterſiue nettoye toute l'humidité ſuperflue qui eſt contenue en iceux, contrainçant à expulſer & renuoyer hors du corps, tant par haut que par bas, les humeurs qui ſont en trop grande abondance & regurgitation exceſſiue. La noire bile, que les autres nommēt ſuc melâchologique, ou ſang atrabilaire, vendu & deliuré à Saturne, aide & ſoulage les actiôs du ventricule, comme a eſcript mô Galien, & eſlargit & conſtreint & fait rider l'orifice du vêtricule, pour bien & commodement receuoir la viande, & la retenir iuſques à ce qu'elle ſoit pleinement & ſuffiſamment coitte & labouree. A quoy tu peux adiouſter que ſelon l'opinion d'aucûs, nature ſ'aide dudit excrement pour inciter & faire l'appetit à l'en

à l'entree de l'estomach , par le moyen de l'acerbité & acidité qui est en luy, dont se fait l'appetence.

**V R A N.** Je ne suis ni ialouse ni enuieuse de ceste si grande cognoissance de choses que tu as, *Æsculape*, ie m'en esbahis plustost. Au reste, il est bien certain, qu'entre toutes les planetes il y en a deux apres le soleil & la lune, qui portent bonne amitié & affection aux choses de nature: i'enten *Iupiter* & *Venus*, lesquels *Ptolemee* n'a pas impertinemment appelé bien faisants & liberaux [à sçauoir cestuy la, d'autant qu'il sustente & nourrit, comme il a ia esté dict: & ceste ci, parce qu'elle amoittit & humecte, & espand vne haleine roiale par tout le contenu de la terre.

6

Entre les planettes il y en a deux qui portent bonne amitié & affection aux biens de la terre

**Æ s c.** Aussi entre les humeurs il y en a deux, *Vranie*, bié affectionnées enuers les choses de ce corps:

Entre les humeurs il y en a deux qui

portent bō-  
ne l'imité  
& aff. d'io  
aux cho-  
ses corpo-  
relles.

à ſçauoir le ſang & le phlegme: ce-  
ſtuy la, pource qu'il alimente &  
nourrit, comme ie vien de dire: &  
ceſtuy ci, ſur tout celuy qui n'a  
point de gouſt, par ce qu'il arrouſe,  
amoittit, humecte, & par le moyen  
de la chaleur naturelle peut aiſemēt  
eſtre cuit, labouré & tranſmué en  
ſubſtance de ſang, ami de nature.

V R A N. Il ne faut maintenant  
demander & implorer à l'encontre  
de toy l'aide & ſecours de toutes les  
planetes, de tous les cieux, & de tou-  
tes les eſtoilles. Car ie ne ſcay quaſi  
plus que controuuer ni que propo-  
ſer: mais cependant il me ſouuient  
d'vne choſe. L'eſtoille de Mars, la-  
quelle chacun ſcait eſtre fort ar-  
dente & du tout hauie & ſans au-  
cune humeur, ſi elle ſort de ſon pro-  
pre ſigne, & qu'elle ſe ioigne en eſté  
au ſoleil ou à l'inſenſee canicule, on  
verra que tout le ſuc & humeur  
qu'ont

7

La nature  
de l'eſtoil-  
le de Mars  
eſt fort ar-  
dente &  
dangereu-  
ſe

qu'ont les choses de la terre, se consumera, se haura, s'embrasera, & se dissipera & corrompra entieremēt, si on n'y met ordre d'ailleurs.

**A s c v l.** La bile faulue, laquelle chacun scait estre fort chaude & bouillāte, brasse & machine en estē, l'occasion se presentant, vne mesme chose dās vn corps bouillonnant en la fleur de son aage. Car si elle se mesle parmi les autres humeurs dās les vaisseaux du corps, elle s'embrasera là dedans avec elles (comme on voit es fiebures continues, procedāts de trop excessiue abondāce de sang eschauffé, & transmué en cholere) ou elle se haura toute seule (cōme il aduient es tierces cōtinues & fiebures chaudes) & consumera prōptemēt tout le suc, toute l'humidité & nourriture qui est aux parties du corps: & si elle est accompagnee de flāme, elle bruslera tout, & si on

La nature de la bile faulue est fort bouillante, & dangereuse.

ne met ordre à tel feu de bonne heure & des le commencement, apres que toute l'humidité sera haïlée, elle se ruera finalement sur les parties solides, parce qu'elles n'ont plus de nourriture, non sans grand danger de la vie, de laquelle on ne scauroit reparer la perte par quelque sacrifice ou oblation que ce soit: & mettra deuant la porte vne fiebure hectique, laquelle infalliblement annonce la mort.

8

Les rayons  
des planet  
tes depai  
gnent plu  
sieurs cou  
leurs en  
vne nuée.

V R A N. Voy! que tu philosophes brauement, Æsculape! Mais di moy, ie te prie. N'as tu iamais pris garde qu'en quelque mois de l'année toutes fois & quantes que certaines planetes ont predict, denoté & annoncé quelques changements de temps, elles ont enleué & excité en l'air qui enuironne la terre, ces nuées ci ou celles la, peintes & figurées ainsi ou ainsi, selon la nature  
de

de chaque planete? Que me donneras tu de semblable qui soit au corps de l'homme?

Æscv l. le desirerois, Vranie, que tu laissasses à Aristophane les nuees. Toutesfois à celle fin que ie te contente en ce poinct, aussi bien qu'aux autres, i'opposeray les humeurs qui sont au corps de l'homme à ce que tu me viens de proposer prins d'un exemple par trop grossier, & recherché possible de trop loing: & principalement quant elles s'enflent, comme parle mô Hippocrate, & quant elles se posent & s'arrestent à la peau. Car la veüe tesmoigne qu'elles depeignent au dessus de la petite peau la plus extérieure (nommée epiderme ou cuticule) ceste couleur ou ceste la, selon la propre nature de chaque humeur. Ce que ie te feray cognoistre plus familierement apres que tu

Les humeurs des corps depeignent plusieurs couleurs sur la peau.

m'auras reciproquement monstré  
qu'e les couleurs c'est que tes  
planettes depeignent es nuées de  
l'air.

9

Les planet  
tes du ciel  
ont chacu  
ne certai  
nes cou  
leurs qui  
leur sont  
particulie  
res.

V R A. Mars (seló l'opinion des  
philolophes Latins, Grecs, & Ara  
bes, qui se sont addonnez à la con  
templation des œuures celestes) ex  
prime & patronne en l'air vne nuée  
faulue, iaune, ou rousse: Saturne, vne  
couleur de plomb, obscure & noi  
raistre: Iupiter, vne de pourpre, ver  
meille & incarnat: Venus, vne palle,  
blaffarde & blanchastre. Je ne par  
le point icy du Soleil, de la Lune, ni  
de Mercure, parce qu'ils n'ôt point  
de couleurs qui leur soyent parti  
culieres. Accompli maintenant ta  
promesse, Æsculape.

Les hu  
meurs du  
corps ont  
chacune  
certaines.

Æ s c v l. Semblablement tou  
tes les deux biles, (à sçauoir la faul  
ue, ou humeur cholerique, & la noi  
re, ou suc melācholique) & le sang,  
avec

avec le phlegme , qui sont les quatre humeurs du corps , deputez à autant de planètes que tu viens de nommer, sont des pourtraicts sur la peau de mesme couleur qu'elles sont, si elles sont en trop grande & excessifue abondance dans le corps comme il a esté dict : & si du bas elles montent en haut, comme du centre à la circumferance. Car la bile faulue, vendue & deliuree (comme il a esté touché mille fois) à tō Mars, luy imprime vne couleur faulue, iaune & rousse, comme on le peut apperceuoir es icteres, (laquelle maladie pour ce regard a esté appelée iaunisse) & es erysipeles aussi, & autres. La bile noire (ou suc melancholique ) vendu & deliuré à Saturne, excite vne couleur de plomb , noirastre, & comme de chair meurtrie. Ce que donnent à cognoistre les icteres noirs, & couleurs sales & in-

humeurs  
qui leur  
sont parti-  
culieres.

fectes en ceux qui sont mariables: outreplus les chancres & antracs, ou charbons. Le sang, si il se maintient selõ nature, par ce qu'il se rapporte à Iupiter, il est bouillonnant, ou s'espanchant en quelque autre sorte par la peau la plus extérieure, il depeint sur elle vne couleur de pourpre, vermeille & incarnat. Ce q̃ manifestét plusieurs phlegmós, ou inflámations, exantheses, qui sont enflures, buriós ou bubbes qui s'enleuent sur la peau: & autres maux semblables. Le phlegme naturel, qui n'a point de goust, & aqueux, assigné à Venus, porteroit vne couleur palle & blanchastre: telle qu'on la voit es lencophlegmatiques, & hydropiques, & cedemes. Mais nous auons assez, ou peut estre trop amplement discoursu de ceste matiere, Vranie, à cause de l'indignité de la chose. Et pourtant la laissant pour  
le

le present, ie t'aduertis & enhorté de passer outre, & prendre vn autre subiect.

*Dialogue neuſieme, De la conference & comparaison des diuerſes eſtoilles, avec les diuerſes parties du corps de l'homme.*

V R A N I E.

**C**ertainement ie prens vn fingulier plaisir à t'ouir deuifer & discourir, *Æsculape*. Que ie puisse mourir si iamais ie me suis tant soit peu ennuyée d'escouter tes responses : vn iour tout entier ne m'a pas duré vne heure. Et pour tant, ie te prie & requiers au nom de tes treschers filz, *Machaó & Podalire*, que tu poursuyues en ce qui reste aussi dextrement que tu as fait au precedent. Car i'ay plusieurs questiós que ie te proposeray par cy apres, & à

I

Ily a deux lumieres aux cieuz

q par leurs  
rayons &  
mouemēt  
illuminēt  
& excitēt  
la terre,

bon escient. Le soleil, ce grand & incomparable moyennneur & tuteur de nature (pour lequel voir & contempler l'on dit que Socrates s'est souuentesfois tenu tout debout depuis la leuée iusques à la couchée d'iceluy) cependant qu'avec sa sœur Cynthienne, & par les moyens de ses rayons & mouvement, il esclairecit tous les iours du haut du Ciel tout l'vniuers tel qu'il est, & illumine tous les habitants d'iceluy, & excite & reueille tout ce qui est en terre afin de se mettre en œuvre, qu'est ce qu'il me pourra depeindre & représenter proprement & commodement de tout ce qui est au corps de l'homme?

Il y a deux  
lumieres,  
ou yeux,  
au corps q  
par leurs  
rayons &  
mouemēt  
illuminēt

Æ s c v l. L'image & semblance des deux yeux, Vranie. Lesquels estants situez en la teste (à cause desquelz ont estimé les anciēs Philosophes qu'elle auoit esté entierement

mét cōposée & cōstituée) qui est ce <sup>& exoit le corps.</sup>  
 qui ne voit (si d'adventure il n'est  
 chassieux) nes'estōne & nes'esbahit  
 de ce que par le moyen de leurs  
 rayons & mouuements ilz esclairēt  
 journellement tout le corps entie-  
 ment, cōme le soleil esclaire le mon-  
 de, & regardent & contemplent les  
 membres d'iceluy, & que de ce re-  
 gard, comme d'vne lampe allumee,  
 ilz encouragēt & esguillonēt cha-  
 que partie dudit corps, pour le  
 moins les exterieures, à se contenir  
 en son deuoir, & s'acquitter de ses  
 charges & actions? Et qui est ce qui  
 voudra nier que les anciens philo-  
 sophes des choses celestes & natu-  
 relles n'ayent eu ceste intention,  
 lors que, ie ne diray pas, il ont ven-  
 du & expédié, mais bien, ont faiēt  
 du tout pareils & semblables l'œil  
 droict au soleil, & le gauche à la lu-  
 ne, laquelle Aristote a dict estre cō-  
 me

me vn petit soleil ? Que si tu en  
doubtes aucunement, il ne te sera  
pas fascheux d'ouir ce que apres  
Platon en a escript mô Galien, grâd  
& admirable en tout ce qu'il dit. Je  
monstreray (dit-il) quel œil est au  
corps de l'animal vn organe fort  
clair & transparent, & fort sembla-  
ble au soleil.

V R A N. Quant à moy, ie ne  
sçay que ie dois esperer de ceste lui-  
te & combat que i'ay entrepris cõ-  
tre toy, Æsculape. Car (comme i'ay  
dict cy deuant) tu me renuoyes au-  
tant de fleches que i'en puis brâdir  
contre toy. Si est ce que ie banderay  
mon arc, & descocheray encores  
vne fleche. Tous les globes celestes,  
ou si tu aimes mieux, toutes les  
estoilles, tant petites que grandes,  
sont formees en façon spherique, &  
figure ronde: ce que mesme tesmoi-  
gne la veuë des yeux.

2  
Les estoil-  
les du ciel  
sõt faictes  
en figure  
ronde.

**ÆSCVL.** Aussi toutes les parties du corps, Vranie, tāt celles de dedās que de dehors, tant les petites que les grandes, ensuyuent & representent entierement vne forme & figure faicte en rōd. Que si tu le veux nier ie produiray en foy & tesmoignage de ce les intestins, les visceres, les reins, les testicules, la teste, les yeux, les bras, doigts, iambes, venes, arteres, nerfs, en somme tout le tronc du corps. Laquelle forme & figure, (comme l'a escrit mon Galien) leur a esté donnee par ce sage & diuin architecteur, par ce qu'il ne permet pas volontiers, & ne forme ni met dehors aucun coing de quelque partie que ce soit pour estre exposé & subiect à estre blessé ou offensé.

Les parties du corps de l'homme sont faictes en figure ronde.

**VRAN.** Il aduiendroit plustost que le mouuement du ciel cessast que de te pouoir vaincre Æsculape:

3  
Il y a quatre principales parties des cieux, ou estoilles desquelles la nature est merueilleuse.

lape: si ne cesseray ie pas de presser & te tenir de pres. Or sus, il est certain que ces quatre estoilles, le soleil la lune, Iupiter & Venus, ont la superintendence & preeminence au ciel: & ont plus de force & vigueur en leur esprit liberal, en leur nature & puissance que les autres: & ne prouffient pas seulement à elles, mais aux autres aussi en toute suffisance, & entre toutes les autres s'employent à la defense & tutelle de l'vniuersité des choses, & les téperent. Qu'est ce qu'il y a de semblable à elles au corps humain, pour l'amour duquel tu as entrepris de luiſter avec moy?

Il y a quatre principales parties des corps, desquels la nature est admirable.

Æ s c v i. Les quatre principales & plus nobles parties du corps, Vranie, à ſçauoir le cœur, le cerueau, le foye, & les testicules: lesquelles les anciens ont commodement accompagnées auxdictes quatre planetes.

tes.

tes. Car elles ont beaucoup de puissance par le moyen de leur nature & esprit, qui est comme vn rayon de grand effect, & par leur action, qui donne force & vigueur aux autres parties. Et ne s'employent pas seulement à se regir & gouverner elles seules, & ne prouffient pas seulement à elles seules, mais espendent aussi & transmettēt de toutes parts d'autres esprits, (cōme pourroyent descouler ruisseaux d'une fontaine qui seroit au sommet d'une montagne) pour soustenir, maintenir, demener & temperer le corps, & luy donner force en toute abondance: & entre toutes les autres parcelles, defendent, garantissent & temperēt les parties du corps. Car le cœur est le nourriffier, commencement & fontaine de la faculté vitale: iceluy par les tuyaux des artères, comme vn rayon, enuoye & distribue la  
cha

chaleur naturelle de la vie, dont il est la source, par toutes les parties du corps en general. Du cerueau procede l'esprit animal, & l'espard par les nerfs, comme par quelques tuyaux, parmi tout le corps, pour luy donner sentiment & mouuement. Le foye soustient la faculté naturelle, dont par les venes chacune partie du corps reçoit nourriture, ou, si tu aimes mieux, d'ot sort ce qui a pouuoir d'alimenter, si toutefois tu m'accordes qu'il y ait quelque esprit naturel. Les testicules fournissēt aux masles de force pour labourer & mettre hors le sperme, & par vne nature secrette & inspiration cachee leur donnēt vne inexplicable operation & efficace propre & commode à la generation de leurs semblables, & mesmes remplissent tout le corps de force & puissance, comme estants des principaux

cipaux visceres , ou entrailles. Ce qu'on cognoist fort bien par experience. Car ceux qui les ont foibles, empeschez, corrompus ou retranchez & coupez, ilz degenerent en vne nature du tout feminine, visage veix & actions. Et non sans cause: car on dit qu'ilz sont tesmoins de la virilité, dont ilz ont le nom de testes, ou testicules.

V R A N. Je di à Dieu aux escholes des philosophes. Pour vray i'ay aujourd'huy plus acquis de sçauoir sous toy, Æsculape, que aucune academie ne m'en eust sceu mettre en la teste en l'espace de trois ans, en disputant & raisonnant. Mais escoute encores. Venus est douee de certaines facultez, dont mesmes les actions, par maniere de dire, avec le mouuement, rayon & esprit sont de beaucoup differentes avec celles de Saturne: & celles de Iupiter avec

4  
Les parties  
des cieux,  
ou les es-  
toilles, .  
sont d'une  
nature & de  
temperature  
diuerse  
l'une de  
l'autre,

celles de Mars : celles de la Lune avec celles du Soleil : & ainsi conséquemment des autres.

Les parties  
des corps  
des hom-  
mes sont  
d'une na-  
ture & té-  
perature  
diuerse l'y-  
ne de l'au-  
tre.

**Æ s c v l.** Quasi de mesmes, Vranie, l'os est composé, soustient & reçoit vne substance du tout autre que celle du nerf, & le nerf, autre que celle de la chair : la teste, autre que celle du pied : le thorace, autre que celle des bras : le cœur, autre q̃ celle du ventricule : en somme, chaque partie similaire, organique & instrumentaire a des esprits, facultez & actions différentes, & la substance de l'humidité & chaleur données de nature à chaque parcelle, est diuerse de l'une à l'autre. Et cōbien que ce soit chose tresueritable, si est-ce q̃ possible te pourra elle, & à beaucoup d'autres aussi, sembler absurde & non croyable : par ce que ie fay comparaison des choses incorruptibles avec les corruptibles,

des

des diuines avec les humaines, & des materielees avec celles qui ne sont composees d'aucune matiere. En quoy si ie fay & si i'ay faict ou feray cy apres, quelque faute, ie croy que de ta grace tu m'as pardonné aussi aisement & d'aussi bon cœur que ie te voudrois pardonner de bonne volonté en vne matiere & argument semblable. Ce que ie redi souuent, Vranie, sachant que ie ne suis pas irreprehensible.

V R A N. Aye bon courage, Æsculape, & ne t'ennuye point, ie te prie, d'enseigner & de donner à entendre les secrets de nature. Tu scais fort bien qu'il n'y a rien qu'il soit parfait, accompli & approuué en tout & par tout. Si tu allies & conioints si doctement les parties du corps avec tous les ciens, tu te peux aussi allier & conioindre aisement & moy & tous les esprits des hom-

mes, & acquerir leur bonne grace. ce que toutesfois ie sçay bien estre donné & octroyé à peu de gents, & sur tout à ceux que Iupiter tó ayeul tout bon & tout puissant a ayez, leur estant propice & fauorable. Au reste, de peur que ie ne m'esgare de mon chemin, tu scais bien, *Æsculape*, que toutes les planetes sont tellement cōposées avec les estoilles, mesmes depuis leur premiere creation, qu'elles ne s'esbranlent iamais du debuoir auquel elles sont tenues: & qu'elles sont tellement affectionnées au bien des hommes, qu'elles ne refusent iamais d'aller & de reuenir pour l'amour d'eux & de leur bien: & qu'elles obeissent tellement à ce bas monde, avec la conduicte de leur mouuement & rayons, & esprit occulte & caché, qu'elles ne luy refusens iamais de bailler ses viuisques & diuins feux & lumieres, sans

Toutes les  
estoilles  
du ciel a-  
vec leurs  
rayons &  
esprits s'é-  
ploient à  
defendre,  
maintenir  
& garétir  
l'vniuersité  
des biens  
de la terre.

sans discontinuation aucune, comme si elles auoyent conspiré & iuré ensemble de luy rendre perpetuelle obissance.

*Æscv l.* Qui est celuy, Vranie, qui ne sache bien que tout ce que tu viens de dire peut estre accommodé à ceste oulomelie du corps de l'homme (comme parle mon Hippocrate, digne de tout honneur & reuerence) ou biẽ, si tu aimes mieux, à tout ce bastiment & formation dudiẽt corps? toutes les parties duquel semblent auoir esté des la premiere composition, si bien adiancées, mises par ordre, & assemblees avec leurs facultez, & conformees avec telle harmonie, que par la cõduicte des esprits, lesquels, moyennant la chaleur naturelle, les gouvernent & conduisent comme par la bride, il n'y a aucune minute de quelque heure que ce soit, en la-

Toutes les parcelles des corps humains, les esprits aussi & sa cultez, s'employent à defendre, maintenir & garantir l'vniuersité des choses corporelles.

quelle elles cessent, ou entremettēt tant soit peu, le debvoir auquel elles sont tenues, ni leurs propres actiōs, sinon que d'adventure leur suruienne quelque maladie ou accident, ou qu'elles soyēt desbauchees en quelque autre sorte : se rendants telle obeissance mutuelle que iamais elles ne refusent de s'employer à l'entretenement & tuteile de tout le corps , sans aucunement discontinuer leur train accoustumé : & se faisant service l'vne à l'autre en sorte que iamais elles ne se lassent ni ennuyent de defendre & maintenir en son estat l'vniuersité du corps de l'homme, iusques au dernier acte de la comedie humaine : comme si elles auoyent conspiré & iuré ensemble de luy rendre perpetuelle obeissance En quoy qui sera ce qui n'admirera l'art & industrie singuliere de Dieu & de ceste grāde ménagerie

nagere nature? Qui sera ce qui n'embrassera, n'aimera & n'honorera la grande bonté, pieté & providence à l'endroi& du genre humain?

VRAN. C'est maintenant, Æculape, que ie cognois par experience que ce que lon dit communemēt, est veritable, à sçauoir, D'ignorance procede admiration. J'ay iusques à present ignoré la maiesté & dignité du corps de l'homme: & pourtāt ie m'esbahissois que c'estoit que l'homme, & pourquoy il s'enorgueillissoit si fort par dessus tous autres animaux: mais maintenant que tu en discours bien amplement, ie ne m'en esbahis plus. Mais que veut dire que toutes les parties du Ciel reluyantes (nomme les, s'il te plaist, estoilles) pour defendre & temperer toutes ces choses basses, ont sur tout faute de deux choses à sauoir du mouuement & de l'esprit, qui fait

6  
Les estoilles du ciel ne peunēt estre sans mouuement & esprit.

remuer toutes choses, lesquelz sont incessammēt accōpagnez de rayōs?

*Æscvl.* Et que veut dire ceci,

Les parties  
des corps  
des hōmes  
ne peuuent  
estre sans  
quelque  
mouemēt  
& esprit.

Vranie, que toutes les parties & parcelles du corps de l'homme, ont sur tout faute de l'aide & secours du mouuement & esprit des artteres qui sont cause du poulx, & des venes de pulsation, pour se temperer elles mesmes, & defendre & maintenir tout le theatre du corps en son harmonie? lesquelles sont inseparablement & sans cesse accompagnees de l'esprit & chaleur naturelle. Je ne parle point icy du perpetuel coulement, ni du continuel mouuement de la triple substance, solide, charneuse & spiritueuse; ni pareillement de l'habitude du corps, propre & cōmode à couler, inspirer & respirer, comme mes nourrissons Hippocrate & Galien, l'ont fort bien (comme toutes autres choses) ensei-

seigné à leur posterité.

**V R A N.** Il ne faut pas oublier, <sup>7</sup> Les parties du Zodiaque s'ont de diuerses qualitez. **Æsculape**, que ces parties de Zodiaque, qu'on appelle signes, ont des qualitez diuerses de l'une à l'autre, desquelles procede l'estat par lequel toutes choses sont engendrees & corrompues.

**Æ s c v l.** Aussi ne faut il pas oublier, **Vranie**, que les parties du corps de l'homme sont composees de temperaments & qualitez diuerses de l'une à l'autre, desquelles procede l'estat par lequel les choses qui sont en luy sont engendrees & corrompues. Car tout ainsi cōme l'humide & le sec, le froid & le chaud ne peuuent estre en vn mesme subiect (comme dient les philosophes) sans quelque milieu: aussi en prend il de mesmes au ciel & au corps. Et pourtant les anciēns ont fort bien & proprement mōstré qu'entre les signes

de ton Ciel (aussi bien qu'entre les parties du corps) les vns sont froids & humides, les autres secs & chauds, d'autres aussi froids & secs, & autres chauds & humides: ce que leurs successeurs ont remarqué & approuvé.

8

Entre les  
estailles  
du ciel, les  
vnes sont  
simples,  
les autres  
côposées.

**V R A N.** C'est tresbien dict, **Æsculape**: mais il y a au ciel quelques parties qui sont simples, côme sont le Soleil, la Lune, Venus, Mars, Jupiter, Saturne, &c. d'autres qui sont composées, comme l'Orion, le Taureau, le Bouvier (ou Bootes, ou Artophylax) le Lyon, les deux Ourfes, la Vierge, le Loup, & autres images de telle peinture.

Entre les  
parties du  
corps de  
l'homme,  
les vnes  
sont sim-  
ples, les au-  
tres com-  
posées.

**Æ s c v l.** Pareillement entre les parties du corps humain les vnes sont simples, ou similaires (c'est à dire qui ne sont nullemēt composées, mais telles que nature les a faites & engendrées des premières quali-

tez des elements) comme les nerfs, venes, arteres, os, la cartilaigne, graisse, moelle, membrane, ligament, chair simple, & autres semblables: les autres sont composees des parties susdictes, & s'appellent dissimilaires, organiques, ou officielles, & instrumentaires, comme le cœur, le foye, le cerueau, la rattelle, le ventricule, le poulmon, & autres telles parties qui ont receu de nature si bonne composition & conformation, qu'elles peuuent satisfaire à quelque parfaicte action du corps de l'homme.

V R A N. Toy qui es si bien instruit en toutes sciences, tu n'es pas sans sçauoir que toute la troupe, vrayemēt diuine, de toutes les spheres & estoilles du Ciel, 'obeissent soubdainement & promptemēt au cours & mouuement du plus réculé & eslongné d'entre les corps celestes,

9  
Toutes les parties ou estoilles du ciel obeissent au commandement & mouuement d'un.

stes, meſmes à ſa premiere ſemonce.  
Qu'y a il au corps de l'homme de  
ſemblable à ceci?

Toutes les  
parties du  
corps obe  
iſſent au  
cômande-  
ment &  
moue-  
mēt d'un.

Æ s c v l. La maieſté de la facul-  
té animale, ou ſenſuelle (de laquelle  
depend le ſens & mouuement) Vra-  
nie: & n'y a aucun (ſinon qu'il ſoit du  
tout ignorant de philoſophie) qui  
ne ſache bien que tout le theatre du  
corps, avec toute l'admirable multi-  
tude des parties & parcelles qui en  
dependent, n'obeiſſe promptement  
& en toute diligence au comman-  
dement de ladiſte faculté, ſinõ que  
d'aduenture il n'en ſoit empesché  
d'ailleurs: & ne ſe prepare & diſpoſe  
au mouuemēt d'icelle, quelque pe-  
tit qu'il ſoit, & le ſuyue, meſmes à ſa  
premiere ſemõce, tout ainſi que les  
ſoldats ſ'appreſtent quād les trom-  
pettes ſonnent pour liurer la ba-  
taille.

V R A N. Ie me repens, & meſ-  
mes

mes ay honte, de m'estre prise au-  
 iourd'huy si temerairement & à la  
 volée à disputer avec toy. Toutes-  
 fois tu dois estimer que ie l'ay fait  
 poulsee d'une singuliere affectiō &  
 desir d'apprendre & nō point pour  
 te vaincre. Et pourtant, à fin que tu  
 me faces entendre le reste, ie te pro-  
 pose les reneees des estoilles fixes,  
 qui sont en nombre infini, & mes-  
 mes de celles qui vont & viennent:  
 & t'allegue leur grandeur, rayons,  
 situation, & qualitez, lesquelles ne  
 se correspondent pas l'une à l'autre  
 également en tout & par tout. De la  
 vient que celles qui sont plus basses  
 & plus pres de nous ne sont pas  
 tousiours & ne produisent pas par  
 tout de mesmes & semblables  
 choses.

**A s c v l.** Aussi les parties du  
 corps de l'homme, tant les similai-  
 res que les organiques ou instrumē-  
 taires,

IO

Les estoil-  
 les du ciel  
 ne se cor-  
 respondēt  
 pas é tout  
 & p tout,  
 & ne sont  
 pas de mes-  
 mes ceu-  
 ures ni sé-  
 blables l'y  
 ne à l'au-  
 tre.

Les parties  
 du corps  
 ne se cor-  
 respondēt

pas & tout  
& p tout,  
& ne font  
pas de mes-  
mes oru-  
ures, ni se-  
blables l'y  
ne à l'au-  
tre.

taires, lesquelles comme elles sont  
en fort grand nombre, aussi ne re-  
présenteront elles pas mal à propos  
la belle troupe des estoilles fixes &  
des planetes: elles sont diuerses &  
differentes entre elles en reng, en  
grandeur, situation, qualitez, nôbre,  
figure & liaison: & sont employées  
à diuers offices (comme aussi elles  
sont diuerses) mais toutesfois qui  
consonent & correspondent chacū  
à sa partie: & n'ont pas toutes de  
mesmes & semblables actiōs, non-  
obstant qu'elles soyent toutes con-  
stituees en vn & mesme corps, aussi  
bien que tes estoilles fixes & qui ne  
se bougent d'vne place, sont en vn  
& mesme ciel.

II

Le Soleil  
s'appro-  
chât ou se  
reculât de  
la terre, be-  
songne en  
beaucoup

V R A N. A la mienne volonté  
que quelque Dieu me conuertist  
tout à ceste heure en Platō, Æscula-  
pe, ou que plustost il infusast & di-  
stillast dans moy le sçauoir, subtili-  
té &

té & ingeniosité de Platon : certainement tu disois n'auoir pas affaire avec vne femme. Quoy que ce soit, selon ce que Ptolemee a escript, ou plustost selon ce qu'on voit par experience, il est certain que Mars est chaud, parce qu'il est voisin du soleil, qui est la fontaine de chaleur: & la lune froide, parce qu'elle est eslongnee de luy.

de sortes à l'endroit des parties d'icelle.

**A s c v l.** Semblablement le foye, vendu & deliuré à Mars, Vranie, est chaud, par ce qu'il n'est gueres loing du cœur, qui est nourrisseur & fontaine de la chaleur: & le cerueau vendu & expedié à la lune, est froid, par ce qu'il est bié loing de luy. combien que ie sache fort bien que mes medecins baillent de plus vrayes & plus probables raisons de ces choses.

Le cœur besongne en beaucoup de sortes à l'endroit des parties d'où il est pres, & de celles dont il est loing.

**V R A N.** Maintenant puis ie bié esperer tout ce que ie vouldray, plustost

12  
Les qualitez des estoilles.

est des sim-  
ples q̄ des  
cōposées,  
sont diuer-  
ses.

stost q̄ de gaigner. Or sus: Mars est plus chaud que Saturne, & reciproquement Saturne est plus sec que Mars: aussi la lune est plus humide que Venus, & Venus plus froide que la lune. Autant en peut on dire des estoilles qui ne se bougent d'un lieu, & qui tiennent des qualitez & nature des planetes. Car les Hyades sont plus humides que le Sirien ou Canicule: & la Canicule plus seiche & plus chaude que l'Orion. D'auantage l'Arcture de Boötes est plus chaud que toute l'Escruffe: & ainsi des autres.

*E s c.* Quasi de mesmes, Vranie,

Les qua-  
litez des  
parties du  
corps tant  
des sim-  
ples q̄ des  
cōposées,  
sont diuer-  
ses.

les parcelles qui forment & facon-  
nēt le domicile de l'homme, sont dif-  
ferētes de l'une à l'autre, quād à leurs  
qualitez & temperament. Car le  
poil est plus sec & plus froid que  
l'os, & apres luy, la cartilage, & ce  
que les Grecs, comme dit mon Ga-

lien,

lien, appellent chondrosyndesme (c'est à dire liaison de cartilage.) d'aduantage, la chair est plus humide & chaude q̃ la peau, & la moelle de l'espine est plus humide & plus froide que ces deux là: au surplus, le cerueau est beaucoup plus humide quel'vne & l'autre, & la graisse plus que le cerueau: laquelle graisse se fige & congele, & s'engēdre au corps de la plus grasse & oleuse substance du sang, passant & resudant à trauers de la membrane des veines plus deliees, & adherente & apposee aux parties maigres & seches, à raison d'amoitrir & humecter soudainement les parties qui sont desseches & endurcies par cōsompção de l'humidité naturelle: comme en longues ieunes, exercices vehementes, chaleurs immoderee. La chair, le sang, & l'esprit sont douez d'vn temperament chaud & humi-

de: mais en sorte que l'esprit est fort chaud, puis apres le sang, & en fin la chair. Que si tu trouues bon de l'approprier aux parties organiques ou instrumentaires, dissimilaires, & composees (lesquelles, comme i'ay dict, representent aucunement l'image & semblance de la huitiesme Sphere) ier'en monstre le chemin en peu de parolles. Le cœur est la partie la plus chaude que l'homme ait, lequel est fort sanguin, & par consequent humide: le foye luy est proche voysin: en apres le poulmō, qui est chaud, humide & escumeux. Les reins sont chauds & humides avec la ratte: & ainsi consequēment des autres parties.

13

Les parties  
de la terre  
sont réfor-  
cies, alimen-  
tees & ma-  
intenuës  
par trois

V. R. A. N. Je n'auois iamais ouy d'aucun iusques à ce iourd'huy, Esculape, vne si exquise philosophie, & si docte exposition des parties du corps de l'homme: mais il sera bon

de.

de te transporter ailleurs. Tu sçais bien que chaque parcelle des choses de la terre, qui est nee pour estre nourrie, ou pour produire en lumiere quelque chose, a sur tout besoing de trois choses qui sont au ciel, & procedent de là comme i'ay monstré cy dessus) à sçauoir de lumiere, mouuement & vent salutaire, venant du Ciel, & s'espandant de tous costez: ou biẽ, si tu aimes mieux que ie parle Peripatetiquemẽt, d'une tiedeur & esprit celeste, iectant & infusant son haleine par tout & surtout, nourrissant & renforçant toutes choses.

Æ s c v l. Tu sçais bien aussi, Vranie, que chacune parcelle du corps de l'homme, qui doit produire en lumiere ses actions, ou auoir le moyen & cõmodité d'estre nourrie & alimentee, a sur tout besoin de la force, mouuement & vibration

choses qui  
sont au  
ciel.

Les parties  
des corps  
sont resor  
cies, alime  
tees & ma  
intenues  
par trois  
choses qui  
sont au  
corps.

de trois esprits qui sont au corps, comme d'un certain rayon reluy-sant: à sçavoir (comme j'ay monstré cy dessus) de son humidité, chaleur naturelle, & esprit qui luy tient perpetuelle compagnie.

V R A N. O trois, voyre quatre fois heuteux, ie ne diray pas Hippocrate, qui est originaire de toy, Esculape: mais bien aussi tous les medecins, tant qu'ilz sont, qui te reuerent & honorent comme leur auteur, illustrateur, tuteur & garant.

14

Le Soleil  
& les planetes  
se font  
uent des  
signes du  
ciel.

Aureste, tu ne me nieras pas (côme j'estime) que le soleil & les autres planetes (par le moyen desquelles toutes choses basses se meuuent) se seruent de l'aide & soulagement des signes mesme du ciel: du Belier, die, du Taureau, des Gemeaux, &c. pour proportionner & maintenir en estat les biés de la terre: & qu'ilz sont bien aises de recepuoir aide &

support d'eux.

**ÆSCVL.** Pareillement ne me nieras tu pas, (comme i'estime) Vra-  
nie, que le cœur qui est au corps de  
l'homme, avec les autres viscères ou  
entrailles, se sert des venes, artères,  
nerfs, fibres, petite peau, & de la  
chair meisme: & qu'il requiert l'aide  
& support de toutes lesdictes par-  
celles pour proportionner & main-  
tenir en estat ce qui est au corps.

Le cœur &  
les entrail-  
les se ser-  
uent des  
parcelles  
du corps

**V R A N.** Certainement tu es  
merueilleux, Esculape, & le plus  
prompt à répondre, & plus inge-  
nieux à inuenter d'entre tous les  
dieux que i'ay iamais ouy parler: &  
pourtant, selô la graciuseté qui est  
en toy, tu endureras bien que ie te  
propose encores ceci en peu de pa-  
rolles. Il est bien certain que tout ce  
qui est sous le ciel est fort bien &  
brauement maintenu en son estat  
par le mélange des effects de cha-

15  
Les choses  
de la terre  
sont main-  
tenues en  
leur estat  
par le mel

range des  
effets de  
chaque  
planete.

cune planete, comme de Iupiter, Saturne, Mars, Mercure, Venus, la Lune, & mesmes du Soleil qui cōduit & gouverne le tout, & est le protecteur & comme gardefeu de toutes choses.

Les parcelles du corps sont main-  
tenues en  
leur estat  
par le mel-  
lange des  
effets des  
visceres.

**Æ s c v l.** Aussi est il bié certain, Vranie, que toutes les parcelles du corps sont fort bien & brauement maintenues en leur estat par le melange des effets des visceres, ou entrailles, comme du foye, de la ratte, ventricule, poulmon, cerueau, testicules, & mesmes du cœur, les conduisant & gouvernant toutes, comme la plus noble & principale partie du corps.

16

Les feux  
celestes se  
seruēt des  
elements.

**V R A N.** Pour vray tu me fais bien maintenant cognoistre que ce qu'on dit communement est vray, **Æsculape**, Les enfans tiennent des meurs & complexions de leur pere. **Apollo** est auteur & pere de l'art de mede

medecine, *Æsculape* en est docteur & expositeur fort diligent. Mais di moy cependant: les feux celestes se seruent des elements, cōme de leurs instruments & matiere: desquels a esté formé & patronné l'homme mondain & mortel, & par lesquels & dās lesquels il se maintiēt en vie.

*Æscul.* Quasi de mesme, *Vranie*, l'entendement humain du corps humain, ou si tu aimes mieux, l'esprit humain, se sert des esprits & sens, cōme de ses instrumēt, par lesquels (à peine l'ose-je dire) il est formé & façonné, & se maintiēt en vie.

*Vran.* Or bien, *Æsculape*, ceste incomprehensible societé & alliance entre les cinq planetes, combien qu'elle soit diuerse, toutesfois sous la conduicte de ces deux capitaines, le Soleil & la Lune, avec vne infinité de rengées d'estoilles fixes, s'accorde, consent & conuiēt

Les entea-  
demēt hu-  
mains se  
seruēt des  
esprits.

17

Il y a va-  
merueil.  
Leux ac-  
cord & cō-  
sentement  
entre les  
parties du  
ciel (non-  
obstāt qu'  
elles soyēt  
diuerfes)  
pour la de

Defense & tui-  
tion des  
biens de la  
terre.

en toutes sortes pour la propaga-  
tion, defense & tutelle, generation,  
mouuement & lumiere de ces cho-  
ses basses, & pour espandre les rayõs  
sur icelles, sous vne diuerse & va-  
riable grandeur, figure & situation,  
comme il a esté souuentefois dict.  
Qu'est ce q̃ ceci trouuera au corps  
de l'homme qui luy ressemble?

Il y a vn  
miracul-  
leux ac-  
cord & cõ-  
sentemẽt  
entre les  
parties du  
corps (nõ-  
obstãt qu'  
elles soyẽt  
diuerfes)  
pour la de-  
fense & tui-  
tion des  
choes cer-  
porelles.

**A s c v l.** L'inenarrable socie-  
té, proportion & consentement de  
toutes les parties du corps tant in-  
terieures qu'exterieures (nonobstãt  
qu'elles soyẽt diuerfes) pour defen-  
dre & garantir l'vniuersité du mi-  
crocosme (c'est à dire petit monde)  
laquelle luy est grandement proufi-  
table. Car soit que tu consideres la  
grandeur d'icelles, ou leur nombre,  
ou figure, situation, cõnexion, mou-  
uement, ou actiõ quelle qu'elle soit,  
tu trouueras que le but de toutes est  
de maintenir & defendre bien seu-  
rement,

rement, & le plus songneusement qu'il leur est possible, l'œconomie & estat de tout le corps: & qu'elles s'accordent, consentent & conuiennent en toutes sortes pour luy aider & dōner support. En quoy, Vranie, qui sera celuy qui ne vōdra admirer, reuerer & aimer plus d'une fois, voyre cent, & mille & mille fois la souueraine bonté de Dieu enuers l'humain lignage, & de ceste grande mesnagere nature dont il se sert?

V R A N. O le grand Dieu, & en plusieurs sortes admirable, qui a si parfaicte cognoissance des plus cachez secrets de nature! Dequoy te soubris tu, comme si tu auois gagné? Croy moy, ce n'est pas grand cas, qu'un Dieu ayant barbe gagne vne simple fille & pucelle: combien que tu n'ayes pas encores gagné la victoire. Or sus: ie te mets deuant les yeux pour contempler les estoilles

18

Les biens  
de la terre  
sont sur  
tout entre-  
tenus &  
maintenus  
en leur e-  
stat par le  
moyé des  
deux plus  
grandes e-  
toilles du  
ciel.

errantes, & mesmes celles qui ne  
bougent d'une place, tant les gran-  
des que les petites, partants du so-  
leil & de la lune. Quand tu apper-  
çois, quand tu prens garde que ceste  
lamiere viuifique & nourriture tres  
agreable est par le moyen de leur  
rayon & mouuement infusée & re-  
spandue par l'air sur toutes choses  
basses & terriennes, di moy, ie te  
prie, que c'est que tu penses auoir  
deuant les yeux d'entre les depen-  
dences du corps de l'homme?

Les parties  
du corps  
sont sur  
tout entre-  
tenues &  
maintenu-  
es en leur  
estat par le  
moyé des  
deux plus  
grandes  
veines.

Æ s c v l. Plusieurs petites ve-  
nes, & capillaires, & mesmes les  
grandes venes du corps, Vranie, les-  
quelles reçoquent des deux grâdes,  
que l'on nôme maistresses & prin-  
cesses, à sçanoir de la vene caue, ou  
cœcaue, & de la vene porte, côme  
de deux notables ruisseaux, tout  
l'appareil, aliment & nourriture du  
corps, moyennant la conduiète de  
leurs

leurs voyturiers, à sçauoir du mou-  
uement & de l'esprit: & la portent,  
distribuent & espanchent par cha-  
cune partie dudit corps.

**V R A N.** Tant plus que nous cō-  
tinuons à deuiler, tant plus me sem-  
bles tu tousiours admirable. Au re-  
ste, toutesfois & quantes que tu cō-  
sideres de nuict le ciel si richement  
paré & garni de tant de diuerses  
parties & estoilles: de grandes, di-  
ie, de petites, de blanches, de brunes,  
de resplendissantes, d'obscures, &  
d'autres, que remarques tu, ou que  
peux tu conceuoir en ton esprit de  
semblable de tout ce qui est au  
corps?

19  
Les parties  
ou estoil-  
les du ciel  
sont fort  
différentes  
de l'une à  
l'autre.

**Æ S C V L.** Tout ledict corps de  
l'homme; Vranie, paré & garni de  
venes, arteres, nerfs, viscères ou en-  
trailles, intestins, fibres, muscles, tē-  
dons, os, ligaments, membranes,  
graisse, chair & peau: & de plusieurs  
par

Les parties  
du corps  
humain  
sont fort  
différentes  
de l'une à  
l'autre.

parcelles diuerſes, différentes & de pluſieurs couleurs, comme de blanches, brunes, jaunes, palles, rougeâſtres, grandes & petites.

20

Les parties  
ou eſtoil  
les du ciel  
ne ſe deſ-  
pouillent  
pas du to-  
ut de leur  
propre ré-  
perature  
& nature.

V R A N. Tout cela ne va que bien, *Æſculape*: ſi non que tu meſles par fois tes choſes profanes parmi les miennes ſainctes, & fais compariſon des vnes aux autres: toutes-ſois tu en as demandé congé, & ie te l'ay oſtroyé. Mais que veut dire que le rayon de *Venus*, nonobſtant qu'il ſoit propre & commode à tous animaux pour la generation de leur ſemblable, & bien accompagnable, ne ſe peut toutesſois tranſmuer entierement en la nature de *Mars*, mal-faiſant & ſanguin? ni pareillement la ſalutaire inſpiration de *Iupiter* en la pernicieuſe & dōmageable froideur & aſpreté de *Saturne*?

Les parties  
du corps  
ne ſe deſ-

Æ s c v l. Et que veut dire, *Vra-*  
*nie*, que l'oſ ne ſe peut tranſmuer en

la substance des nerfs, ni le nerf en la nature de la chair, ou de la gresse: ni le foye en la substâce du cerueau: ni le poulmon en la matiere de la rattelle?

**V R A N.** C'est merueilles que tât de parcelles du ciel, qui sont par tout differentes & de diuerſes sortes: ou, si tu veux, l'infinie multitude des estoilles, tant des errantes que de celles qui ne se bougent, tant des nobles q̃ des ignobles, ont vn certain accord & consentement mutuel entr'elles, se font seruire l'vne à l'autre, attrempent & elles & les biens du mode, & s'entr'aident, cōme ie le voudrois bien monſtrer en peu de mots, si ie ne craignois de faire ce qui a ia esté fait. Que me diras tu de semblable à ceci?

**Æ S C V L.** Plusieurs differētes & diuerſes parties du corps, tant nobles qu'ignobles. Car il y a vn merueil

pouillent pas duto-  
ut de leur  
propre na-  
ture.

21

Il y a vn  
mutuel ac-  
cord & cō-  
sentemēt  
merueil-  
leux entre  
les estoil-  
les du ciel,  
q̃ sont en  
grand nō-  
bre: & s'at-  
trempent  
l'vne l'au-  
tre.

Il y a vn  
mutuel ac-  
cord & cō-  
sentemēt

merveil-  
leux entre  
les parties  
du corps,  
q sont en  
grand nō-  
bre, & s'ar-  
trempent  
l'une l'au-  
tre.

ueilleux consentement entre elles,  
& se font service l'une à l'autre, &  
s'attrempent mutuellemēt; & s'en-  
tr'aident. Ce que ie te veux declarer  
plus familièrement. Le ventricule  
preparé, cuit & laboure la nourritu-  
re & chyle au foye: car l'office &  
action du ventricule est ce que l'on  
appelle chylicification: qui est la con-  
uersion ou trāsmutation de la vian-  
de receuë, & cuitte à perfection, en  
vne substance blanche, que l'on ap-  
pelle chyle. Semblablement le foye  
fournit de sang & chaleur (moyen-  
nant l'esprit) au ventricule, & aux  
autres parties: car du foye, qui est  
l'officine ou boutrique du sang, sort  
ce qui donne alimēt à chacune par-  
tie du corps. Le poulmon attire &  
apporte l'air exterieur au cœur, & le  
distribue à la substance d'iceluy, &  
le cuit, laboure, & repurge: lequel  
poulmon aucuns dient auoir esté

faiçt

fait pour la refrigeration & defen-  
 se du cœur. Au surplus le cœur four-  
 nit de sang attenué & spiritueux,  
 fort propre & idoine pour la nour-  
 riture du poulmon : & ainsi conse-  
 quemmēt. Et que veut dire aussi que  
 les yeux esclairants aux pieds, leur  
 monstrent le chemin : que veut dire  
 que les mains defendent & garan-  
 tissent les yeux, & leur seruent de  
 defense & garniture pour repousser  
 & reietter tout ce qui pourroit  
 cheoir par dehors dans iceux ? Qui  
 est ce qui ne voit biē que la bouche  
 vestue & garnie de dents, n'aide de  
 son costé au ventricule, ou foye, &  
 pour dire en vn mot, à toutes les  
 parties du corps, en incisant, coup-  
 pant & maschant les morceaux mis  
 en la bouche : & qu'aussi quand elle  
 est nourrie, elle reçoit par elles aidē  
 & secours ? Ainsi donques toutes les  
 parcelles du corps, aussi bien que  
 celles.

celles du ciel, s'entr'aident, se temperent l'une l'autre, & se font mutuel seruice.

**V R A N.** Je m'esbahissois bien si i'en reschapperois à si bon marché.

21  
Il y a vn  
cōmence-  
mēt & fin  
au Zodia-  
que.

Mais, ô que ie suis oublieux ! l'auois quasi oublié le cercle portesignes (ou le Zodiaque) d'une si grande multitude, comme a escript ton Trimegiste: ce qu'il ne faut pas faire. Quand tu entends dire qu'il est terminé & borné par le Belier & les Poissons, comme par son commencement & fin (si toutes fois tu veux donner cōmencement & fin à vn cercle) que te proposes tu de semblable de ce qui est du corps de l'homme?

vn  
cōmence-  
mēt & fin  
au corps  
de l'hom-  
me.

**Æscvl.** Tout le corps même, borné & limité par la teste & les pieds: lesquels membres sont par l'autorité des anciens védus & expédiez aux signes célestes.

**V R A N.** Mais ledict cercle portesignes

reſignes (ou Zodiaque) *Æſculape*,  
 auquel ſelon l'auiſ des *Péripateti-*  
*ciens*, eſt le chemin de vie & de  
 mort, eſt faiſt & compoſé de trois  
 fois quatre (qui font le nombre de  
 douze) ſignes, qui repreſentét la na-  
 ture & cōplication des quatre ele-  
 ments, pour muſtionner & temperer  
 diuerſemét ces choſes baſſes & ter-  
 riennes. Le premier nōbre de quatre  
 ſe finit par le Belier, le Taureau, les  
 Gêmeaux, & l'Eſcreuiſſe. Auquel  
 nombre le premier ſigne eſt du feu,  
 le ſecond, de la terre, le troiſieſme,  
 de l'air, le quatrieſme, de l'eau. Je  
 laiſſe paſſer les autres nombres de  
 quatre, temperez de meſme ſorte, à  
 fin que ie ne t'ennoye. Car tu les co-  
 gnois auſſi bien comme ta tante  
*Diane* cognoiſt (comme l'on dit) ſes  
 chiens. Mais di moy, que trouueras  
 tu au corps de l'homme pour para-  
 gonner & comparer à cec?

23

Les parties  
 du Zodiaq  
 ſont diuer  
 ſement di-  
 ſtribuees  
 ſoubz di-  
 uerſes qua-  
 litez.

Les parties  
du corps  
de l'homme  
sont diuer  
sement di  
stribuees  
soubz di  
uers tem  
peramēts.

Æscvl. Tout le mesme corps, Vranie, lequel est fait & composé de trois fois quatre parties, qui portent & reprelennent la nature & cōplication des quatre elements, pour missionner & temperer diuersemēt les parcelles du corps. Le premier nombre de quatre est compris en la premiere & plus haute partie du corps, à sçauoir en la teste : laquelle en contient autres quatre (aussi bien que le premier nombre de quatre de tes signes) A sçauoir en premier lieu la veuë, qui tient du tout du feu, auquel correspond le Belier, que les philosophes des choses celestes diēt estre de la nature du feu. D'aduan tage le flairement, qui est aucuncement participant de la nature de la terre, comme aussi le Taureau celeste. Pour le troisiēsme est l'ouye, laquelle on dit estre entierement de l'air, aussi bien que les Gemeaux. Le dernier

dernier est le goust, qui est aucunes-  
mēt de la nature de l'eau, telle qu'est  
l'Escreuille au ciel. Aussi le Thorace  
(qu'on appelle poitrine, ou corse-  
let, ou buste ou fust du corps) qui est  
le second nombre de quatre, con-  
tient aussi quatre autres parties, cō-  
me fait le Zodiaque. Auquel se pre-  
sente pour le premier le cœur: le-  
quel est (comme ont dit mes nour-  
rissons Hippocrate & Galien) tous-  
iours ardent, telle qu'est la nature  
du Lion celeste. Secondement est le  
diaphragme (qu'aucuns nomment  
sept treuerfant, & d'autres, haye tra-  
uerse) lequel, à cause de sa force &  
espaisseur, tient quelque peu de la  
terre, comme la Vierge qui est au  
ciel. En troisieme lieu est la source  
des artères, lesquelles il est certain  
& notoire estre de l'air, mesmes par  
leur mouuement & pou!x, ou pul-  
sation, telle qu'est la Balace ou Zo-

diaque. Pour le dernier denombrement se presente le poulmō, lequel est phlegmatique, mollet, fangeux, spongieux, tenue, & aquatique cōme le Scorpion au ciel. S'ensuit le ventre inferieur, le dernier nombre de trois, si tu diuises le corps en quatre fois trois; lequel contient aussi autres quatre parties, comme fait tō Zodiaque. En cestuy ci se presente premieremēt le foye, qui est chaud, à cause du sang, comme aussi l'Archier, qui est le premier signe du troisieme nombre de quatre. En second lieu on rencōtre la rattelle, laquelle tient de la terre, & de la lie (de laquelle l'office & faculté est de mundifier & nettoyer le foye de ce qui est espez, comme lie) tel qu'est la Cheure, Tiercement le vëtricule, qui tiët de l'air, parce qu'il est chaud & humide, de laquelle nature est au ciel le Verseau. Pour le quatriesme  
 & der

& dernier lieu, sont les intestins, qui sont humides suffisamment, comme ont de coustume d'estre les Poissons. Et qui est celuy, Vranie, qui ne sçache bien qu'es susdictes parties reluit vne force & harmonie de tout le corps, aussi bien qu'au ciel?

**V R A N.** Soit que tu ayes appris d'Apollo, ou de Chiron, ou de Mercure, ou de quelque autre quel qu'il soit, la cognoissance des dependances du corps, & du ciel, tu les sçais aussi exactement qu'aucun Dieu ou homme mortel qui soit sous le ciel. De là vient que tu me rends toute estonnee. Je presseray toutesfois. Dismoy donques: tant de petits globes d'estoilles reluyantes, qu'aucun entendement ni pensée ne scauroit comprendre ni nombrer, quand ilz se confondent ensemble peile meile, & depeignent tant de diuerses figures (ie dirois mesmes volontiers,

24  
Les parties ou estoilles du ciel depeigné en haut quasi toutes les figures de geometrie.

toutes celles qu'on scauroit trouuer en geometrie) quand ils s'entrechoquent l'un l'autre, & sement & distribuent leurs rayons en diuerses façons & de tous costez : & quand elles se poullent & se hurent, & au moyen de leur mouuement & situation sont tantost droictes, tantost deuant, tantost derriere, tantost obliques, tantost pres, tantost loing, tantost à droict, tantost à gauche, d'aucuns anticipent, les autres suyuent, & tantost se monstrent, tantost se cachent, tantost s'en vont, tantost retournent, aucuns meurent soudain, aucuns bien tard, & par fois ne bougent d'un lieu, & les autres s'arrestent pour quelque temps : quand ilz s'entresaluent & regardēt à l'opposite l'un de l'autre, & monstrent d'auoir ou six angles, ou quatre, ou trois, ou en quelque autre forme, pour temperer & missionner les choses

choses basses, au moyen de leurs propres facultez: que me donnerôt ilz de semblable de ce qui est au corps de l'homme?

**Æ s c v l.** Les petits corps de venes, arteres, nerfs, tendons, filets, ou fibres, Vranie, Lesquelz quād tu vois qu'ilz trauersent & s'espandēt par tout le corps entierement, comme si c'estoyent quelques rayons: quand tu prens garde qu'ilz vont & viennent de haut en bas, de droit en oblique, de droit à gauche, & au cōtraire: ou plustost (si il est loysible de le dire) quand tu l'apperçois par le diuinement des chiromanciens (qui font profession de deuiner & dire ce qui doit aduenir à vn chacun en regardant les rayes des mains) & des pedomantiens (qui deuinent par celles des pieds) & metoposcopes (qui deuinent par les rayes & lineaments qu'on a au frōt & au visage)

Les parcelles des corps humains depeignent diuersement quasi toutes les figures de geometrie tāt interieurement qu'exterieurement.

quand tu le contemples es corps vivants, & es fibres, venes, & tendons qui sont par le moyé de l'esprit qui les maintient en vie: estendus par les mains, pieds, front, bras, en somme par tout le corps generalement: principalement en vn corps gresse, & maigre, & s'enuieillissant: ne te semble il point que tu as deuant les yeux quasi toutes les figures de geometrie? n'apperçois tu pas des lignes droictes, obliques, courbees, perpendiculaires, & paralleles, c'est à dire également distantes? Des superficies droictes & courbes? des angles, droicts, aigus, rebouchez, plains & vnis, solides, à lignes droictes, à lignes courbes, & meslez? Des cercles, demi-cercles, figures à trois costez, & à quatre, & autres figures ayants plusieurs costez? Des isosceles (c'est à dire qui ont les costez esgaux) & des scalenes, qui ne

les

les ont pas egaux? Des triangles, oxygones, qui ont les angles aiguz: des ambligones, qui ont les angles rebouschez:& des rectangles? Des quarrez, ou esquarris: des rhombes & rhomboïdes, qui ont les costez opposez esgaux,& les angles opposez esgaux,mais ne sont pas rectangles, ni æquilateres: des trapezies, qui sont quadrangulaires,ayās deux costez opposez inegaux, & les autres egaux,des pyramides, desquelles la figure est grosse par le haut,& peu à peu descend en poincte: des heliques, qui sōt lignes entortillees & entrelacees l'une dans l'autre:des cylindres,qui sont ronds & longs, en façon qu'on les puisse aisement rouller, & autres figures? Par le moyen desquelles choses l'admirable harmonie du corps de l'homme est maintenue & entretenue, & de diuers & differents organes,& de la

teneur des parties similaires, produient vne concordance entre icelles, laquelle se nomme Vie. Dequoy les hommes ne doyuent pas tant doubter comme souhaiter à grâdes prieres & requestes qu'ilz puissent vn iour contempler de leurs yeux (si possible est) tout ce qui est contenu dans le corps de l'homme, & le manier mesmes de leurs mains en vn corps soupirant encores. O qu'ilz verroyent logé dedans de merueilleux miracles de ceste grande menagere & architectrice nature ! ô qu'ilz trouueroyent vn domicile merueilleusement bien façonné, & vne geometrie bien compassée ! Je confesse bien qu'il est donné à l'art & industrie de l'homme de pourtraire & représenter l'homme exterieurement, & de le tailler, grauer & peindre. Ce qu'ont fait Apelles, Phidias, Praxiteles, Lysippus, Zeu-

xiz, & autres braues peintres, & renommez statuares, graueurs & sculpteurs. Mais de le pourtraire au uif & tirer au naturel interieurement: il n'est permis qu'à vn seul Dieu & à nature, de laquelle il se sert. Ce qu'aussi l'industrie & artifice de l'homme n'a iamais osé attenter ni entreprendre. Mais c'est assez parlé de ceci, Vranie: & pourtāt propose moy autre chose, quand il te plaira.

V R A N. Tant plus que nos discours s'aduancent, tant plus me fais tu faillir & la parole & la matiere, Æsculape: tant tu parles & respōds disertement, doctement & ingenieusement. Mais par ce qu'un propos amene l'autre, & que tu le commandes ainsi, ie t'allegueray les estoilles qui ne se bougent de leur place, lesquelles representent aucunement le vêt de bise, ou celuy de midy. Qui

25

Les rayons, esprits, & Qiōs & esperamens des parties du ciel, ou des estoilles, sont fort differens entre eux.

cit

est ce qui ne scait qu'elles sont différentes entre elles en rayon, forces, & inspiratiō? Et à fin que ie le prouue, qui ne scait bien que le pluuiex Orion, quand il se leue, ou quand il se couche, inspire autrement sur ces choses basses, & esmeut autres changements & commotiōs en l'air que le Siriē (ou la Canicule) qui par son hale rend les champs tristes & desolez? Qui est celuy qui n'apperçoit bien que les estoilles de l'Arcture, ou de la Lyre, iettēt vn autre rayon, & sont d'vne autre vertu & qualité que celles qui representent la figure des Pleiades, d'Andromede, & d'vn vautour, ou d'vn cygne?

Les esprits  
actions &  
tempera-  
ments des  
parties du  
corps de  
l'homme,  
sont fort  
différents  
entre eux.

Æs c v l. Qui ne scait bien aussi, Vranie, que cest esprit qui est dās les os, & par la présence duquel ilz se tiennent debout, & par l'absence, ilz tumbent à terre, ne differe pas seulement, mais a aussi d'autres actions

actions du tout contraires à celuy qui est dans les nerfs? Et que pareillement celuy qui maintient & entretient la chair est dissemblable de l'autre? & ainsi consequemmēt. Car il sera fort aisé à trouuer ceste difference et dissimilitude es autres parcelles du corps, aussi bien qu'en celles du ciel. En quoy ie me deporteray de t'exercer d'aduantage, à fin de donner lieu à ce qui reste, iadis que i'ē ay le loisir, et qu'il t'est agreable.

**V R A N.** Il est notoire qu'il y a certaines parties du ciel, et notamment au Zodiaque, esquelles certaines planetes et certaines estoilles ont choisi vn certain lieu pour leur habitation, en laquelle, plustost qu'autre part, elles s'acquittent brauement de la charge qui leur est enioincte. Et pourtant le logis et domicile du Soleil est au Lion: celuy de la Lune est en l'Escrueille: celuy

26

Il y a certaines estoilles au ciel q ont leur pprie & particulier logis.

de

de Saturne, en la Cheure: celuy de  
Iupiter, en l'Archier: celuy de Mars,  
au Behier: celuy de Venus, au Tau-  
reau: et celuy de Mercure, en la  
Vierge.

Il y a cer-  
taines par-  
ties au  
corps de  
l'homme  
q ont leur  
propre &  
particu-  
lier logis.

Æ s c v l. Aussi est il notoïre,  
Vranie, qu'il y a certaines parties au  
corps de l'homme, esquelles certai-  
nes parcelles dudit corps ont choi-  
si vn certain lieu pour leur habita-  
tion, en laquelle, plustost qu'autre-  
part, s'acquittent brauement de la  
charge qui leur est enioincte. Et  
pourtant le logis et habitation de  
l'esprit vital est au cœur: celuy du  
naturel est au foye: celuy de l'ani-  
mal, au cerueau: celuy de la chyli-  
fication (c'est à dire, conuersion ou  
transmutation de la viande receue,  
et cuicte à perfection, en vne sub-  
stance blanche, que l'on appelle  
chyle) est au ventricule: celuy de la  
sanguification (c'est à dire, par la-  
quelle

quelle est changé et transmué en  
 substance de sang le chyle attiré de  
 l'estomach) est au foye: ce qui ap-  
 porte aux reins la sîrosité du sang  
 venant du foye, est situé es veines  
 emulgentes, par le moyen desquel-  
 les sont nettoyez tous les autres  
 vaisseaux du corps, des humeurs se-  
 reuses et aqueuses, q leur pourroyét  
 estre nuisibles. Aussi la charge et of-  
 fice d'envoyer ladicte serosité à la  
 vessie, est donné aux vretères, vais-  
 seaux qui transportent ce qui a esté  
 colé & sequestré du sang, dans l'in-  
 terieure capacité des reins. Sembla-  
 blement l'office de la vessie du fiel  
 est d'attirer du foye & separer du  
 sang l'humeur choletique superflue,  
 de peur qu'elle ne donne trop gran-  
 de acrimonie & chaleur au corps:  
 au surplus, en la ratte est gardé &  
 asserué le suc melancholique (ou  
 noire

noircible, ou sang attrabilaire) ius-  
ques à ce que par l'impulsion & vo-  
lonté de nature, il soit enuoyé &  
transmis ailleurs, pour la commo-  
dité de ce corps: & ainsi conséquē-  
ment. Sur quoy ietay fin au present  
dialogue, Vranie: non pas que ie sois  
las de respondre, ains plustost à fin  
que tu reprennes vn peu ton hali-  
cine, & premedites ce que tu

as à me proposer de  
nouveau.

**Dia**

*Dialogue dixiesme, auquel le cours  
du soleil & de la lune est con-  
feré avec celui de la  
vie humaine.*

V R A N I E.

**I**E suis bien aise du bon heur qui  
m'est aduenu, & te remercie bien  
humblement, *Æsculape*, de ce que  
maintenāt ie poursuy heureusemēt,  
ie ne diray pas à goustier ou sauorer,  
mais bien à cognoistre de bout en  
autre l'harmonie des corps celestes  
& humains, par ton moyen, qui me  
l'enseignes, & la me donnes à entē-  
dre. Ie suis bien fort contente de ce  
que tu te monstres à moy si traitta-  
ble & aisé à manier: ie n'abuseray  
plus gueres par cy apres de ta patiē-  
ce & de bonaireté. Or sus donques:  
ie croy qu'il n'y a personne qui soit  
si peu versé en l'escripture du ciel  
(comme parle *Pline*) qui ne voye  
bien que le voyage que le soleil fait

R.

I  
 Levoyage  
 que le So-  
 leil & la  
 Lune font  
 par le Zo-  
 diaque, est  
 cause que  
 les quatre  
 saisons de  
 l'annee  
 sont diffé-  
 rentes à  
 leur répe-  
 rament.

tous les ans par le cercle portesi-  
 gnes (ou Zodiaque) & celuy que la  
 lune fait tous les mois, fait que les  
 quatre saisons tant de l'annee que  
 du mois, sont ordinairement diffé-  
 rentes de l'une à l'autre, quant à leurs  
 qualitez. Premièrement, le printéps  
 est humide & chaud: ouy, selon l'or-  
 dre de nature: telle qu'est la lune  
 nouvelle. En apres l'Esté est chaud  
 & sec: tel qu'est le second quartier  
 de la lune. Tiercemét l'automne, est  
 sec & froid: telle qu'est la lune plei-  
 ne. Finalement, l'hyuer est froid &  
 humide: cōme a de coustume d'estre  
 le dernier quartier de ladiète lune.

Je desire bien affectueusement sca-  
 voir que c'est q̄ tu me pourrois alle-  
 guer de semblable à ceci d'être tou-  
 tes les parties du corps de l'homme.

Levoyage  
 & cours  
 que l'hom-  
 me fait en

Æ s c v l. Je t'allegue tout le  
 cours de la vie humaine: duquel mes  
 medecins & anciens philosophes  
 ont

ont remarqué qu'il est compris en quatre aages, lesquelles egalent le nombre & qualitez des quatre saisons de l'annee cy dessus par toy mentionnees. En premier lieu est l'enfance, laquelle est humide & chaude: tel qu'est le printemps bien assaisonné, & limité par le voyage que le soleil doit faire par les trois premiers signes du Zodiaque: tel qu'est aussi le premier aage de la lune, depuis qu'elle se joint au soleil: ou, si tu aimes mieux, depuis qu'elle est nouvelle iusques à son premier quartier. Secondement, l'adolescence, ou (comme aucuns veulét) l'aage florissant, & ieunesse, laquelle est chaude & seche: tel qu'est l'esté en l'an du soleil (c'est à dire, quand apres qu'il a acheué son voyage par le Zodiaque, il s'en reuiet là mesmes dont il estoit parti) telle qu'est aussi au mois de la lune ceste espace de

ce monde  
est cause  
q les qua-  
tre aages  
d'iceluy  
sont diffe-  
rentes en  
leur tem-  
peramēt.

temps qui est depuis son premier quartier iusques à ce qu'elle est pleine: ou bien, depuis qu'elle est à demi pleine, iusques à ce qu'elle est du tout pleine. Tiercement, l'aage auquel on est plus arresté, & qu'on cōmence à grisonner, lequel est sec & froid: tel qu'a de coustume d'estre l'automne, & cest aage de la lune qui est depuis qu'elle est pleine iusques à son dernier quartier. Finalement l'aage decrepit, ou vieillesse, qui est froide & humide, pour le moins en excremēts: tel qu'est l'hyuer bien assaisonné selon nature: & cest aage de la lune qui est depuis son dernier quartier iusques à ce qu'elle se renouuelle derechef. Et à fin que tu le puisses plus aisement comprendre, Vranie, ie vay cōmencer à te le declarer plus amplemēt: commençant par l'enfance, comme par les premiers & plus prochains

fonde

fondemens de nostre aage. La chaleur & humidité d'icelle (desquelles elle est remplie) tesmoigne assez qu'elle correspond fort convenablement au printemps: mais c'est en telle sorte qu'il est fort aisé de passer de ceste humidité en chaleur, tout ainsi qu'après le printemps nous voyons arriver l'esté. S'ensuit puis après la ieunesse, à laquelle l'esté ressemble fort bien. Car quand l'un & l'autre vont selon l'ordre de nature, la chaleur bouillonne tellement en eux, que l'humidité estant pour la plus part sechée, toutes choses comencét aussi à devenir seches tât au corps qu'en la terre. Ausquelles succède l'aage virile, laquelle est plus auácee & mieux posée, laquelle aussi on dit estre comme vne entrée à vieillesse, representant l'automne: c'est à sçauoir quand la secheresse deuient si extreme que la chaleur

estant pour la pluspart haslee, l'hy-  
uer de la derniere & maladiſue vieil-  
leſſe commence à aſſaillir le corps.  
Laquelle deſtituee de chaleur, &  
ſurpriſe de froid qui deuient humi-  
de, elle eſt reduicte en pourriture:  
iettant & expulſant hors toutes ſor-  
tes d'excrements & immondices,  
qui ayant aſſiegé ce qui reſte de ſec  
au corps, s'adreſſe en apres au froid.  
Dont ſ'enſuit vne corruption d'ice-  
luy, & de ceſte corruption, la mort,  
& ruine de toutes les dependances  
du corps.

2

Le corps  
de la lune  
ſe change  
par quar-  
tiers.

V R A N. Ta facilité & huma-  
nité pardonnera à ma ſimpleſſe ſœ-  
minine, *Æſculape*, à fin que i'eſpreu-  
ue derechef ta patience. Le corps de  
la lune, ou bien, ſi tu aimes mieux, le  
viſage de la lune, ſe chäge par quar-  
tiers ſuccedants l'vn à l'autre : de  
maniere & façon que depuis ſa na-  
tiuité (i'appelle ainſi ſa premiere  
for

forme courbe en façon de faucille en laquelle elle apparait, qu'on appelle croissant) elle croist & est en vigueur, iusques a ce qu'elle soit plene: depuis, elle deuient, par maniere de dire, en chartre, s'allangourit & enuieillit. Qu'y a il au corps de l'homme qui ressemble à cecy?

Æ s c v l. Tout ledict corps, Le corps de l'homme se change p certains aages.  
 Vranic. Car depuis qu'il est venu en lumiere, de sa natiuité iusques à ce qu'il se soit renforcé, il se chāge par certains aages succedāts l'un à l'autre, il va de plus en plus en croissant, & s'aggtandit. Mais depuis, il deuient peu à peu comme en chartre, s'allangourit, & vient petit à petit en corruption, iusques à ce que selon la proportion de sa premiere croissāce, la ebaleur se diminuant, il se décroist, se dissout, totalement, & s'esuanouit. Mais par ce que ie sçay bien que tout ceci est

fort commun, Vranie, & que tu le cognois mieux q̃ les propres cieux esquelz tu habites, ie n'ē parle plus. Cependant si tu as quelque chose à me proposer, mets le en auant alaiement, comme tu as faict iusques à present.

*Dialogue vnzieme, De la conference & comparaison des corps celestes faicts en forme ronde, avec les parties du corps formees en rond, & les yeux.*

V R A N I E.

**A**insi Dieu ne me vueille point aider, Esculape, si iamais i'ouy chose plus docte, plus ingenieuse, & plus songneusement controuuee. Il me reste encores quelques questiōs en mes cieux, que ie te proposeray tantost : ausquelles si tu responds aussi dextrement que tu as faict es autres, ie te donne gagné : & condescen

descendray aisement avec toy à l'harmonie du corps de l'homme avec le ciel, & soubzsigneray volontairement à l'opinion de ton Galien en ce poinct. Et pourtant, au nom de ta maiesté & barbe doree, ie te prie & requiers instamment que laissant les natures des corps celestes(car nous en auons assez suffisamment traicté) nous commenciōs à discourir des spheres des planetes, & de leurs globes reluyfants, desquelz nous n'auons iusques à present rien, ou pour le moins biē peu, touché. Veu qu'il y en a sept, & ont sept corps ronds, se communicants tant par leur partie creuse que par la courbe & vooltee, à sçauoir Saturne, Iupiter, Mars, le Soleil, Venus, Mercure & la Lune, que trouueront ilz par ton moyen au corps de l'hōme qui leur soit semblable?

I  
Les spher  
res des sept  
planetes  
ont sept  
corps ronds  
reluyfants.

Les sept tuniques des cercles, ou yeux de l'homme, ont sept petits cer- nes, ou ronds, re- luy sans.

Æscvl. L'œil, Vranic, auquel ie prouueray que tout ceci est re- présenté en deux sortes. Premiere- ment es tayettes desquelles il est vestu & enueloppé: en apres es cer- cles faicts & construits de sept tu- niques, ainsi nōmees pour ce qu'el- les sont separees les vnes d'avec les autres: selon laquelle separation ont leurs propres noms & appellations: lesquelles toutes sont (par le moyen de leurs cercles) conioinctes & im- plantees en la partie de l'œil appe- lee par les Grecs iris & stephané, & par les Latins, iris, & couronné, ou entourement de l'œil. Ainsi dōques faut entendre que du nerf optique (sans lequel nulle seroit la veüe, & se perdrait totalement) dilaté & amplifié, est faicte la premiere tuni- que nommee amphiblastroide, c'est à dire retiforme, ou reticulaire (par

ce qu'elle est construite & faite en façon de rets) laquelle représentera le cercle de Saturne. La seconde, laquelle est retenue & confirmée par le moyen d'aucunes bié delices epiphyfes, que l'on nomme arachnoydes, c'est à dire explantations semblables aux toiles d'une araigne, lesquelles sont estendues iusques à la tunique retiforme, & leur seruent tant de liaison, comme de leur porter nourriture: représentera le cercle de Iupiter, lequel est prochain voyfin de Saturne. La troisieme procedant de la susdicte tenue, est dicte choroide & secondine, à cause qu'elle est la ligature de plusieurs vaisseaux desquelz elle est tissue & composée: comme est la seconde (vulgairement arriere faix) de laquelle l'enfant est enuêloppé, la mere estant enceinte: laquelle aussi

figurera le cercle de Mars, qui est pareillement voyfin de Iupiter. La quatriefme naiffant de la precedente, appelee de Grecs rhagoide, & des Latins vuee, ou acineufe, pour ce qu'elle est semblable à la cotte d'un grain de raisin tiré hors de la grappe, est percee au milieu, & ce pertuis est nommé pupille, c'est à dire poincte de la veuë: representera le cercle du Soleil voyfin de Mars. La cinquiefme produicte de la plus dure membranc du cerueau, & receuant par derriere l'humeur vitree (qui a façon tant en couleur comme en consistance à vn verre fondu & liquifié) avec la crySTALLINE, quasi semblable de couleur & consistance à vn vray crystal: laquelle donne bien grande vtilité à toutes les membranes de l'œil subiacées, tant de peur qu'elles n'endurent

ou souffrent quelque mal des os circonuoisins, comme aussi de peur qu'elles ne se rompent ou separent l'vne d'auec l'autre, par les continuelz mouuements dudit œil: & a esté pour c'est effect appelée des Grecs sclere, & des Latins, dure: pourra figurer le cercle de Venus, qui suit apres le Soleil. La sixiesme procedant de la susdicte, à laquelle elle est ioincte, nommee des Grecs Keratole, & des Latins cornee, parce qu'elle est de son naturel fort dure, & toutesfois transparente: & a esté ainsi nommee des Latins, à cause qu'elle a quelque similitude avec vne petite lame enleuee d'vne corne coupee en pieces: correspondra au cercle de Mercure, lequel est semblablement voyfin de Venus. La septiesme & derniere, venant du pericrane (qui est vne membrane qui.

qui couure les os durs par dehors  
 sous le cuir, & vient des meninges  
 de dedans ) est comme vne maniere  
 d'application dudit pericrane en  
 cest endroit, qui sert de lier entier-  
 rement ledit œil avec les os, & pa-  
 reillement de couvrir les muscles  
 qui seruent aux mouuements des-  
 dictz yeux : & pour ceste cause est  
 auourd'huy appellee conionctiue,  
 ou coherente:representera biẽ pro-  
 prement le cercle de la Lune, qui est  
 le dernier de tous. Voyla quant aux  
 tuniques de l'œil. Mais quant aux  
 sept cercles, faicts & construits des  
 sept mēbranes dudit œil, avec les-  
 quelles ilz sont naiz & formez en-  
 sēble, & qui s'asēblēt en ceste par-  
 tie de l'œil ou le blanc est cōiōné  
 avec le noir ( à sçauoir au cercle,  
 ou cerne, nommé iris) lesquelz cor-  
 respondent aux cercles des sept pla-  
 netes

netes, ie ne t'en tiédray pas lōg propos pour le present. Le premier & tout le dernier, ( qui est de ceste tunique que nous auons dict venir du pericrane, nommee conionctiue, ou coherente ) duquel nous traictons maintenant tout au rebours de ce qu'auons faiet cy dessus demonstre-  
 ra le cerne, ou rondeur, de la Lune. L'autre qui est de la cornee, representera celuy de Mercure. Le troisieme ( à sçauoir en montant du dernier iusques au premier ) qui est de la dure, celuy de Venus. Le quatrieme, qui est de la rhagoyde, ou vuee, celuy du Soleil. Le cinquieme, qui est de la choroyde & seconde, celuy de Mars. Le sixieme, qui est de l'arachnoyde ( c'est à dire ex-plantatiō semblable aux toiles d'une araigne ) celuy de Iupiter. Le septieme & dernier, qui est de la  
 retifor

retiforme, celuy de Saturne.

2

Les cernes  
& globes  
estouillez  
des sept  
planetes,  
sont enclos  
d'vn cer-  
tain cercle  
dernier de  
tous.

V R A N. Tu me describes, à ce que  
ie voy, en peu de parolles toute l'a-  
natomie & dissection de l'œil, Æscu-  
lape. En quoy ie loue ton esprit, &  
approuue la conference & compa-  
raison que tu as fait de tout l'œil  
avec les cernes de mes planetes.  
Mais lesdicts cernes des sept plane-  
tes, & autant de globes estouillez  
qu'ilz ont, sont enclos & contenus  
dans vn certain huitiesme globe,  
comme dans vn corps dernier de  
tous.

Les sept  
tuniques  
& autant  
de cercles  
des cernes  
ou globes  
de l'hom-  
me, sont  
enclos d'vn  
certain  
cercle der-  
nier de  
tous.

Æ S C V L. Il est fort aisé de respo-  
dre en peu de mots à ce que tu me  
viens d'alleguer. Car toutes ces par-  
celles dont i'ay maintenant fait mé-  
tion (i'enten toutes les tuniques de  
l'œil avec leurs cercles) sont enclo-  
ses dans le crâne, ou tez, comme d'vn  
quelque cercle dernier de tous. Ou

bien,

bien, si tu aimes mieux, les sept petites bourses (ou estuys) faictes en rōd qu'ont les cernes de l'homme (les grammairiens appellent ainsi les yeux) & autāt de petites globes fort reluyants & transparents, sont enclos & enfermez dans le crane, cōme dans vn cercle, ou rondeur, plus ample & plus haut.

**V R A N.** Certainement tout ce que tu dis est dict fort ingenieusement, *Æsculape* : mais tous les cernes des cieux, ont vn mouuement que le sens de l'homme peut manifestement apperceuoir, lequel suit en tout & par tout le mouuement de la huiſtiesme sphere. Et d'autre part, leurs globes estoilleez, en ont vn autre dfferent d'avec cestuy ci, selon la propre nature de chacun.

**Æ s c v l.** Aussi les cernes des corps humains, ou bien si tu aimes

3  
Les cernes estoilleez du ciel ont deux mouuemens que le sens peut manifestement apperceuoir.

Les cernes des corps des hommes

ont deux  
mouuemēts  
quelc sens  
peut mani  
festement  
apperce  
voir,

mieux, des yeux, Vranie, ont vn  
mouuement que le sens peut mani  
festement apperceuoir: lequel suit la  
motion de la teste, comme d'une  
sphere derniere de toutes: & d'autre  
part, en ont vn autre different d'a  
uec cestuy ci, soit qu'il se face & soit  
mené amont, vers les sourcilz, abas,  
vers les iouës: à costé droict, vers le  
coing exterieur, & au costé gauche,  
vers le nez.

4

Les cernes  
des cieux  
se meuent  
sur vn mes  
me effieu.

**V R A N.** Le ne scay quasi plus  
que te proposer, Esculape. Tous les  
cernes des cieux, prennēt leur mou  
uemēt vniuersel, & sont portez sur  
vn mesme effieu: duquel le bout &  
extremité est en la derniere sphere.

Les cernes  
des corps  
se meuent  
sur vn mes  
me effieu.

**E s e v l.** Les cernes des corps  
humains (ou bien les yeux) Vranie,  
sont portez & se meuent vniuer  
sellemēt sur vn mesme effieu, à sca  
uoir sur l'espine du dos. Le bout &

extre

extremité de laquelle est au crane,  
(ou caluaire) & en la tēte, comme  
au dernier cerne: à laquelle avec  
tout l'effieu de ladicte espine, sont  
constituez au dessous les deux  
pieds, avec leur appartenāces, pour  
luy seruir de base & soustenement  
de tout le corps: comme il appert  
par l'anatomie & dissection des  
corps morts, & parties d'iceux.

**V R A N.** Ton diuin & singulier  
sçauoir me rend si estonnée que ie  
ne trouue plus que te proposer. Et  
pourtant ceste question sera pour la  
derniere. Le ciel avec toutes ses par-  
ties (selon la philosophie chrestienne)  
doit passer & auoir fin. f  
Le ciel pas-  
sera, & au-  
ra fin.

**Æ s c v l.** Semblablement le  
corps de l'homme avec toutes ses  
parties, Vranie, doit auoir fin: &  
mesmes l'a tous les iours: duquel  
i'exclus & excepte l'ame, laquelle

Le corps  
passera, &  
aura fin.

les Academiciens (qui sont descendus de mon Hippocrate) ont vrayement dict estre immortelle: à fin que cependant ie ne parle point de la philosophie Chrestienne, laquelle insiste sur ce poinct, sur tous autres, alencontre des Peripateticiens & Epicuriens.

V R A N. Ie t'ay donné iusques à present beaucoup de peine tant en interroguant qu'en proposant, & possible mesmes t'ay-ie ennuyé, Esculape: mais quant à toy, i'ay receu vn singulier plaisir & contentement de t'ouyr respōdre, opposer, & mesmes enseigner & instruire. Ie te remercie dōques tres affectionnemēt de tes si doctes demonstrations & enseignements, de tāt de peine que tu as prise, & de tant de sçauoir & doctrine que tu m'as communiqué: ie ne say pas quand i'autay moyen de

de t'en récompenser. Et par ce que ie n'ay plus rien que ie te puisse proposer, de pure & franche volonté ie te donne des maintenant auoit gagné au present discours : & me tien parfaictement resoluë de ce que i'ignorois auparauant, à sçauoir que le corps humain recognoist d'auoir vne merueilleuse harmonie avec les cieux & leurs appartenances. Ce que tu m'as avec toute diligence monstré, exposé doctement, & déclaré & esclairci fort songneusement, discourât de la premiere formation & composition d'iceluy, de tous les aages & quartiers de sa vie, & de tout ce qui luy peut appartenir. En sorte que ie ne voy pas qu'il reste autre chose sinon que de conclurre que le macrocosme, (c'est à dire le ciel) est au microcosme (c'est à dire, en l'homme) & au contraire :

Côclusion  
de tout le  
discours.

& que ledict corps de l'homme a  
 grande intelligence, familiarité, &  
 harmonie admirable avec le ciel.  
 D'aduantage qu'en l'un & l'autre  
 reluit vne egale sagesse, vertu &  
 prouidence du createur. Ce que i'a-  
 uois emprunté de ton Galien, phi-  
 losophe, astronome & medecin in-  
 comparable, pour le te proposer au  
 commencement de nos discours, cō-  
 me quelque ancienne question &  
 bien difficile, pour la me faire es-  
 claircir, & m'en donner l'intelligen-  
 ce. Reste maintenant que apres auoir  
 mis fin au present dialogue, nous  
 nous acquittions songneusement de  
 la charge que ton ayeul Iupiter, &  
 les autres dieux immortelz, nous  
 ont donnee. Car, comme ie voy,  
 nous sommes desia descendus au  
 monde: auquel ie commence à re-  
 marquer ce que ton oncle Mercure  
 a expo

a exposé en plene assemblée des dieux.

**Æ s c v l.** Il est ainsi, Vranie : & pourtant ioue bien ton personnage, de ma part, ie m'en acquitteray le plus fidelement que me sera possible. Mais escoute : fay ie te prie en sorte que, apres que nous aurons fait nos affaires, nous nous en retournions de cōpagnie en nos maisons celestes.

**V R A N.** Il n'y aura point de faute, Æsculape : Adieu.

**Æ s c v l.** Et toy aussi, Vranie, iusques à ce que nous nous renoyés, & recommencions nouveau propos.

*Fin de l'harmonie des corps du  
ciel & de l'homme, par  
Antoine Mi-  
zauld.*

# Faultes suruenues en l'impression. 3

Le premier nombre denote le

feuillet le second la ligne. 2

Au fuell. 10, ligne 4, lisez venez. à 14, 4, l'espuise.  
à 15, 12, petite. à 10, 13, passives. à 31, 1, c'est ce  
qu'il. à 31, b, li, dernière, tesmoigneroyent. à 34,  
10, d'eux. 35, 12, say. & b, 11, epiderme. 36, 9, troué,  
& b, 9, invincible. & ligne 18, & 19, estonnee &  
esperdue. à 37, 21, lisez tresgrand. 38, b, en la  
marge, lisez Le mouuement. à 41, b, 13, lisez  
veterneux. à 46, à la marge, lisez voyons le  
soleil mesmes. à 48, 23, Solstice. & b, premiere li-  
gne, Brumal. à 50, 10, charge, & 12, espande,  
à 53, b, 2, tenué. à 55, b, 8, liberalité. & en la der-  
niere, autour. à 56, 1, seiournoit. à 57, b, 16, poul-  
mon. à 58, 4, nourritore, aide à celle. & en la 8,  
celle qu, & en la 11, croissante. à 63, b, 18, bile,  
à 68, 12, engdéter & b, 14, des Cyclopes. à 71, b, 13,  
aligner. à 74, b, en marge, effacez choses, à 76,  
b, 21, effacez du soleil. à 77, 19, veus. & en la 20,  
diuine & celeste. à 80, 16, mourir. à 86, b, 15,  
n'entremet. à 91, 4, dilatation. à 91, b, 5, Zeus.  
à 97, b, 10, il me faut. à 99, b, 2, quelles. à 100,  
b, 18, leucophlegmaticques. & 19, ordemes. à 101,  
1, constituée. & en la 6, encierement. à 108, b, 11,  
refusent. à 119, b, 4, prepare. à 120, 16, au foye.  
121, 14, tranversant. & en la dernière, au Zodiaque.  
à 123, b, 6, ilz se. & en la 8, droicts. à 124, 7, fibres,  
à 128, 4, lisez serosité.

supplicio laus tuta semel

SATVR. NVS. I



Madureault

1386.

Spes mea deus.

Quicquid agas. Sapienter agas. Respice finem.

IVPI.

TER.



MARS

104



SOL



VENUS.

VENUS.



MERCVRIVS.



LVNA.



A Josias Machureault m<sup>re</sup> chirurgien  
à Chalon -

Spes mea Deus.



*Machureault*  
Supplicio laus tuta semel

*Quid quid agas Sapienter agas Respice finem.*

ce livre a esté imprimé en Latin.  
sous ce Titre  
Æsculapij & Urania medicum simul  
& astronomicum ex colloquio-  
coniugium. Lugduni impressit.  
Joannes Tornasius, anno 1550.

Cet auteur a escrit plusieurs autres  
livres en Latin & en françois dont  
le Catalogue se trouve dans la  
Bibliothèque de Conrad Gesner —  
augmentée par Simlerus pag. 64.  
editione Tiguri apud Christoph.  
Froschouerū 1583. et en celle du  
1<sup>r</sup>. De La Croix du Maine. p. 17.  
edit. de Paris Abel Langelier  
1584.